

**SIXTH LEGISLATIVE ASSEMBLY OF MIZORAM
(SIXTH SESSION)**

LIST OF BUSINESS

**FOR THIRD SITTING ON WEDNESDAY, THE 22nd SEPTEMBER, 2010.
(Time 10:30 AM to 1:00 PM and 2:00 PM to 4:00 PM)**

QUESTIONS

1. *Questions* entered in separate list to be asked and oral answers given.

LAYING OF PAPERS

2. *Pu P.C LALTHANLIANA* to lay on the Table of the House a copy of each of the following Rules :
 - a) The Mizoram Prohibition of Child Marriage Rules, 2010.
and
 - b) The Mizoram State Commission for Women (First Amendment) Rules, 2010.

FINANCIAL BUSINESS

**DISCUSSION AND VOTING ON FIRST SUPPLEMENTARY DEMANDS FOR
2010 – 2011**

3. Discussion and Voting on First Supplementary Demands for the year 2010 – 2011 and Supplementary Demand for grants of Excess Expenditure for the year 2004-2005, 2005-2006, 2006-2007 and 2007-2008.

LEGISLATIVE BUSINESS

Bills for Introduction, consideration and passing

4. *Pu LAL THANHAWLA*, Chief Minister to beg leave of the House to Introduce “The Mizoram Appropriation (No.3) Bill, 2010”.

ALSO

***to Introduce the Bill
to move that the Bill be taken into consideration
to move that the Bill be passed.***

5. ***Pu LAL THANHAWLA***, Chief Minister to beg leave of the House to introduce “The Mizoram Appropriation (No.4) Bill, 2010”.

ALSO
to Introduce the Bill
to move that the Bill be taken into consideration
to move that the Bill be passed.

6. ***Pu LAL THANHAWLA***, Chief Minister to beg leave of the House to introduce “The Mizoram Fiscal Responsibility and Budget Management (Second Amendment) Bill, 2010”.

ALSO
to introduce the Bill
to move that the Bill be taken into consideration
to move that the Bill be passed.

...//...

S P E A K E R : Mirethei Khawngaih chuan LALPA a puktir a ni a, a thiltih that chu a rul ang.....Thufingte 19 : 17.

Tunah zawhna leh chhanna kan la ang a. Starred Question No. 41-na zawt turin Pu Lalduhoma, a awm lo a ni maw? Starred Question No. 42-naah a zawt turin Pu Lalthansanga, a awm lo maw? No. 43-naah kan kal leh nghal ang a, a zawt turin Pu C. Ramhluna ilo ko ang.

Pu C. RAMHLUNA : Pu Speaker, ka lawm e. Starred Question No. 43-na Higher Education Minister chhan atan –

- a) Post Matric Scholarship Board, Mizoram hi 1.04.2000 hnuah siam thar leh a ni em?
- b) Anih loh chuan eng vang nge ?
- c) Post Matric Scholarship pawisa sanction authority hi tunge? Tih ka zawt e.

S P E A K E R : A chhang turin Pu Lalsawta a changtu Minister ilo sawm ang.

Pu LALSAWTA, MINISTER : Pu Speaker, member zahawm tak, Pu Ramhluna zawhna chhanna –

- a) Post Matric Scholarship Board, Mizoram hi 3rd April, 2000 a notification chhuah a siam anih bak kha tun thlengin siam leh thar a la ni lo.
- b) Anih loh chuan eng vang nge tih hi, a chhanna chu- Mizoram Scholarship Board hi changtlung zawk a siamthat tum mek anih vangin hemi 3rd April, 2000 a chhuakin a a siam bak hi siam tha lovin tunah a thar buatsaih tum mek a ni a. Tichuan notification pawh tih chhuah thuai tum a ni tih a ni.
- c) Post Matric Scholarship Sanctioning Authority hi tunge ni tih hi a chhanna chu - Post Matric Scholarship Sanctioning Authority chu Secretary to the Government of Mizoram Higher and Technical Department tih a ni e.

S P E A K E R : Zawhbelhna Pu C. Ramhluna.

Pu C. RAMHLUNA : Pu Speaker, changtlung zawk Scholarship Board siam tumna hi a rei hle a, 2000 kuma mi kha siamthat tum ani renga. Tunah hian tihhlawhtlin tumna kan pan chho in ka hria a a lawmawm hle a. Kan zawhbelh duh chu, tunhma zawng zawnga Director, Higher & Technical Education Department hnuai atanga sanction thin niin ka hria a. Tun hnaia secretary in a sanction thut tak leh Board secretary, Higher & Technical Education Board hnuai a awm thin amah maia kha leh a section a kha direct-a secretary hnena a file han thawn tir tak daih a, Director han palzut tak daih a hi remchang zawka hriatna a awm ni ngei tur a hriat

a ni a. Enge ni a chhan? Enge ni a tul na? Enge ni a that bik zualna? Tih hi ka'n zawt duh a. Heti lo deuh hian kal dan dang a awm lawm ni tih kha ka'n zawt duh a ni a.

S P E A K E R : A chhang turin Minister ilo sawm ang.

Pu LALSAWTA, MINISTER : Pu Speaker, Higher & Technical Education Department a Scholarship chungchang hi hemi Department mai ni lo, Power & Electricity chungchang te, PHE te, Animal Husbandry te, Department tam tak khawih anih bawk avang hian Director ina a tih thin a kha a tawk lovin kan hria a. Chuvang tak chuan tunah pawh hian he Board kan siam thar turah hian Department hrang hrang, hetiang lampanga rawn inrawlh ngai kan tih ho chu an aiawh tel tur pawhin buatsaih a ni a. Chutiang te avang leh administration-ah pawh a that zawkna beiseiin hetiang hian Secretary to the Government of Mizoram Higher & Technical Education Department hi sanctioning authority ah ruahmanna kan siam a.

Tin, chutiang a lo nih takah chuan, a Director anga an pawimawhna a kiam chuang lova, amaherawhchu, a hnathawh phungah Director in a tih thin, a tih ngai ta lo thenkhat awm te avang khan 'By-pass' ang deuh a ngaih theih chuan tuna kan kal dan chu a ni ta a. Tin, hetiang hian kan kal deuh deuh dawn ni pawhin a lang a ni.

S P E A K E R : Zawhbelhna Pu P.P Thawla.

Pu P.P THAWLA : Pu Speaker, zawhbelhna. Tuna scholarship kan pek mek dan hi technical line a kal ho hi engzat zel nge ni a? college-a zirlai panggaite engzat zel nge ni? Book Grant hi engzat theuh a pek nge an nih? tih ka'n zawhbelh e.

S P E A K E R : A chhang turin Minister ilo ko ang, i inrin lawk loh phei chuan kha kha chu figure te hi a har thin a.

Pu LALSAWTA, MINISTER : Pu Speaker, khalam kha lo in rinlawk loh lam deuh a ni a. Mahse, member tena engemaw chen an zuk hriatpui theih tur chuan tlem sawi ila. A rate hi a in ang vek lova, Book Grant te pawh college hrang hrang ah te pek an nih avangin. Tin, scholarship chungchangah hian Tribal Scholarship te a awm a, Merit Scholarship te a awm bawk a, tin, income bracket an nu leh pa anmahni enkawltu tena an kumkhat lak luh a tam dan a zir a pek chi te a awm bawk a. Chuvangin an in ang dial dial a han sawi mai theih a ni lova. Tin, Medical

te, Engineer te, Technical line leh Professional line thenkhat a an zir dan chungchangah hian a Department lam direct-a an tih te pawh hi a tam ve khawp mai a, keinin a kan hriatpui ve loh te. Engpawhnise kan hriattheih ang chi chi chu nimin lamah pawh ka lo sawi tawh leh ka dil tawh ang khan Book Grant te leh heng chi hrang hrang zirlai tena an hmuh theih ang kha kan member dang te pawhin kan hriat theih turin session chhung hian pek ka lo tum ang e.

SPEAKER : Starred Question No. 44-naah kan kal ang a. Kan member zahawm tak pahnih te kha in zawhna kha kan lo kalsan hman a, a pawh khawp a, tunah Starred Question No. 44-na zawt turin Pu K. Liantlinga a ni a, a ni hi chhiat tawhna avangin a lokal thei lova, a aia a zawhna lo zawt turin Pu Lalduhoma member zahawm tak a authorize a keiin ka lo pawm bawk a. Tuna Pu K. Liantlinga zawhna zawh sak turin Pu Lalduhoma ilo sawm ang.

Pu LALDUHOMA : Pu Speaker, Health & Family Welfare Minister chhan atan-

- a) Mizoram Civil Hospital leh ram chhunga District Hospital upgradation atan hian consultant rawih a ni em?
- b) Hospital upgradation atan consultant rawih nise eng firm te nge rawih an nih?
- c) Heng atan hian sum engzatnge hman a nih?

SPEAKER : A chhang turin Health & Family Welfare Minister Pu Lalrinliana Sailo ilo sawm ang.

Pu LALRINLIANA SAILO, MINISTER : Pu Speaker, zawhna kan ngaihthlak chhanna chu-

- a) Rawih a ni e tih a ni a.
- b) Aizawl Civil Hospital leh ram chhunga District Hospital upgradation atan hian consultant ah AEGIS International & Associates, New Delhi rawih an ni.
- c) Aizawl Civil Hospital atan ₹ 96,04,227 /- leh Champhai District Hospital atan ₹ 81,59,963 /- hman a ni.

SPEAKER : Zawhbelhna Pu Lalduhoma.

Pu LALDUHOMA : Pu Speaker, heng consultant te hi engtik hun laia rawih nge an nih? Eng anga tangkai nge an nih? Hospital pakhat atana senso ringawt pawh hi a tam em em mai a. Hospital tih changtlunna tham a ni a. Consultant rawih mana

heti zat zat hman a ni hi eng ang leka tangkai nge a nih? Engtik hun laia tih nge tih hi kan zawt duh a, tul lo leh tangkai lova sum heti zat sen a ni hi sorkar hian enfiah a, a mawhphurtute zawnhhuah a tum em?

Pu P.P THAWLA : Pu Speaker, upgrade tura ruahman kha ka hriatsual emaw ni Aizawl leh Champhai chauh ka lo hre hman a, Lunglei te, Saiha te hi upgrade tum an ni ve lo em ni? Sawi rik a va ni lo ve. Tin, upgrade han tih hian building sak that te a huam tel thei em tih ka zawhbelh e.

S P E A K E R : Chhang turin changtu Minister sawm ang.

Pu LALRINLIANA SAILO, MINISTER : Zawhbelhna kha hemi AEGIS International & Associates hi a hunlai chiah ka lo hre lova, amaherawhchu, 2008 hma lam kha chu a ni ang a. Ka lo chian loh deuh hlek lai a ni. Ka rin dan in 2008 lam anih ka ring a. Engang taka hman tangkai nge an nih tih kha khami an tih lai khanin Aizawl Civil Hospital hi cheng vaibelchhe 54 leh nuai 43 vel in estimate kha siam a ni a.

Tin, Champhai hi vaibelchhe 24 leh nuai 83 vel niin ka hria a chutiang chuan tih a ni a. Amaherawhchu, tunah hianin sorkar thar a lo awm in Aizawl khawpui chep tawh dan te, tin, Civil Hospital-a kan in nawr chep lutuk te kan han thlir hianin Traffic jam leh Emergency-ah tak ngial pawh a hun taka damlo te an thlen hman loh va thihna leh thil pawh thleng thei te anih avangin hei hi chhunzawm tawh lo ila tiin rel a ni a. Tiang ang chuan Falkawnah te, a then then engemaw chen hi in sawn phei selangin. Tichuan, helaiah hian Emergency leh heng ang Gynaecology kan tih te naupang ang te leh khatiang Care Centre ang ni ta sela kan han ti a. Chuvang chuan, hemi consultant lo rawih tawh hi kan ti danglam lo thei lova.

Tichuan, August ni 19 khanin kan Chief Minister zahawm tak Chairman-na hnuaiah kan ngaihtuah a. Tiangchuan, he AEGIS Intenational & Associates Company hi rawih chhunzawm ni tawh lo se kan ti a.

Ni e, keini pawhin mak kan ti lo thei lova, a tam deuh hlek chu kan ti a. Pawisa a taka la awm hma a heti zat mai kan han release kha chu keini pawn tam kan ti deuh hlek a. Anni hi chu rawih chhunzawm loh nise tiin kan rel tawh a.

Tin, Civil Hospital upgradation, hemi Champhai leh Aizawl chauh a mi tih zawhna member zahawm tak Pu P.P Thawla rawn zawh ang khan Saiha hi kan ti mek bawk a. Crore 34 vel in estimate kan siam a. Chu chu NEC-ah te, DoNER-ah te kan bei mek a. NRHM hi a lian deuh hlek a., hei hi chu an ti a, kan State PIP-ah khan an rawn huphurh deuh hlek a chu chu Central lamah kan ti mek a.

Tin, Lunglei pawh saw kan ti mek tho va. Lawngtlai te, tin, Mamit leh Kolasib te pawh kan ti mek a. Tin, Hnahthial leh Saitual leh Khawzawl te pawh kan han siam a. Tin, Lunglei bik kha lo khawih hlim hlawl anih avangin hemi a master plan zawngin kan kal a. A chhan chu Aizawl pawh hi a ni a, kan thiam loh tlan pawh a ni ang a. Department Establishment hrang hrang kan nei a, a lo luh dan a zir khan a rem lai laiah kan sa mai a, master plan awm lo in, chuvang chuan kan Chief Minister zahawm tak hian “bawlhhlawh bawm lianpuI a ni”, a tih pawh hi thudik a ni a. Hmanni a kan lo haw pawhin Ambassador pariat (8) lai an lokal dawn kan ti a, kan mit kan len haw a, (kan Myanmar kal haw khan) Civil Hospital kan han kal sawn a uih vung vung mai a. A inthiam loh theih khawp mai. Chuvangin engemaw chen siam danglam a ngai a. Tin, khatia master plan awm loh avanga duh lai lai rek mai an nia Civil Hospital hi. Hei hi zawng tui baw tawh hnu a ruh leh theih tawh lova, a dang erawh hi chu master plan i nei ang u kan ti a. Master Plan nei turin kan inruahman a. Lunglei pawh master plan kan siam ve leh tawh a, theih ang tawk tawk in hma kan la ve zel a ni. Saiha leh Lunglei kan ti mek tihna a nih chu.

Tin, a mawhphurtu zawn tih kha thahnem ngaia lo tih ve a ni a, thahnem ngaih dan a inchen lo te pawh a ni ang e. Amaherawhchu, tha zawka kan ngaih avangin consultant hi kan ti tawp ta a, chu chu a mawhphurtu kan zawn chhuah theih naah kan ngai a ni.

S P E A K E R : A lawmawm e, i duh tawk ang u khami bik kha chu, pahnih a kal tawh a. Kan hotuten Zoram pumpui an ngaihtuah em em a Saiha, Lawngtlai, Lunglei leh Aizawl an ngaihtuah a. Khawilai mah left out, hnutchhiah an tum lova, theihtawp chhuahin sum an zawng a. Kha kha arawn sawi vek tawh a, a mala Chawngte bik rawn sawi kha.. Pu Nirupam Chakma.

Pu NIRUPAM CHAKMA : Pu Speaker, Health Minister chhan atan. Hei Consultant rawih hi a pawimawh em em a. Khawi Department atan pawh DPR siam nan chuan consultant rawih hi a tha chu ka ti a, ruai zel rawh se. A chhan chu Mizoram te kan thiamna a la sang lova. India sorkar lamah project engemaw kan siam ve a, rei tak a lo tang a, a chhan chu project siam duh angin kan thiam tawk lo deuh a ni.

Keini pawh District Council ah project engemaw kan han siam ve a. Mahse, an lo la ti lova, query te an siam a, sorkar hian consultant rawih hi chhunzawm chu a tha a. Amaherawhchu, kan fimkhur chu a ngai a ni. As a Government angin, consultant approved a ngai a ni, hetia duh duh a rawih a, hman theih loh hi chu a dik lo a ni. Under hand negotiation te pawh a awm thei a. Tin, tunge tih kan hrethei si lova. Chuvang chuan Pu Speaker, nakin zelah consultant rawih turah khan Department bik emaw Sorkar ang pawhin approved dan awm thei sela a tha a. Ka zawh tum chu upgradation lam hi an ti mek a ni a. Chawngte kan harsa em em a. Chawngte tan consultant rawih tumna a awm em?

S P E A K E R : Awle, Minister in a chhan theih chuan han chhang sela, i sawm ang.

Pu LALRINLIANA SAILO, MINISTER : Pu Speaker, ka lawm e. Member te an thahnem hle a ni. Kan tih leh turah chuan Tender in emaw kan ti thlap in ka ring a, a fel fai thei ang ber turin tih tum a ni a. Chawngte bul Borapansuri-ah khan kan sa zo hlim hlawl a, kan la luah lo a. Ka'n sawi tel duh a, a thar mawi tak kan sa a. Tin, Chawngte saw a pawimawh a, District Capital a ni a, upgrade tur chuan kan earmark a, tin, tuna 13th Finance Commission-ah hian telh kan tum bawk a ni. Tawk mai em aw..?

S P E A K E R : A lawmawm e, kha kan hotute chuan ngaihtuahna an lo hmang diam zel a nia. Tunah Starred Question No. 45-na zawt turin Pu K. Lalrinthanga ilo sawm ang.

Pu K. LALRINTHANGA : Pu Speaker, ka lawm e. Minister zawhawm tak Environment & Forest Department changtu chhan atan –

- a) Thingtlang loneitute hmunphiah thar chhuah leh tualto te hi hralhchhuah anih theih nan ruahmanna a awm em?
- b) NLUP Trade Recommend-ah khan hmunphiah hi Soil Department hnuaiyah dah a ni a. Hmunphiah tualto te nen hian Soil Department hnuaiyah a awm vek tawh mai dawn em ni?
- c) Hmunphiah hralh dan kal phung hi eng Department mawhphurhna nge? tih a ni e.

S P E A K E R : Tunah a chhang turin Pu H. Rohluna, a changtu Minister ilo sawm ang.

Pu H. ROHLUNA, MINISTER : Pu Speaker, member zahawm tak Pu K. Lalrinthanga zawhna chhanna chu –

- a) Thingtlang lo neitute hmunphiah thar chhuah leh tual to te hralh theihna tur ruahmanna a awm hran lo.
- b) Hmunphiah tual to te hi mimal ram, Pass / P. Patta leh LSC huam chhunga awm anih loh chuan Environment & Forest Department thu neihna hnuaiyah a ni.
- c) Hmunphiah hi Minor Forest Produce anih avangin a lakkhawm leh hralh te pawh Environment & Forest Department thuneihna ani a, mimal ta huam lovin. Hmunphiah tualto Sorkar ram ami chu Environment & Forest Department thuneihna anih angin, Environment & Forest Department chuan 2009-2010 thlang khan mahal system in a hralh thin a, mimal hmunphiah, plantation siam

te pawhin sorkar thupek No. D-24016/50/2002.FST ni 22.01.2010 a thu chhuah angin Divisional Forest Officer, DFO hnenah in report in transit pass an dil thei ani tih a ni.

S P E A K E R : Zawhbelhna Pu K. Lalrinthanga, a zawttu kan ko hmasa ang a, a dawtah Pu Lalduhoma.

Pu K. LALRINTHANGA : Pu Speaker, hei hmunphiah hi January thla khianin hralh runpui, a leitu tena an duh hun lai tak, a no lai kha a thleng chho leh mai dawn a, nikum ah khan hmunphiah hralh chung changah Serlui Constituency area ami te khu an buai nasa hle a, thenkhat in an ching a, Forest Department-ah in report tur ani tih hre hranpa lem lovin an va kek a, an rawn hawn a, chuan mahal ho khan chhuhsak an lo tum veleh chhen mai bawk si a, chuvang chuan tuna a hralh hun lo thlen hma hian ruahmanna fel tak hi sorkar lam atang hian siam nisela, hmunphiah chung tuten an thar chhuah hralh kawngah buaina an tawh loh nan, chu chu kan Forest Department changtu zahawm tak hianin min lo ngaihtuah sak thei se tih ka ngen duh a. Tin, hemi a chingtute leh tual to tih hi khawchhung atang hi chuan hriat hran a har deuh hlek thin a. Helai hi awlsam deuh taka hriat hran theih dan kawng ngaihtuah hi chu a tha in ka hria. Chu chu ka han zawh leh ngen duh a ni e.

Pu LALDUHOMA : Pu Speaker, nia khami hrul deuh ah khanin mahal system hi, hei Balu-ah te pawh a that loh zia kan hre tawh a, permit system in a an thlak hnuah mipuite an hlawk zia pawh a takin kan hre tawh a. Royalty chungchangah pawh sorkar a hlawk lo chuang miah lova. Mahal system hi a bo thei lo anih pawhin Mahaldar hnenah ni lova, a rem rema, a thar chhuaktuten a an hralh hi phalsak ve tal nisela a tha lawm ni?, a man a to zawk bawk si a, mi dingchhuak tur mi pahnih khatina an hrekbet leh tlat mai thin hi a felin ka hre lova. Mahaldar a awm anih chuan chumi hnena pe duh chuan pe zela, midang hnena direct-a pe duh chuan Lengpui atanga thlawhnaa thawn an duh pawhin thawn ve mai rawh se. Sorkar hian zalen deuhin a siam thei em tih ka zawt duh a.

Tin, a hralhna kha chu a hralhna awm apiangah khan mimal in an huana an chin a ni emaw tual to a ni emaw khawi laia mi pawh kha a hralhna kha chian sela, tupawh khan hralh thei selang a that ber ka'n ring a.

Tin, a dawt leh a ka'n zawh duh chu tunah chuanin a hmunphiah chauh ni lovin, a kuang hi paper siam nan an duh hle tih hriat a lo ni ta a. A kuang chips a siamna tur leh a hralhna tur hi sorkar hian a buaipui em?. Hei hi NLUP-ah te pawh hian a thun theih lawm ni? mi engemaw zatin an lo nunpui ang a, hmun engemaw zatah hian dah nghe nghe ila, tichuan a kuang kha manual-a tih theih a nih phei chuan an huanah te keng sela, a chips-in rawn keng sela, rawn phur selangin a tha leh zual dawn a khatiang kawng te kha zawn nisela, a vaiin a hralh thei dawn tihna a ni a, a tha dawn em a.

S P E A K E R : A chhang turin a changtu Minister nisela. Amaherawhchu, NLUP lampang kha chu a tul viau takah chuan NLUP changtu pawhin tul a tih chuan a rawn chhan kha phal sak tho ila a tha ang.

Pu H. ROHLUNA, MINISTER : Pu Speaker, Hmunphiah hi sawi hi a awm thin a. A hralh chungchangah hian mimal a chingtu, nichina kan han sawi tak 'periodic' patta a ni emaw LSC a ni emaw, a nih loh pawhin a pass nei hrim hrim ten a mahni ram a an chin hi chu Forest Department hianin a hralhna kawngah control-na a nei lova.

Amaherawhchu, ram palaileng (sorkar ram) a mi, mimal chin nilo ah erawh hi chuan mahal system-a kalpui a ni a.

Tin, an duhna laiah hian, an duhna hmun hmunah ram pawnah ani emaw mimal in an thar chhuah te hi chu hralh phalsak an ni a, nichina kan notification order number leh a ni te rawn chhiarchhuah tak ang khanin. Chutiang chuan kumin January thla atang khan phalsak an ni a. Tin, a hralh pawh an hralh ni in kan hria a. Mizoram Forest Act, 1955 in Forest Department ah Minor Forest Produce hmunphiah te hi a thu neihna ah alo dah avangin permit erawh hi chu mimal chingtu te pawhin felfai takin DFO te hnenah in report in an la ang a. Chutiang chuan Mahaldar hnenah an hralh duh a nih chuan an hralh thei a. Anih loh pawhin State pawn lamah an hralh duh zawk anih pawhin Transit permit nen khan hralh phalsak an ni tih kha ka'n sawi lang duh a.

Tin, a chingtu te hian an hriat duh chuan Notification hi kumin ami pawh kha an hre thei em em a. Amaherawhchu, thenkhat hre tha duh lo hi an awm ve bawk a ni tih kha he House zahawm tak hi ka'n hriattir duh bawk a. Tichuan, mahal system leh permit system chungchangah hian Department tan erawh chuan a enga pawh hi a tha ve ve mai thei a. Amaherawhchu, mahal system-a kan han tih a, kumina kan han kalpui dan anga division tena mahal system-a kan han kal hian Department tan pawh revenue a lo tam deuhva nuai 32,16,000 /- kuminah pawh Forest Department-in kan hmu a. Kum kalta lamah te chuan nuai riat (8) te a lo ni thin a. Chutiang te chu a nih avangin kuminah hi chuan sorkar revenue pawh thawh tha hle in kan in hria a.

Tin, a rate chungchangah pawh hian mahaldar an awm hian Bagha lam atanga a rate, sawhthing kan hralh ang deuh a rawn ti, duh duh a a rate a hunlaia rawn in chuh a; mahse, min hralh tur an ngah deuh ta maw tih a a rate tih tlak hniam duai a, an duh duh a min Central thin hi, hei hianin a siam tha pawhin kan hre tel deuh bawk a. Amaherawhchu, a tha zawk hi sorkarin a zawng zel a. Tunah NLUP te la tih chhoh tur a nih avangin hmunphiah mahal system hi kalpui zel tur a ni nge ni lo tih laiah hian sorkarin thu tlukna a lo siam chiah lova. Chuvangin hei hi ngaihtuah mek a la ni bawk a.

Tin, a mahal system hrim hrim hi kan tih tawp dawn chuan Forest Department hi Finance Department lamin Revenue thawk chhuak tur min phut ang te kha min hriatthiam theih deuh erawh hi chu a ngai in kan ring a. A chhan chu permit system-ah hian mahal system a kan hmuh zat ang hi kan hmuh phak kan ring a ni. Chu chu

a nih avangin Finance approved te pawh nakinah kan ti tawp dawn anih chuan kan la lak te pawh ngai turah ka ngai a.

Tin, a kuang hralhna chung changah chuan ngaihtuahna kan la hmang chhin chiah lova. Tin, a hmunphiah leh a kuang a hi a inzawm deuh tlat avang hian a leh lamah chuan Forest Department in kan kalpui zel tur ani nge ni lo tih a kha thutlukna te han siam fel phawt ila. Tin, Forest Department in kan kalpui zel tur chi nge ni a, NLUP lam atanga kalpui tur ani tih-a kha, khalai kha sorkarin ruahmanna a siam ang angina kan la kal chhohpui turah ka ngai a ni. Sorkarin a duh dan ber hi chu mimal a chingtutena hlawkna an tel hi a ni a. Chutih rual chuan sorkar ina revenue a lo hmuh ve a kha a duh bawk a, a chhan chu revenue source dang hi kan neih that lutuk loh avangin helam ah pawh thahnem ngaih a ngai a, chu chu tuna sorkarin kan kalpui dan ani tih kha kan sawilang duh ani.

S P E A K E R : NLUP lampang atang chuan sawi duh in neih chuan Minister a changtu Pu Liansailova ilo sawm ang aw.

Pu H. LIANSILOVA, MINISTER : Pu Speaker, i remtihna he House zahawm tak hi Information han pe ilang in.

Hmunphiah kuang paper a siam chungchang ah khanin NLUP Implementing Board a kan marketing cell lam hian an lo bawhzui a, company (Speaker : Khawngaihin i din lai mek khan a kuang mai nilovin a kung kha ani tel ti raw?) A kung kha a kuang kan tih leh a kung kan tih hi a kung a kha a stalk a kha company nen an lo in contact tawh a. Tin, company ami ten ‘trip khat minrawn thawn phawt ula kan lo enchhin ang nge, a tha ngei ang tih chu kan ring a, eng ang a tha nge anih tih hre phawt ila’ an ti a, indawr zui turin, a thawna tur pawh sanction pek kan ni tawh a, amaherawhchu, fur tui a lo tla a, tin, a hmunphiah seng hun a kha a lo liam leh deuh tawh a, an collect ang ang a pawh thawn tur khanin eng emaw remchan lohna a la awm rih a. Chutiang chuan kung, paper mill-a hman tangkai dan tura kha company nen in dawr in. Tin, paper siam nan a hman theih beiseina hian tak pawh neiin hma an lo la a. Tin, chumi bakah chuan a hnah hi ranchaw atan a tangkai / tha a, mahse, engangin nge kan siam ang tih erawh chu Vety-Science leh ICAR kan mithiam te nen la en nise, a chips-a siam a, dahthat a, fodder anga siam dan te ngaihtuah ila tih a ni a. Chu pawh chu kan House ah hian a information hrim hrim a kha kan pe a, a taka kalpui tur chuan hmalakna a la zawh loh avangin a result kan la pe theih rih lo a ni, chu chu kan dinhmun a ni e. Ka lawm e.

S P E A K E R : Awle, tunah zawhna No. 46-na ah kan kal ang a, a zawttu hi Pu Lalthansanga leh Pu K. Liantlinga an ni a, Pu Lalthansanga zawt turin ilo sawm ang.

Pu LALTHANSANGA : Pu Speaker, ka lawm e. Industry Department changtu Minister zahawm tak chhan atan Starred Question No. 46-na.

- a) Food Processing Department din tur hian Central sorkar atangin din tur a ngenna dawn a ni tawh em? Dawn ni ta se bawhzui a ni tawh em?
- b) Mizoramah hian Food Processing Department hi a hran a din tumna a awm em?
- c) Din tum lo ni ta se, eng chenin nge hmalak a nih tawh tih ka zawt e.

S P E A K E R : A chhang turin a changtu Minister Pu S. Hiato ilo sawm ang.

Pu S. HIATO, MINISTER : Pu Speaker, MLA zahawm tak Pu Lalthansanga zawhna chhanna chu :-

- a) State tina Food Processing Department din leh Food Processing Policy siam hi Ministry of Food Processing Industries in tha a tih thurawn dawn tawh a ni a, tahchuan hemi thil hi enzui mek a ni.
- b) Food Processing Department din tur hian rawtna a awm a, zirchian mek a ni.
- c) Kan State sum dinhmun thlir chungin zirchian mek a ni e.

S P E A K E R : Aw, zawhbelhna Pu Lalthansanga a nia, Pu P.P Thawla a nia, Pu Lalduhoma ani baw k a, inzawt zung zung anga a tha ang.

Pu LALTHANSANGA : Pu Speaker, ka lawm e. Kha ka zawhna hmasa ber kha Pu Speaker, kan lo luh kha kan tlai deuh hlek a. Kan room a sana alo thi a. Han en khanin kan rawn tlai phahna chhan kha a ni a. Ka bial concern deuh a ni lehngal a, a pawl ka ti hle mai a. (Speaker : Dar ri kha chu in hre pha lawi silo a ni maw?) Kan hre pha lo deuh a ni...aw.(Speaker : E, a pawl...kan lo siam tha vat ang, sana chu) Chuvang chuanin, kan leader ho khan kan rawn tlai phah a ni a, min lo hriatthiam ka'n dil nghal a ni. Ni e, hei kan Minister zahawm tak khanin Pu Speaker, hma pawh ala nasa hle niin ka hria a, Public Undertaking ho reng renga hi tunah hian harsatna hi an taw k deuh vek mai a, a concern Minister ani deuh baw k a. Chuvang chuan, harsatna chi hrang hrang, an harsatna tawh hi a ril ang reng hle mai a. Hemi hi solve a ngai hlein a hriat a. Hei, keipawh hi COPU member ah kan awm ve a. Hemi chungchang kan han ngaihtuah hian a Department Secretary lamah eng comments nge in neih tia MIFCO te pawh hi department a absorbtion neih a, chutianga tih chu a hlawk zawk awm e, tih te min han chhanna te a ni a. Chumi rual chuan Mizorama kan Department reng reng pawh hi Department puitling ang pawhin en ila, sick unit te hi a lo ni deuh vek mai a, Transport te, Printing & Stationery te pawh. Hmanniah khatiang zat kha bungraw tha lo te pawh an lo kaw l tih te kan Minister zahawm tak khan (media te khan) an ti lang hial ani a. Chutiang chuan Department hrang hrang te pawh en ta ila, khatiang ang kha ani a. Tuna kan sorkar

hian an Election Manifesto 21-na ah pawh khan Food Processing Department hi din kha a lo tiam ani a.

Hun te a kal deuh hlek tawh a. Hei hi tunah hian NLUP kan flagship programme te nen pawh hian a in relate hle in ka hria a. A chhan chu Food Processing hi kan tih si loh chuan NLUP vawiin a trade kan thlan tam tak te hi Mizorama kan thlai leh thei tharchhuah te hian tangkaina an nei dawn lova. He Food Processing Department tih tur hian chak takin hma la se tih kha ka sawi duh a. Kan sorkar tan pawh hian mirethei zawk te, kan VIP te, kawlung kan hmuh tir theih na, an ni tana jubilee dar kan vuakna tur ni pawh in ka hria a. Chuvangin, an Manifesto ah pawh an lo telh ang hian tih nisela, tuna an harsatna tawh mek te, sorkarin a tanpuina a pek piah lampang ah hian hun reilo deuh ah chuan harsatna te pawh an nei chho leh dawn ni te pawhin a hriat a. Chutiangah pawh chuan harsatna an neih hma hian tan hi tun aia nasa hian la se tih kha kan ngenpui a ni.

S P E A K E R : Tunah zawhna zawh belh turin Pu P.P Thawla.

Pu P.P THAWLA : Pu Speaker, ka'n zawhbelh ve duh chu, Industry Minister zahawm tak chhan atan. Tun hnaia MIFCO staff ho harsatna kha engtiang chiah a sutkiang nge a nih tak? Tih ka han zawhbelh a. Chumi rualin 1998, MLA election dawn vel khan Phura ah MIFCO hian eng factory emaw kha min rawn din sak tumin a khawl te pawh kha a thleng rum rum in ka hria a, hmantlak loh a ni ta nge? District Council CEM ka nih khan a man kha nuai li chuang kha min rawn dil a. Nuai li pek ai chuan a thil a hi TMB singkhat in hire ila, phur let ila a hlawk zawk ang e tiin ka chhang a, kha kha engtin nge a chin chang ni ta tih kha he House-ah hian chhan theih ani em aw? Ka'n ti a ni.

S P E A K E R : Pu Lalduhoma zawh belhna.

Pu LALDUHOMA : Pu Speaker, ka zawhna chhan hman tak loh nen khan a inzawm ve a, hei hi. Nikum a Budget session kan neih a kan Governor speech ah khan mega footpark din a ni tur thu leh sum pawh thahnem tak dah a nih thu a chuang a. Tin, Food Processing Department hrang din tur thu pawh kha kan Governor zahawm tak khan a sawi a ni. Amaherawhchu, tunah chuan a din a hma hian sick unit a ni tan der tawh ani mai a. Chuvangin ka'n zawh duh chu a helai mi kher nilo hian kan public undertaking zawng zawng hi kan ram tan hian headache ani tawh a ni. Hei hi kan admit theih a hunin ka hria a. Engtin nge heng ho hi kan kalpui zel ang? Zawi zawia a tah tawla private dan te hi a awm thei em? tih ngaihtuah tur hian a Department mal mai nilo hian, kan House Leader zahawm tak kaihhruaina hnuaiyah cabinet hial pawhin thutluk-na siam in, kan Public Undertaking ho hi a kal zel dan tur study team hi siam theih a ni ang em? chutiang a kan tih loh chuan, hei thla sarikh hlawn la thei lo han tih te. Profit making ni tura kan beisei a te heti reng renga kan ram sum

eiraltu a nih reng hi chuanin a pawl hle dawn a ni a. Engemawti kawng tala hei hi chu kan solve a hun tawhin ka hria. Chumi kawng dap tur chuan sawrkar hian study term a din theih em ? tih ka zawt a ni.

S P E A K E R : Le, a chhang turin a changtu Minister Pu S. Hiato.

Pu S. HIATO, MINISTER : Pu Speaker, zawhbelhna ka chhan thiam ang angin kan chhang ang a. Food Processing Unit siam tur hian Central Sorkarin minrawn ti a. Tin, Industry, Food Processing Industry siam theih ngang loh pawhin Directorate hran dah tur pawhin tih kan ni a. Amaherawhchu, sum harsatna avangin kan ti thei lova. India ram hmun hrang hrangah pawh hian an din vek thei lova. West Bengal te, East Bengal-ah te hi chuan an din ve a ni. Tin, Sorkarin a thil tum Governor pawhin a sawi tawh avang khan hma pawh lak tum a ni a. Kan Chief Minister zahawm tak hian kan Ministry siam velah khan Central a dawr a. Hemi food processing atan 60 crores chuang minrawn pek pawh an tiam na a, kuminah hian a takin kan hmu ta lo a, State danga an divert daih vang a ni.

Tin, MIFCO Director pawh hian Directorate hran dah pawh kan Chief Minister hnenah a thlen tawh a. Chu pawh chu zir chian mek a ni.

Tin, Pu Thawla zawhna leh Pu Duhawma zawhna te kha han chhang ta ila. Pu Thansanga zawhna kha chu rawtna a siam a ni deuh ber a, chhan tur vak kha a awm lovin ka hria a. Nichinah khan zawhna zawt hman ta lo mah se, hemi MIFCO te, PSU te hi chanchinbuah te a hran hranah pawh lang tam ber pawl anih avangin ka'n sawi tam thei deuh ber a, Pu Speaker min ngaithiam la, kan PSU hi tunah chuan pathum enkawl mek kan ni a, Zenics hi IT a a luh tak avangin tunah pathum kan enkawl a, pakhatna chu ZIDCO a ni a, pahnihna chu ZOHANDCO a ni a, pathumna chu MIFCO a ni, he mite hi company Act hnuai a din an ni a, churang chuan authorized capital te central sorkarin a pe a. Tin, kan state sorkarin share capital te a lo pe ve thin a ni. ZIDCO hi 1978 a din kha a ni a, chutah chuan authorized capital hi 15 crore hmuh a ni. Tunah hian a capital hi pek zawh vek tawh an ni a, balance a awm lo a, ZOHANDCO hi 1988 kum a din a ni a, crore 10 authorized capital an hmu a, tin, avai a kan pek tawh chu crore 9 leh nuai 75 pek tawh a ni a, a bang 24 lakh leh point 65 pawh kha kumin khan release tawh a ni a. Tin, MIFCO hi 1989 a din a ni a, crore 20 authorized capital an nei a. Hei hi a vaiin pek tawh an ni bawka ni. An share capital te hi crore 50 tala pek theih turin, tunah hian ruahmanna siam mek a ni a, heng company te hi sawi angin development activities khawih bakah eng emaw chen chu thawkchhuak tura din an ni a. Tin, an thawhchhuah bakah pawh anmahni intodelh tura beisei an ni, chumi tur chuan pawisa eng emaw zat hi sorkarin a pe tawh a. Tunah hian an hlawh zat hi in hriat a tha in ka ring a. ZIDCO ho hian 2009-2010 ah hian crore 19 leh nuai 61 a hloh tawh a, ZOHANDCO hian 2009-2010 inkarah hian crore 7.37 a hloh tawh a, MIFCO hian 2009-2010 ah crore 18.33 a hloh tawh a ni. Chu chu tuna an dinmun a ni a. Hetianga pawisa kan pek tawh an hman zo tawh si a, hman zel tur an nei lo hi kan buaina a ni a. Kan MIFCO phei chuan tunhnai khan office te khar hialin an awm a, pawl kan ti viau a. Anni ho hlawh chu August thla thlang khan thla sarhi chung Planning te, kan Chief Minister te

zahngaihna leh thahnemngaihna vangin pek theih hram a ni a. Tunah hian ZOHANDCO phei chu thla ruk aia tam thla sarihna tur anih tak chu pek loh an la ni. Chumi tur chuan sorkar hi a lu a hai em em a, engtia tih zel tur nge tih hi ngun takin a ngaihtuah a. Anmahniin an thawhchhuah awm lova, share capital leh sorkar atanga pek ringawta inngat a ni a. Tunhma zawng chuan an mualpho lova, kan pawisa pek tawh chu tunah hian an hmang zo ta a. An hman zawh tak avangin kal ngaihna an tan pawh a har a ni. Keini pek belh zel tur kan harsa rih si a. Chulai chu sick unit anni ta hlawm hi engtingge kan hlankai chhoh ang tih hi sorkarin ngun takin a ngaihtuah a. Chumi tur chuan Mizoram Public Resource Management Programme hnuaiyah reform peng khat atan Public Sector Undertakings Restructuring hi telh a ni a, hemi hi Finance Department a kalpui Asian development bank atangin structural adjustment loan te, reform te hi kalpui tum a ni a, hemi atan hian kawng an dap mek a ni. Amaherawhchu, hemi reform process hi a duh rei tur a ni a, long term plan tur a ni. Hemi bakah hian media party ah harsatna kan tawh tak avangin tun hnaiah khan committee din turin notification a chhuak tawh chiaah nge ka hre lova. Kan Chief Secretary te, Finance Secretary te, Commissioner te, Planning te hruaina ah engtia kal zel tur nge tih hi rel turin State ah pawh committee kan din a ni. Hetiang kan nih tak avang hian PSU kal zel dan tur hi luhai thlak tak a ni a. Invaiin in hria a, kumin term ah mai hian a ni lo. Kum tam tak lak a ni a, tin, a management te a tha tawh lova. Tin, profit siam tum lampang sumdawngin department an nih ang hian an kal lova. Anmahni ta ang chiaha an enkawl loh avang te hian hemi hi kan thleng ta niin ka hria a ni. Chu chu nichina committee kan din kan tih, notification a chhuak tawh a. A member chu Chief Secretary Chairman a ni ang a, Principal Secretary GAD member secretary, Commissioner Secretary, Finance Member, Commissioner Secretary Industry member, Secretary State Planning Board member, Principal Secretary State Planning Board Member, Principal Secretary Board member. Heng ho hian an enkawl zui phawt ang a, tah chuan sumdawng department anga an kal loh vang hian hloh zel a ni ta a. MIFCO hian kum khat a, thla khat a, pawisa an lak luh tlangpui an fruit processing atang hian 3,00,000 vel an la a. An hlawh hi kan sawi tawh ang khan a tam em em a. An hlawh tur hi an thawk chhuak lo nasa a. MIFCO ringawt hian thlakhatah hian 20,00,000 vel an nei a. Tin, ZOHANDCO hian thlakhatah 12,00,000 hlawh a ngai a. Tin, ZIDCO hian 12,00,000 thlakhatah a ngai bawh a ni. MIFCO hi chu a kal hram hram a. Hlawh an pe thei hram a. A dang zawng hi chu kan harsa a ni tih hi he House zahawm tak hian min hriatpui ka'n duh a. Amaherawhchu, sorkarin theihtawp a chhuah chho ang a. Harsatna sutkian dan kawng chu a dap zel turah chuan kan ngai a ni.

Tin, Pu Thawla, member zahawm tak zawhna kha hmanah kei pawhin khami khawl an rawn thawn kha chu ka hmu ve a. Kawlchawah khan a awm a. Tunah enge a an tak zel? Khawia hman nge anih tih hi chu ka chhang thei ta lo a ni. Chu zawng chu ka chhan theih a ni e. Ka lawm e, Pu Speaker.

Pu LALDUHOMA : Pu Speaker, mi buai tak tak vek anni a. Kha hna aia hna dang ngai pawimawh tur te pawh anni maithei a. Kan Legislator te leh pawn lama kan professor leh mithian tu te emaw full time deuhthaw a thawk thei tur, hemi lo study tur din hi a tha zawk lo maw aw? kha ti kha chuan a kal ngaiin a kal leh ang a, hun a duh rei leh ang a. Kha mi chhung khan thla tin a nuai tel kan seng leh dawn tihna a ni a. Chu chu rawtna leh zawhna ni pah deuhin ka'n ti leh hram a ni.

S P E A K E R : Kha kha han chhang leh sela, Minister zahawm takin.

Pu S. HIATO, MINISTER : Pu Speaker, rawtna tha tak a ni a. Pawnlam a member kan han dah hian, kan han ti buai a. A chhan chu pawisa te min zawn sak thei nghal tura ngaih te, a sorkar lu tak tak te, Planning leh Finance te, GAD te, Chief Secretary ho anih vanga chak thei ber tura kan ngaih vang a duang chu kan ni ve a. Mahse, a tul chuan member dah belh tur kawng chu kan lo ngaihtuah ang.

S P E A K E R : Starred Question No. 47-na Pu B. Lalthlengliana zawhna ani a, Pu C. Ramhluna a rawn authorize a, ilo ko ang.

Pu C. RAMHLUNA : Pu Speaker, Pu Lalthlengliana hi dam lohna avanga lokal theilo a ni a, min rawn authorize a, a aiawhin zawhna ka rawn zawt dawn a ni. Public Work Department Minister zahawm tak chhan atan- Aizawl khawpui chhung luh dawn hmun hnih

- 1) Zemabawk leh Bung bangla inkar kumtluana chhe reng mai leh
- 2) Company peng thlang lei tlahniam hmun te hi a chhiat ngai hian ngaihsak loh an ni reng dawn em ni? tih kha zawhna a ni a, ka han zawt a ni e.

S P E A K E R : A chhang turin Pu Lal Thanhawla kan Chief Minister, PWD changtu Minister ni bawk ilo sawm ang.

Pu LAL THANHAWLA, CHIEF MINISTER : Pu Speaker, a chhanna chu, “ni reng dawn love”. Tih kha a ni mai a. Mahse, an duh tawk dawn loh avangin ka'n sawi belh nghal mai a nge Pu Speaker, Zemabawk leh Bung bangla hi hemi 5 Km atanga Tlungvel thlang khian siam that tur a awm nual a, chumi bakah chuan tuna an zawhna bik kha Aizawl leh Bung bangla huam chhung 5 Km leh 6 Km kha, khami kha re-structuring / re-surfacing tih tum a ni a, hemi atan hian cheng 812.95 lakh dah fel tawh a ni. Tin, Tender koh a ni a, tunah hian thlan mai theih tur a ruahman a ni tawh a. Tin, hna pawh hi kumin chhung ngei a tan tir theih kan in beisei.

Tin, Hunthar veng lei tlahniam kha chu kan sawi tawh a, a la ngai em? Ka lawm e.

S P E A K E R : Zawhbelhna Dr. R. Lalthangliana.

Dr. R. LALTHANGLIANA : Pu Speaker, kan Chief Minister in a chhang thei tho turah ka'n ngai a. Zawnha a thleng hman lo deuh nen – Thenzawl leh Buarpui inkar saw a mangan thlak hle mai a. Tlem lai deuh khan kan YMA ten motor hmanna tur te min rawn tum sak thei hial lawm maw ni le, a kal ngaihna a awm tlat lo mai an ti a. Hnatlangin an bei a, a buaithlak hle mai a.

Asian Development Bank atang khanin he hna hi thawk tura tih kha a niin ka hria a. A rei tawh khawp mai a, kan ngvak rei tawh khawp mai a. Engnge ni kan thlen chin tih kha, Chief Minister zahawm takin min chhan ka duh a. Tin, chu loah chuan, Lunglei – Buarpui inkar kawng hi kumin chu a tlang tawh lo hrim hrim a, a buaithlak khawp mai a. Harsatna an tawh nasa khawp mai, supply buhfai pawh motor te pawhin a phurh theih loh hrim hrim a. Head load in an bei a, khawpui hnait e ti lovin harsatna an tawh nasa tih kha ka report pahin tun thal lo awm turah hian sum ruahmanna pawh awm sa vek a ni tawh bawk a, chak zawkin hma min lak sak thei em? tih kha ka'n zawt duh a.

Tin, Serkhan – Bagha road ah pawh hian harsatna lian tak an tawk a, Salvation Army thalaiho phei chuan, ni 24 hian rally te neih an tum niin ka lo hria a, chutiang khawp chuan harsatna an tawk a. Chuvang chuan heng kawng pathum bik hi, kawng langsar deuh a ni a. A zawnha nen a inzawm lutuk lo na a – PWD-ah Minister anihna angin min chhan theih chuan ka lawm khawp ang.

S P E A K E R : Kan hun a liam chiah a, a zawttu khan chhang turin a beisei han rin sak ila, kan Chief Minister, PWD changtu in han chhang lawk sela.

Pu LAL THANHAWLA, CHIEF MINISTER : Pu Speaker, Hunthar veng kha hmanni khan a contractor tur te nen lam khan kan sawiin ka hria a, ka hrechiang lova. ₹ 99,58,000 /- a awm a ni a. Contractor tur thlan ani tawh a, Pu Hrangthankima, Edenthar, Aizawl a ni a. Hna an tan loh nachhana hi fur chhiat lutuk vang ani tlangpui deuh zela. Pu Speaker, kawngchhia kan rochun leh kan chhawm hi a turu hlawm khawp a, a buaithlak khawp mai a, kan thil chhawm lawmawm loh tak te an ni hlawm a.

Thenzawl – Buarpui road hi a zawnha zawttu MLA zahawm takin a sawi ang khan loan admissible angin ADB (Asian Development Bank) ah sum puk tura tih kha tunah hian tihfel mek a ni a. ₹ 14,53,9,000 a ni. Hei hi blacktop te leh pavement soldering leh hillside lai han chei vel na tur tah khan a tel vek a. Tin, land acquisition leh eng eng emaw te a involved bawk a, chuvangin duh angin a kal chak theih lohva.

Tin, sawi tawh ang khan fur hi tun kumah hian a na a, duh angin hna an thawk chak thei lova. MLA zahawm tak, Pu Lalthansanga zawnha te pawh kha an pekna hi a rei tawh a, an thawnha a rei tawh a, an zawnha hun tur pawh hi a rei tawh khawp a, nakinah ziak te pawhin kan la in pe ang a. Chuvangin a nawr a innawr ngai te a ni a. Saitual khaw chhungah te pawh khianin hun hmasa lama lo pek tawh tun thlenga, a chanve pawh zawh mang loh te a awm a, kan in nawr duh

reng te a ngai a, Pu Speaker, engpawh niselangin kan ngaihven mek a, sum awm loh naah pawh ADB loan te tihfel mek zel a ni a. Fur zawh hi chuan hmun tam takah hian kan bung thei tawhin kan beisei.

Tin, kan hma hi a zau khawp a tunah hian. Hemi Highway zawng zawngte, sawtah Akyap lawngchawlhna kan va dawr na turah te, khang zawng zawng te kha kan hma chho zel a. Tin, hmun thenkhatah khanin member zahawm tak te hriat atan, tender hi helaia kan koh a ni lova, khulama an koh a ni a. An rawn in chhan hniam siak a. 9% below ten an chhang a. Mizoram hi khawiah nge a awm tih pawh hrelo khan an chhang mai mai a ni a. Helaia kan dil leh a tih hleih theih si lo va tunah hian kan complaint mek a, kan complaint hian awmzia a neih loh chuan Prime Minister leh U P Chairperson hial thlen a tul dawn a. Kan duh hmanhmawh a, mahselangin khatiang mi khan an thawh theih loh ka hlau va. Chuvangin, authority sang berah kan nawr mek a ni.

S P E A K E R : Le, kan zawhna hun darkar a lo liam ta a. Hei, Speaker chair lam atangin mipuite hriat tur tul si thil pawimawh sawi tul, sawi phalna dilna dawn a ni a. Tichuan, zawhna hun kan han hman zawh chiah hun a tan hian kan ti a. Kan Dan sector 60-na in a sawi ang khan Minister-in House leh Zoram mipuite hriat turin hetilai chungchangah statement pek a tum a ni. Chu chu Mamit lama chhiat tawhna chungchang a ni a. Tunah sawi turin kan Chief Minister zahawm tak ilo sawm ang.

Pu LAL THANHAWLA, CHIEF MINISTER : Pu Speaker, ka lawm e. Chawpchilh deuhin ka han dil che a, dan kaltlangin, min lo phalsak avangin lawmthu kan hrilh hmasa che a.

Tin, Mamit chungchang sawi hma khan Pu Speaker, nimin khan ASEAN ram atangin Ambassador te, High Commissioner te pariat lai lo zin tura kan beisei te kha Imphal ah khua a chhiat avangin an kir leh a. Air India thlawhna lian chi a tum thei lova an kir leh a, pawl an ti a, hrehawm an ti a. Kolkata-a an consultant general te pawh kan hotute nen an in bia a, lokal leh an duh a. Tin, DoNER Ministry a Joint Secretary rawn escort tu tur leh helaia lo buaipuitu tura lokal hmasa Pu Sharma pawhin min rawn hmu a, nizan khan an pawl tih thu leh lo kal leh an duh thu leh engtik hunah nge kan rawn ruahman leh ang, kan in sawm chhuak ta sa sa a, kan chak bawk si an ti a. November emaw October thla tawp lam emaw ah chuan khua a tha deuh tawh mahna kan han ti a. Anni lo zin hi kan ram tan a that dawn avangin lo zin ngei se kan duh a. Chu chu member zahawm tak te hriat atan ka'n sawi hmasa duh a ni.

Hei, Mamit chhiat tawh chungchang hi chanchinbuah te leh T.V atang te in kan hmu nual a, a tir atangin sorkarin a theih tawkin a ngaihtuah a. Tun thleng hian an chhiat tawh dan kan hriat chu, in thiah hi a tir phat a a chet khan 24 lai a awm a ni. Tin, ni 21, nimin khan a che nawn leh a, Bazar veng area ah in 19 thiah leh a ni a, tin, nizan ah a chet leh avangin tukinah 18 thiah leh a ni a. A vaiin kan hriat chinah chuan in 61 thiah a ni tawh a ni. Tin, hei bakah hian Bazar veng a

Presbyterian Kohhran Biakin te, Primary School te pawh tunah khuan a chhe nasa hle a ni tih report kan lo dawng a. Tichuan, kan hotuten theihtawp chhuahin sum te an han zawng khawm a, tunah hian D.C Mamit atangin cheng nuai sawmhnih in a lo tanpui tawh a, a lo pe chhuak tawh a. Tichuan, in thiah sak te tanpui nan hian ₹ 35,000/- zel pek an ni tawh a, tichuan, vawiinah hian Pu Speaker, i phal a i remtih chuan Disaster Management Minister, Pu Nihar Kanti leh Pu Lalrinmawia Ralte Parliamentary Secretary leh Pu R. Lalpianmawia, Deputy Chief Whip te hi kal se kan ti a, tichuan, Silpouline leh a tul ang ang te an keng ang a. Tin, tunah hian cheng nuai 23 vel Disaster Management-ah hian a awm a, chumi atang chuan a hmunah an zuk kal anga hotu te leh khawtlang a tul ang ang a, Interim relief ti turin buatsaih a ni a. Tin, bul leh bal lamah te pawh eng nge an an zuk en selangin, khatianga chhiat tawh te kha theih ang tawkin kan neih ang chhungah chuan zuk chhawm hlawm nise, tiin kan hotu ten ro an rel a. Vawiin tlaia riah thlak a, hna engemaw chen an thawh hman an beisei a, naktukah President zahawm tak alo kal dawn a, President reception-ah te hian a kim thei ang berin awm thei ila tih kan duh avangte in khami rawn nang hman leh turin an rawn hawng leh thei ang em tih kan beisei a ni. Chu chu i phalna in helai House zahawm takah, khulai chhiat tawh chungchang kan thlen theih chin a ni e.

SPEAKER : Kha kha tunlai a Mamit khawpuia chhiat an tawh chungchang ani a. Tin, kan Minister te, Parliamentary Secretary te, Deputy Chief Whip te pawh kha, “Vawiin chawhnu lam session chu kan rawn awm hman hrih lo ang e”, an ti a. An hman hmawh deuh chuan Question hour a zawh hi chuan an chhuah kha chair lam atang chuan ka phalsak mai a, lo insiam lawk tur tul tam tak a awm thei a, chutah chuan tul leh pawimawh a nih a, khung lama thil awm dan chipchiar hriat a, he House-ah hian report te pek leh tul anih pawhin, kar leh lam session ah khan hun te nei thei turah ngai ila a tha awm e. Tunah Business dangah kan kal ang a.

Pu LALDUHOMA : Point of Order raised ka duh a. Kan budget session-ah khan kan Plan size hre lova ti kan lo in nih avangin hriat a nih hnuah helaiah hian voting te neiin discussion nei leh ila tih kha kan rawt a. A rawt tute zingah ka tel a. House Leader zahawm takin min pawm sak a, chumi ang chuan tunah hian kan ti ta a, tichuan, kan pawisa neih belh cheng vaibelchhe 568 lai hi vawiinah kan sawi ho dawn a, Department te te a Demand pawh sawi ka phut a ni lem chuang lova, hemi pawimawh takah hian keini lam pawhin sawi duh kan nei ang a, ruling lam pawhin an achievement te sawi nan remchangah an hmang duh thei a. Engatinge bill dang nen hian vawiinniah hian kan lak kawp tlat chu le? Government Business te hi kan nei tlem a, kan phun kan phun thin a. Kan lo nei anih chuan midangah te pawh tih a tul anih chuan session te pawh kan extend ve mai anga. Tin, Amendment Bill awlsam deuh a nih pawhin chutiang chuan ti kawp ta zawk ila, vawiina supplementary Demand sawi ni kher hi chu full discussion neih na tur a tling a, Bill pakhat dang nena, nikhata han kawp tum tlat mai hi kan business kalphungah hian a principle hi a fuh lo deuhin ka hria a, hei hi kan raised teh ang.

S P E A K E R : Le, Hon'ble Member han sawi a kha, hetilailah hian vawiinah chuan keini office lam hawi vek a ni a, hei paper lay tur kha Minister-in a nei a, Finance Business kha chu hetiang ang hianin a ni a. Appropriation Bill te kha chu hemi ina a ken nghal a ni a. Tin, Fiscal Responsibility ah Budget Management, khami amendment te kha chu thil har kha a ni lova. Chuvangin member te hian sawiho na hun thawl tak kan nei tho turah chair lam hi chuan a beisei a, chuvang chuan hetilailah in nek chep chuang lo ila, tin, bill dang eng eng emaw hi a lo lut thar zela, han sawiho ngai tak tak kan rama hnuhma la neih lem loh, dan thar tur awm deuh tepawh hi a awm avang hian chungah chuan nidangah thawl deuh taka khang ho te pawh kha kan sawi theihna pawh awm thei dawnin kan hre zawk a. Hemi erawh hi chu khatiang ang khan vawiinniah kan han ti in, a dang hi chu kan han zep tel a, hemi ina a ken deuh vek Finance Bill ang deuh vek tho a ngaih theih kha ani hlawm a ni.

Awle, tunah chuan member lokal theilo te kan hriat ang khan kan Deputy Speaker zin ala thang a, tin, Pu Zodintluanga a damlo ve hlauh mai a, Pu Hmingdailova a zin a, Brig. T. Sailo a dam tha lova, Pu K.S Thanga a dam tha lova, tin, Pu B. Lalthlengliana a dam lo bawka. Tin, Pu Lalthanzara chhiat tawhna chungchangah a lokal remchang thei lova, Pu K. Liantlinga chhiattawhna chungchangah a lokal remchang thei lova, Pu H. Zothangliana ani hi mitna in a man ve a, chung ho chu vawiinniah hian lokal theilo helaia chianguang a kan han dawn te a ni. Chutih laiin Pu P.C Zoram Sangliana zin alo thleng tawh a, a lo tel thei a, tin, Pu Nirupam Chakma pawh nichina a sawi ang khan ni hnih lai a absent hnuah hei kan zingah alo thu veleh thei a, chutiang chu kan dinhmun a ni. Heng an damloh vang emaw chhan hrang hrang avanga lokal theilo te hi kan sawi ang khan House in kan phalsak maw, a lawmawm e. Tunah chuan Paper lay ani ang a, Pu P.C Lalthanliana, Minister zahawm takin heng (a) The Mizoram Prohibition of Child Marriage Rules 2010 leh (b) The Mizoram State Commission for Women First Amendment Rules 2010 hi House dawhkan ah rawn lay sela, ilo sawm ang.

Pu P.C LALTHANLIANA : Pu Speaker, I remtihna leh he House zahawm tak phalna in "The Mizoram Prohibition of Child Marriage Rules" leh "The Mizoram State Commission for Women (First Amendment) Rules, 2010" hi he House-ah hian ka rawn laid e.

S P E A K E R : Minister-in a rawn laid ta a, a copy kha han sem rawh u le.

Awle, Business kan tih tur lamah kan kal leh anga. Finance Business a ni a. Tunah kan Finance Minister, kan Chief Minister zahawm tak ni bawk hianin "First Supplementary Demand for the year 2010-2011 leh Supplementary Demand for Grants of Excess Expenditure for the year 2004-2005, 2005-2006, 2006-2007, 2007-2008 te hi House-ah rawn submit se.

Pu LAL THANHAWLA, CHIEF MINISTER : Pu Speaker, on the recommendation of the Governor of Mizoram and with your permission Sir, I move Demand No.1, 2, 3, 4, 5, 6, 7, 8, 9, 10, 11, 12, 13, 14, 15, 16, 17, 18, 19, 20, 21, 22, 23, 24, 25, 26, 27, 28, 29, 30, 31, 32, 33, 34, 35, 36, 37, 38, 39, 40, 41, 42, 43, 44, 45, 46, 47 and 48 for ₹ 568 crore ₹ 44 lakh and sixty nine thousand only (₹ 56844.69) for meeting expensive during 2010-2011 in respect of the following departments.

Pu Speaker, ka chhiar chhuah vek member zahawm tak ten an phut em? A department zawng zawng kha a ni mai a. Kan nei vek thova hun a la lo deuh anga member ten hun an nei tam thei deuh ang a.

Tin, a pahnihna kha, on the recommendation of the Governor of Mizoram and with your permission Sir, I move the Demand No. 2, 4, 12, 16, 22, 33, 36, 38 and 39 for ₹ 44,13,5000 only for regularization of Excess Expenditure during 2004-2005, 2005-2006, 2006-2007 and 2007-2008 in respect of the following departments. Hei hi chu a tawi deuh va. Governor – 4000 thousand, Rural Department – ₹ 72.41 lakh, Power & Electricity – ₹ 1,196,57,000, a vaiin – ₹ 12,69,2,000.

Tin, 2005-2006, Law & Judicial Department - nuai 13.52, Paliamentary Affairs Department – nuai 1.13, Home Department – 39.17, Soil & Water Conservative Department – nuai 1.07.

Law & Judicial 2006-2007 – nuai 3.60, Rural Development – nuai 2335.29. 2007-2008 Soil & Water Conservation – nuai 150.90, Environment & Forests Department - ₹ 1,52,13,000.00, Rural Development ₹ 4,47,22,000.00, hengte hi an ni e, Pu Speaker.

SPEAKER : Kan Chief Minister, Finance changtu ni bawh khanin tiang khan Demand hrang hrang kha a rawn moved ta a, kan sawiho ang a, member zahawm tak Pu Lalduhoma'n a sawi ang khan budget session kan neihah khan kan plan-size chipchiara kan hriat hunah hetiang hianin sawihona hun kan nei dawn a ni tia kan Chief Minister in min tiam ang khan hetiang ang hun an rawn ti thei a, a lawmawm khawp a ni.

Kan han sawiho anga member te kha 10 mins vel in pe ila a tawh kan ti leh mai em? 5 mins kan ti zawh dawn em ni? A tawi a hlei hlei kha, 'thusawi tawi thiam chu an eng a thawl e, an ko nawn leh dawn si a' tih ang deuh khan kan ti zawh dawn em ni? 10 mins chu ti ang aw. 10 mins kan ti ang a, tin, group leader te chu 5 mins kan pe chuang leh ang. Tin, 10 mins tih avang khan 10 mins aia pelpuka sawi kher kha tum chuang lo ila, 5 mins leka felfai deuh va kan sawi pawh khan a lawmawm lamah ngai ilangin. Sawiho ang aw, tunge han sawi tan dawn le? Pu H. Liansailova.

Pu H. LIANSILOVA, MINISTER : Pu Speaker, ka lawm e. Hei, wawiihah hianin Supplementary Demands sawihona Budget Session ang pawimawh tak kan han nei thei hi lawmthu sawina tur a awm thluahin ka hria a.

Pakhatnaah chuanin, tun tum kan session-a Budget lam thil kan sawi turah hian NLUP hi a lianber mai a, chuvangin NLUP Budget kan sawi tih pawhin a sawi theih hial awm e. Hetiang kan thlen theihna chhan hi kan hre theuh a – Pakhatna ah chuan kan Chief Minister in thahnem ngai takin sorkar a siam atangin mipui hnena alo tiam tawh tih hlawhtlinna turin sorkar policy a kalpui turin leh kalpuiin Central Sorkarah kan Prime Minister leh hotu sang ber ber Ministry leh Planning Commission te dawr in hma a la a. Chumi hlawhtlinna chu ti hian kan hmu chho ta zel a.

Tin, a tih hlawhtlinna turin detailed project report Central sorkar pawh ina a lo pawm mai theih tur siam kha namenlo tak ani a. Hemi hi kan ngaihthlak tawh angin a project han siam hi central sorkar, tunlai huna an duhtui dan te ngaihtuahin thil namailo tak a ni. Chumi atan ah chuan kan NLUP Implementing Board Pu R. Selthuama Chairman hnuaiyah kan Vice Chairman Pu PL Thanga te leh a officer thawhpuite zawng zawng in rim takin holiday pawh holiday tih sawi lovin waviinni thleng hian an thawk a. Tin, project siam pawh chhuanawm tham in an thiam a ni. Chuvang chuan kan NLUP hi local concept a kan lo kalpui thin anga kha central sorkarah, Planning Commission mai pawh nilovin Ministry hrang hrang ina an lo zirchian a pawm tlak, tin, Cabinet Secretary hova meeting an koh pawh a recommend tlak a an ngaih a ni a. Tin, chubakah chuan State Project Central, Cabinet Minister hovin Cabinet meeting ni a an approve khawp an lo chhuah thei mai hi a ropui em em a, chungang chu lawm thu sawina tham niin ka hria.

Tin, chu lovah chuan Central Sorkarin Mizoram chawi kan an duhna leh kan State Sorkarin a ngaih pawimawh thu, tak taka min lakpuia waviin a Supplementary Demand a sawiho tur pawisa tam tham tak mai min han pe ta hi a lawmawm em em a ni. Chuvang chuan Central Sorkarah pawh hian leh kan Prime Minister hnenah te pawh kan House hian lawmthu sawina Resolution te pawh neih hial awm niin alang a, chung te chu ka'n sawi lang hmasa duh a.

Tin, chulovah chuan NLUP hi kan sawina a rei a, a sawitu kan tam a, a nghahhle a awm a, chutihlai erawh chua a sawina boruakah hian thil chiang lo, lang chho zelah, sawifiah deuh ngai la awm deuh a lang chu engemaw lai khan Central atanga a sanction order hi lo dil tawk te, inzawt te pawh kan awm a, chanchinbuah te pawh chhuah a ni a. Kan Chief Minister phe chu mipui bum nan a thil sawi mai mai ang deuh a kanin puhna te pawh kha a awm a. Amaherawhchu, thil chiang erawh chu hetiang project lian leh kan Plan Budget-a lo lut tur ang chi ah hian a sanction a hranpa in state sorkarah min pe lo a ni, hei hi thil chiang a ni a. Nikum kan Budget a vaibelchhe za NLUP hmahruaiyah, 'hei hi lo hmang phawt mai teh u an tih pawh kha, Chief Minister leh Planning Commission Vice Chairman-in kan Plan an trial tum khan an sawifel a, chu chu kan Plan Fund Budget-ah a dah lutin, Budget-ah khan incorporate a ni mai a, a sanction order a awm hranpa lova meeting minute kha State leh Central Sorkar Planning Commissioner an kawl a, chumi ang chu a ni. Chutiang bawkin, tun tumah pawh cabinet-in kan DPR a pawm hianin kumin ami tur leh chumai ni lovin, kum nga chhunga kan hman theih turin vaibelchhe 2800 zet mai min approve sak hi a sanction order a awm hranpa lova, a minute kha a awm a. Tin, a titu concern-ah khanin kha minute kha pek vek anih avangin heih project nung (non-lapsable project) a ni e, an tih a chu alo ni ta a. Chuvangchuan, a mipuite lam rilru tibuai thei a, a sanction copy RTI-in kan dil a, 'hmuh tur a awm love' han tih pawh kha dikna chin awm mahselangin, a inngahna tak tak tur leh a zawttu te pawhin a an hriatchian thin awma chu, tuna kan dinhmun hi a ni. Chuvangchuan,

approval hi a awm a. Tin, kan budget ah pawh thun theihin approve tawh anih avangin tunah pawh hian kan Finance Minister, kan Chief Minister ni bawkin a thusawia, helaia Budget Speech-a, a sawilana khana a tarlang a, vaibelchhia 234.82 hi kuminah kan plan fund-ah ACA-a grant kan hmuh chu a ni a. Chu chu tunah hianin kan budget-ah la khung loh anih avangin kan sawi a tul ta a. Kan sawi a, kan pass dawn / pass a ngai a, kan pass dawn a ni. Hei hi ka'n sawichiang duh deuh a.

Tin, chulovah chuanin, kan NLUP hi kan sawi tawh ang khan kan local concept aia tha a kalpui tura ruahman a ni ta a. Helaia kan sawina a engtikah nge an sem dawn? tia kan inzawh leh, kan inchona ang a hi, hei hi kan ngaihtuah ngun deuh chu ngaiin ka hria a. Tin, keimahni political party a campaign-a hmanrua hmang angah pawh khan sawichhuah ani tawh a. A sema sem zawng ang hianin khawilaiah emaw lo sawi pawh nimahselangin official-a party lamin a, a sawi thinna ah leh document a dah ah chuan "NLUP hnuaiiah hian eizawna nghet nei tura kut hnathawkte chhungkaw pakhat tanpui nan sorkarin cheng nuaikhat tal sen a inhuam a, project hlawhtling ngei tur tha baw si ah chuan, hei aia tam daih pawh sen a inhuam dawn a ni" tih hi kan election manifesto ami kha a ni a. Tin, hetah hian hemi a kaihruaina, party-a kan hruaitute campaign a kal tur te pawh NLUP an sawichhiatna chhan ber chu "a thlawna sum fai insem hi a tha lo, thatchhe siam tamna a ni" tih ani thin a. In enchiang ang aw, NLUP hnuaiiah hian a thlawna a sum fai pakhatmah sem tur a awm lo. Mithiam thlan chhuah bik ten trade tih kha uluk takin a thawh dan tura a sum ngai tur zat kha an duang fel thlap a. Chu chu Model Scheme, Model Project chu ani. Chumi ang thlap a NLUP hi kalpui tur ani leh ang tiin a entirna nen a kaihruaina bu chhuah a, mipui hnena pek chhuah ah pawh hian ani a. Chuvang chuan vawiinah hei Implement turin kan inbuatsaih a. Chuvang chuan tun tumah hian a tak taka kan kalpuina tur, kan hma lawkah hian a awm a. A sema sem leh a thlawna in pek tur ang chi boruak siam lovin, a tak taka thawhpui, thawhchhuah a, theihtawp chhuaha NLUP-a thlan apiang te hian an project lak ah khan an tih chuan hlawhtlin pui tham chu a awm dawn ani tih hi kan hotute pawhin min sawipui a. Min hriatpui ka duh a. Vawiina lo ngaithlatu zawng zawng pawh hian chuti zawng chuan NLUP hi lo ngaihtuah zui zel se ka duh em em baw a ni.

Chutih rual chuan sum ringawt hi chu a hlawhtlinna in nghah nan ani lova, a thawh tak tak leh rinawm taka a highest level leh a hniam bera mawhphurhna changtu leh a dawng tute pawh hian chumi hmanga kan thawh chauh chuan kan hlawhtling thei dawn ani tih hi vawiinah hian kan Chief Minister leh kan Minister zawng zawng pawhin an ngaihtuahna anih avangin kan sawi leh duh a. A thlan thu ah hian survey, base line survey kan neih thu ah khan. Tin, survey-report a lo lut tuk tuk a, scrutinized leh vek ani a. Hei, chanchinbuah tu tute emaw chuan 'ka hming a chuang e' han tih te pawn an chhuang viau a. Chhungkaw chhiarna a nih tel avangin tu te hming emaw chu alo lut tur a ni. Amaherawhchu, eligible tura kha chu scrutinized leh anih avangin, a hmu lo tur kha chuan, an hming a chuang zuizelna tur zawk eligibility-ah kha chuan an chuang zui dawn lo tih hi vawiinniah hian ka sawi lang duh a.

Tin, chutih rual chuan Central YMA te nena tangho a ti kan nih avangin, felfai tak kha alo ni thei bik lo a. Chuvang chuan ennawna a kal mek a, tunah hian a final na, village level atanga an rawn tih that leh te nen felfai zawkin, hei Pu R. Selthuama ho hianin, kan Chairman Implementing Board hian an en tha a. Chuvang chuan alo awm lo palh te thun leh na leh a hming lang anga hriat, amaherawhchu,

hmu awmlo pui chanchinbu a lo lang a, NLUP inthlan dan fello ang deuh a han tarlan theih a pawh kha thil hriatsual palh a ni thei a. NLUP Board atanga an kalpui dan te pawh hi kan inhrilh hriat tha in ka hria a ni. Tichuan, a eligible tura ngaih chu chhungkaw nuai hnih chuang an survey ah khan, nuai khat leh singnga chuang zet ani a. Amaherawhchu, kan project siam ah leh kan sum en a, kan tlin tawh tur ni a hriat hi chu, kan NLUP DPR-a tarlan chu chhungkaw nuai khat leh singnih a ni. Chu chu kum nga chung a, chhungkua kan cover theih tur a ni. Amaherawhchu, kan thawh chak dan a zir leh kan thawh that dan a zirin kum thum chhungah pawh hei hi a hma mai theih niawmin Planning Commission lama member lokal te chuanin min sawpui nghe nghe a. Chuvang chuan kan thawh that leh that loh ah a inngahna thui tak a awm a.

Tin, chumai nilovin tuna pawisa tam tak kan hmuh a hi kumkhat hnuah min review sak leh dawn a. Kan thawh that chuan pun pawh min pun sak thei, kan thawh that loh a, kan tih ningnel viau a, tuna a pawnlama boruak kan siam, “sem leh dawn” anga kan kalpui anih erawh hi chuan, kan beisei ang hi kan thleng pha lovang tih a hlauhawm khawp a. Monitoring hi min tih nasat an tum khawp a. Keimahnin-a a inbuilt monitoring kan buatsaih piah lamah hian Central sorkar atang pawhin Ministry tin atang pawhin kan technical line committee Department tana Technical Committee pasarih kan siamah hian an aiawh tur pakhat zel kan ruatin, tunah hian Technical Committee pawhin kan project a pumpuia lo pawm tawh hi a detail-in enfiah a ni a, tunah hian final stage-ah a awm tawh nghe nghe a. Chung pawh chu ka'n sawi duh a.

Tin, chhungkua kumina kan hmalakna tur, tuna inthlan turah pawh a tirah nuai hnih leh singnih leh sangli in kan cover thei ang kan tih kha singli chuang kan cover thei dawn niin alang a. Khaw tina kan cover theih tur, kumina kan cover theih tur zat pawh hei Pu R. Selthuama chairman-na hnuaiah NLUP Implementing Board in an ruahman tawh a, tunah hian thlir felin tunah chhawp chhuah theihin a awm tawh a, hei hi Apex Board in a pum chuanin, tiang chuan khaw tina chhungkaw lak theih zat, tin, a cropping zone kan siam ang kan tih pawh kha chutiang zulzuiin, tin, cluster approaching kan kal ang tih pawh chutiang zulzui bak chuan a line, a technical line-a department tin te khan hma an la tan a, an thawk ngawrh hle a, inrinni pawh hi an la chawl lova, chuvang chuan wawiinniah hian kan NLUP Implementing Board Chairman, Pu R. Selthuama leh a hote thawhrimna leh thawh hona tha tak avang leh Department hrang hranga kan director leh secretary-te inpekna he kan State Flagship tihhlawhtling tura an inpekna avangin lawmthu pawh hi sawi tel ngaiin ka hria a.

Tin, a tawpna ber atan chuan Pu Speaker, kan vannei hle in ka hria a. NLUP a tira (1985) atanga lo chher chhuaktu a Chief Minister ah bawh kan Chief Minister ang tun tumah hian Pathian zarah kan han nei ve leh te, tin, Pu Lalkhama IAS (Rtd) khatih laia Chief Secretary leh NLUP chher chhuaktu ber tunah dinhmun pawimawha a lo awm leh ta mai te, Pu R. Selthuama hun rei tak, a implement nana mawh phur thin tu experience tha tak nei, hetia mawhphurtu a kan han nei leh thei te hi, lehlamah chuan thenkhat chuan, ‘min hlawhchham pui tawh tute an ni lawm ni’, ti te chu an awm na a. Chuvang chuan heng leh tuna hotu kan neihte hi Pathian min pek a ni tih hi a rinawm a ni. Chuvang chuan rilru leh tih takzeta kan tan ho a ngaiin ka hria a. Taimakna leh rinawmna avang chuan thui tak kan hlawhtling ang tih ka ring a. Chuvang chuan kan Budget pawh hi wawinah hian a lawmawmin ka hria a. Chu chu kan sawi duh a ni. Ka lawm e.

S P E A K E R : Tunge han sawi leh ang le, a tul anih chuan tuna mi kha chu NLUP lampang, nakina he kan Budget in a fun anih chuan, a tul a nih chuan hun tawp lampangah pawh Chair lampangin ka la ko leh maithei a ni. Tunah Pu Lalduhoma ilo sawm ang.

Pu LALDUHOMA : Pu Speaker, Supplementary Demand Discussion kan han nei leh hi lawmawm ka ti a, a rawt tute zinga mi kha ka nih avangin, lawmawm ti tur pawh ka ni zualin ka hria a. Helaiiah hian 2004-2005 inkar, sorkar hmasa hun chhunga Excess Expenditure House in a pass bakah, an lo hman vaibelchhe 378 a rawn put luh hi, sawi tam vak lo a pass pui mai tha ka ti a, thil rei a ni tawh a, he Excess Expenditure hi Accountant General lamin an rawn audit a, a reconcile theih tawh loh hnuah PAC ten an han ti chho leh a, khatiang a buaipui buaipui a, a tawpa hetiang anga tih ngai thin hi a nia. Hetiang hi engtin nge kan reduce theih ang, engtin nge hma kan sawn theih ang tih lampang te hi, thui tak sawi tur a awm in ka hria a, amaherawhchu, hunte a tamlo a, kha kha chu ti hian pass ila, thil kal tawh a ni a, tikhan kan duhtawk mai anga. Tichuan, hei kan Budget Session a kan han pass bakah khan vaibelchhe 568 lai mai kan han neih belh chho a. Eng Department ah te nge ni a, a break up kha chumi Department ah chuan cheng chuti zat tih te te te kha hetia kan en mai hian hriat a har a, han chhui fe loh chuan, keini ang rual tan chuan hriat a har a. General takin ti hian ka'n sawi mai anga, Budget General Discussion kan neih ang deuh khan, general taka han sawi ka'n duh a.

Kan GSDP hi Agriculture sector ah hian kan awm a. Chu chuan kan GSDP a 14 % chauh hi kan thawkchhuak mai a. Heta tang hrim hrim hian kan general approach, kan sum hman dan tur leh kan ram kan enkawl dan tur hi he statistic hian thui tak hlamchhiah lam kan nei ani tih hi a tichiang em em mai a ni. Chuvang chuan kan pass tawh te, tuna kan pass leh tur te hi, khang mite khan engtinngge kan GDPS hi an rawn contribute tam ve deuh ang a, hlamchhiah lo ni thin kha, engtinngge chawikan an nih ve theih ang tih lam hawi a kan hman hi a pawimawh hlein ka hria a. Hei tunlai kan hriat angin China a rawn thang chak em em mai a, khawthlang lamah chuan Mass Production an ti a, mihausa leh thiltithe Industrialist lian ten production tam tak tak an siam chhuak a. China in tuna a kalpui hi chu Mass Production ni lovin 'Production by the Masses' an ti e an ti a, mipuiin an thawkchhuak a ni. Chu chu keini ram pawh hian kan entawn tha in ka hria a. Kan mipui, sorkar hna thawk silo, thawh tur mumal nei lo, hlawk lo tak mai a nitin an hun khawhral ho hian eng production nge an siam, production by the masses hi kan siam theih ve dan tur enge? Thil tlem te te pawh lo thawk chhuak mahsela mipui nawlin a an thawhchhuah theih zawng kan chhawpchhuak thei dawn anih chuan a lawmawm in ka hria a. Helaiiah hianin mipui hma zuk pe thei zawnga kan ram sum hi kan hman a tulin ka hria a. Hmanah khan ka sawi tawh a, ka bialah pawh khuan sorkar hmasa atanga Model Piggery Village an lo siam hlawhchham kan nei a. Khungte khu NLUP-ah hianin min han chhunzawm sak chu nisela Ar vulh ang zawng pawhin han kal leh se, an dingchhuak ve maiin ka ring a. Tichuan, kha kha production by the masses a rawn in tanna chu a ni ve dawn a ni.

Chutiang bawkin hei Agarbati stick te pawh hi han ti tak tak ilangin mitam tak hian nitin mai hian an thawk dawn a ni. Hei tunah hian bahhnukte an tih, hemi agarbati stick siamna khawl an han tih chhuah te hi Lunglei High Power lampang

kha chuan engemaw zat an hman sak ta niin ka hria. Anmahni sum hmangin tihian an han bei ve a ni a, henge hi a tha anih chuan mau a tam a, mau aihn rua a tha zawk a, mau chu a pan lutuk a. Heng hi miin han siam chhuak tak tak se chuan an siam chhuahna, an tan bun leh a tawm zawng zawng nen khan Kg-ah cheng nga in an lei duh leh ta bawk a. A chhia zawng zawng nen khan a hralh dawn a. Kha kha a ni Production by the Masses ka tih chu Pu Speaker. Kan mipuite hi i ngaihtuah ang u. A tul anih chuan subsidy te pawh pe ila. Agarbati sticks ro Kg a cheng 20 vela han hralh chu Kg. 1 ngah chu a har khawp mai a ni. Chuvangin hengah te pawh hian mipui kan in dawm chhuah theihna turin, NLUP ah te pawh min han hriat sak sela tha in ka hria.

Chutah kan Minister in a sawi ang khan, heng flagship programme ah te pawh hian document awm ang ang te pawh hi sawi ngai lovin min han pe ve thin sela, tichuan, inhriatthiam lohna leh a tul lova insawiselna te pawh a reh thei in ka ring a. Hriat ve zung zung te pawh kan chak a. Khami Production by the Masses kan tih laia hi NLUP hian rawn take care thei sela, tun kan sawi te kha ka zuk ti bik pawh a ni lo. Example atan kan sawi a ni.

Tin, ka ngaihpaawimawh em em chu, sorkar hmasaah khan Organic Farming kha kan uar vak maia, kan organic thei tak tak dawn lova, vai buhfai kan ei chhung chuan kan ei leh in pawh hi a organic thei dawn lo tih a chianga, dal leh thildang tam tak organic a kan ei reng tho si a te kan ei a. Amaherawhchu, a man a that chuan khawimaw lai area bikah item bik erawh chu organic a siama tih te chu tha ka ti a. Fertilizer te kan han ti tawp ngawt mai hi chu Pu Speaker, a fuh ta lo in ka hria. Hei, kei ka bialah pawh khuan tui a len loh chuan nul ho zawng zawng khuan lei tha an nei lova. Fertilizers an mamawh a. Tunah hian dil ngaihna pawh kan hre lova, dilna tur pawh a awm lova. Agent ho sorkar hmasa huna an lo pek te lahin hei khawiah nge an zawrh mipui dawr theihin an in siam si lova. Burma lamah a rukin an hralh zel ringawt mai a. Ti hian mipui kan hawi hil der mai a. Chuvang chuan, kan sorkar hian Fertilizers hi subsidy a min pe leh turin, khawngaih takin heng kan budget atang hian tan rawn la se ka'n duh a ni. Chutia kan tih leh loh chuan kan ram kut hnatawktute hi kan dawm chhuak miah lovang. Fertilizers tello chuan a khawsak tak tak theih loh. Organic item kan nei anih chuan, a concentrated area-ah kan ti chauh tur niin ka hria. Kha kha ka'n sawi duh bawk a.

Tin, hei Muster Roll chungchangah hian Muster Roll hi category li lai kan nei a. An hlawh te a in ang lova. Heng bakah hian Department hrang hian Muster Roll pawh ni lo, thlakhata sanghnih te, sangthum te a rawih hi an nei a. Chu chu keipawh in chiang taka hriat ka nei a ni. Khatiang khawpa mi in an mamawh a, an indaih lo anih kha chuan, a Muster Roll na na na te chu a pek belh theih lawm maw ni le, mihring puitling ve lem sanghnih, sangthum vel a thlakhata han in rawih te chu a ni bik tawh lova. Chuvangin, heng ang hi Muster Roll pawhin a huam si loh hi engtingge Department te hian an lo en ve mai dan? tuk chhuak fuh loh deuh a, ban mai theih kha an ni em em mai lehngal a. Hetiang ang te hi sorkarah engzatnge kan neih ang? khatiang mamawh zual te kha chu Muster Roll anga rawih theih dan tal te hi kan ngaihtuah sak thei em? tih kan sawi duh bawk a.

Tin, Medical College hi kan nei dawn hnai a, hmalak mek niin ka hria a. Tunah hian MBBS zirlai pakhatah hian kan sorkarin kumkhatah zirlai pakhat tan ₹ 21,00,000 chuang a seng a ni. Mi pakhat tana ₹ 21,00,000 chuang kan sen reng hi

chuan Medical College dinna tham hi chu kar lovah kan paih ral dawn a ni tih a Chiang Reng Mai. Chuvang chuan, kan ram ngei mai a Medical College a awm thuai theihna turin hmalak mek awm hi Chiang Leh Zualin, khawi lai hmunah nge tih te nen han inhrilh theih ni phei selang chuan in, a lawmawm viau in ka ring a.

Tin, sum kir thin kha awm tawhlo se ka duh a Pu Speaker, a awm tawh lohna tur hian hmana ka sawi bawh kha sawi ka duh a. Budget siam anih lai chuan Planning Department leh Finance Department chu a inrawlh hle turah ka ngai, a Minister incharge pawh an rawn tur a ni. Mahse, kha kha final alo nih tawh hnu ah chuan Master Roll pakhat sanction dil tura hetah Planning leh Finance-ah a kal leh vek zel hi chu mipuiin kan tuar in ka hria. Hun kan sen pawh hi a rapthlak lutuk. Tin, a Department a Director te, Secretary te, Minister te thu neilo lutuk maia an awm hi a dik lova, Minister in Demand a rawn pulut a, cheng heti zat Department, a hman tur a rawn ti a, thunei awm takin a rawn pulut a, a hmannaah thu a nei leh miah silova, anmahni budget chhunga awm ngei ngei pawh hmang turin Planning leh Finance-ah an dil leh a, ti hrim hrim chuan hun kan khawhral nasa lutuk a, chuvangin hei hi chu simplify thain ka hria a, tichuan Minister tin hian an Department theuh ah ka sawi awm phei chu a ni lo anga, Finance Minister ka ni tih hi hria sela, an Department chanah na na chuan pawisa engzatnge an la neih, engzatnge la chuang, engzatnge excess awm tur an hriat a ngai, tichuan a Director leh Commissioner te, Secretary te khanin thil tlem tham deuh te hi chu Finance leh Planning ah kal kal tawh lo hian sanction ve thei teh se, tichuan hma kan sawn chak ngei ngei ang. Development Process ti muang vek tu hi he process hi ani Chiang Mai a ni, thil lian thamah erawh chuanin anni kha kaltlang se. Amaherawhchu, Planning a zawh tawh hnu, approved anih tawh hnuah hi chuan Planning Department an rawn inrawlh lutuk pawh hi a tulna hi a awm tawh in kei chu ka hre lo, Department tin in an pawisa hman zat kha chu an hrilh ang a, Finance Department chuan alo control ang a, engzatnge balance an la neih a hre mai tur a ni a. Chung chu kan zavai hian kan tan rualna leh kan tan tlan tur leh kan pawm tlan turah ka ngai a. Department hrang hrang te hian engtikah nge sanction proposal chi a rawn move tan a. Planning-ah engtikah nge a luh a, engtia rei nge an kawh a, an nin engtikah nge Finance-ah an theh luh a, Finance in Treasury-ah engtikah nge an theh luh? Treasury in engchen nge a pending? tih hi Department tin hian hria sela, Minister tin te pawh hian enpui sela, khawilaiah nge delay a awm tih hi kan Treasury te pawh thuneihna pek san a ngai anih chuan nihnih khat lek unlimited power pe lovin, a hma thla hnih / khat atangin pek nisela, tichuan, sum lapse a awm lovang. Nikum kan tih sual, kan ek rahpherh kha, kuminah rap pherh tawh lo ila, a tha hle in ka hria a. Khami sanction proposal a chin kualna delay awm reina kha chu kan zawng chhuak anga, a mawhphurtu pawh kan hre chhuak thei tawh turah ka ngai a ni.

Tin, Pu Speaker, State contribution ten percent kan neih loh avanga Central atanga sum kan hmuh tur kan hmuh loh hi a tam ta lutuk a. NREGS-ah pawh tam tak kan chan tawh a ni a, mipui inhlawhfakna tur hi. Hei hi engtikah mah kan nei tak tak chuang dawn in a lang lova, chuvangin rawtna ka siam duh a, ka sawi tur hi kan record a dah hi a rem em aw ka ti hial a. Heng hi kan dawn tur kan dawn loh ai chuan 10 % hi a tirah chuan han pe ve phawt mai ila, tichuan 90 % grant kha a lo kal ang a. Khata tang khan a leh pek tur 10 % kha sawh thlak dan hi ngaihtuah mai tur niin ka hria. Financial year-ah sum a lapse dawn chuan tih tak takah chuan Civil deposit an ti a, AC Bill an tia, K Deposit ka ti a, an la hman ral loh pawh hmanral tawh angin kan official te hian an theh lut thiam em em a ni. Chutiang chuan hemi

10 % tur hi chu siam ve mai selangin, tuman inchirhtheh nan hman lo ila, a tak kan hmuh tur kan hmuh loh ai chuan tikhan ti ve mai ilangin, 'ar talh dan chikhat chauh a awm lo' an tih ang deuh khan, ti ilang kan ram tan hei hi a that ka ring a, kan nem liam fo mai hi a uihawm hle in ka hria a, pawl ka ti takzet zet a, chuang chuanin khatiang kha tun atang chuan ti ta ilangin a leh pekah, "10 % kan nei lo, chuang chuan a liam a ni", tih awm miah tawh lo hianin Central sum atang bawh hian a 10 % sawh hek dan kha thiam mai ilangin, tichuan a in banlet chho zel anga. Tirawh u titu ina a tih chuan an tih thiam ka ring kan sorkar hnathawkte hianin. Chu chu thil dik ni chiah lo mahse kan ram tan malsawmna lian tak thlen thei tur si anih avangin heng hi chu kan tih hreh loh tlan mai te pawh hi a tha a ni lawmni aw kan ti a. Khang kha kan supplement atang a thil tul kan sawi duh a ni a.

Tin, Kan Contingency Fund hi vaibelchhe 200 kha kan neiin ka hria a. Nikum khan engtinge kan hman liam tak ka hre chiah lova. Hei hi hei ai hian a hman tangkai theih deuh lawm ni aw ka ti a. 10 % State share contribute tur kan nih loh avanga sum liam mai thin tur te hi kan Contingency Fund atang te hian kan hnawhkhath thei lawm maw ni le vaibelchhe 200 te chuan a daih tam ngawt ang chu, chu chu kan tih chuan khalaia kan harsatna kha a rawn phuhru mai dawn a. Chuvingin kan Contingency Fund vaibelchhe 200 vel kumtina kan neiha hi thildangah hmanglo thei ila khek hram hram ta ila, khatiang tul ngawih ngawih leh mamawh zual kan contribution ve atan khanin khek thei deuh ilangin kan tangkaipui zual ang tih ka ring a. Kan sawi ve tur ani chiah lo nanga. Opposition tha tak contribution nei ve nih hi kan duh a. Constructive opposition neih ve hi Democracy-ah hianin a tha em em a ni. Khatiang ang zawng khan kan sorkarah hian rawtna ka'n siam ve duh a ni a.

Heng hi kan kalpui theih chuan inhriatthiam tlan a, a tulna apiangah hian hreh lovin helai hi chu inhriatthiam a ngai a ni, in ti ta ilangin. Chutianga kan kal chuan kum nga chung hian hna tam tak kan thawk thei dawn a ni tih ka ring a. Khami kha a Principle a, he kan Supplementary Demand-a sum kan han hmuh belh leh hman dan tur chungchangah ka'n sawi belh ve duh te chu an ni e. Ka lawm e.

SPEAKER : Tunge han sawi leh dawn le. Pu Nirupam Chakma.

Pu NIRUPAM CHAKMA : Pu Speaker, ka lawm e. A hmasa bera ka sawi duh chu hei hi a ni. Hei, Budget Session kum tinin kan nei thin a. Tunah pawh Budget Session a ni mai a. Vawiinni atan chuan Budget kan sawi dawn a ni a. Kan ngaihpawimawh chu officer te session attend duh lo hi ka ngaimawh a ni. Tunah pawh an tlem si, Head of Department leh secretary te hi chu tlemte an ni, hetiang hi nidangah chuan nilo se ka duh a.

Tin, Budget session-ah member te thusawi reng reng hi proceeding a chhuah ni atangin chhiar zung zung rawh se. Action lak a tul anih chuan action la zung zung sela. Chutiang chuan effective Government a ni ang. Nasa takin kan ngaihpawimawh te kan sawi a. Proceeding chhiar manglo pawh an tam, enge a tangkaina. Chuving chuan, official lam atangin administrator lam atangin kan Chief Minister hnenah pawh ngenna

ka siam duh a, in hnenah pawh ngenna ka siam duh Pu speaker, kan session hi ngaipawimawh se ka duh. Chutilo chu tam tak kan sawi ang a, min ngaihthlak duh loh te chuan engngeni a awmzia.

Pahnihnaah chuan Pu Speaker, hei tun tum budget sawi tur hi Supplementary Demand a nih laiin budget pumpui sawi a ngai a. Hei, kum rei tak Assembly House-ah ka pass tawh a, budget tam tak ka pass tawh a. Vawiinah chuan I am not as happy as to be. A chhan chu kan budget-ah hian kuthnathawkte tan supplementary bik atan kuthnathawkte tan Mizoram mirethei te tan kan pass dawn ani a. Chuvang chuan Budget Session kalta a pass Mizoram State Sorkar tirh atangin Budget Pass lawmawm ber tur chu vawiin ami a ni. (Speaker : Hnathawktute tan lo chuan damlo tan) Damlo te tan pawh a awm ang. Amaherawhchu, kumtina budget-ah enge kan sawi thin. Miretheite tan budget ani lawm ni? khawngge miretheite tana kan tih chu. Amaherawhchu, hei vawiinah chuan pawisa tam tak miretheite tan kan sorkarin a ruahman thei hi lawmawm ka ti a. Kan Chief Minister zahawm tak hnenah lawmthu ka sawi duh a ni. Pu Speaker, Cabinet Committee on Economic Affairs hei Press Information Bureau webside-ah browse ila chuan mi zawng zawng hmuh theihin a awm a, Press release hi. Hei hi vawiinah kan download a ni. 15th July, Thursday, 2010 Press release chhiar duh tan chhiar theihin a awm a. Comprehensive and Integral Social Economic Development Project under the NLUP Government of Mizoram ti a head hmangin Press release an siam a ni. Chumi niah Cabinet Committee on Economic Affairs has approved the comprehensive and integrated social economic development project under the NLUP of Government of Mizoram within the ceiling of ₹ 2873.13 crore chu an approved ta a ni. Chuvang chuan he pawisa hi kum nga atan one lakh twenty thousand families NLUP tanpuina pek turin an approved a. Tin, chumi bakah Road atan te, Link Road te, Irrigation te, Water harvesting atan te, tin, remuneration prices hmuh theihna atan te, marketing atan te, Infrastructure cost kha tam tak hemi zingah an telh a. Chuvang chuan Jhumming a family tanpuina ringawt a nilo. Kawng siamna tur atan te, Irrigation siam nan te, infrastructure siam nan te he project hi ₹ 2878 crore hi Central sorkarin, Central Cabinet-in min approved thei hi Mizoram sorkar tan hei aia malsawmna hi a awm lo reng reng a ni. Budget chungchangah hi chuan a lawmawm hle a ni.

Kuminah kan Budget hi ₹ 1500 crore chauh a ni. Amaherawhchu, NLUP Budget hi ₹ 2878 crore ani thei hi thil thleng ngai lo, a lo thleng ta a ni. Hetiang project siam thei Chief Minister kan nei hi Mizoram vanneihna a ni. Pu Speaker, Mizoram mipuite Assembly Election-ah min thlang tling lo se chuan he thil hi a awm lovang, MIP mai mai a ni ang. ₹ 5000 MIP kan tiam a, sorkar hmasa khan, engzatnge kan pek a tawpah phei chuan an sawi duh lo reng reng. Sawi a awm lo reng reng tunah chuan MIP hi khawiah nge?

Tin, Pu Speaker, thil theihloh deuh mai chu Central Cabinet-in min approved hma kha chuan opposition lamin nasa takin an sawi thin a ni. NLUP in va pe har ve? Engtikah nge inpek dawn? te an ti a. Hei tunah chuan House chhungah te leh pawn lamah te an sawi a, fak sela sorkar pawh fak a ngai alawm, lawmthu te sawi sela, nichina kan Agriculture Minister zahawm takin Central Sorkarah lawmthu resolution hialin hrilh ila a ti kha a lawmawm ka ti. Chuvang chuan Pu Speaker, kan supplementary demand hi ₹ 1500 crore something ni mahse a tam zawk chu NLUP tur kha ruahman sa awm anih avangin kan sorkar hian tun term-ah chuan mirethei tan malsawmna ni thei tura pawisa tam tak a ruahman thei hi lawmawm ka ti a.

Tin, chumi rual chuan, he pawisa hmanna turah hian sorkar hnathawkte an pawimawh. A then chuan fiamthu, 'hman hma in workshop-ah a lut zel', an ti a. Workshop kha an district khawpuiah an organize a, workshop chu zirchianna a ni a, mahse, engemaw dik lohna avangin workshop-ah lut lo se ka duh. Chuvang chuan he pawisa hi mirethei te chhan chhuahna, mirethei tan ruahman ila, Bank Account te, engkim siam felin, an kutah chengkhatmah khawihah mah peng bo lovin lut sela ka duh a, tin, mipuite pawh ngenna, kan bial angah te chuan nasa takin kan sawi a, hmun dang dangah kan kalna apiangah kan sawi a. He Scheme hi a hlawhtling lo anih chuan Mizoram tan chuan beiseina a awm vak tawh lo ang.

Pu Speaker, chuvang chuan hei kan budget pass hnuah hian hmang zung zung ila. NLUP chu mipui nghahhlel anih avangin, vawiinah he supplementary pass tur hian nasa takin support ka duh a, bial mipuite aiawh pawhin House-ah lawmthu ka sawi duh a ni.

Pu Speaker, pakhat ka sawi leh ang, hei public sector-a undertaking chungchangah zawhna leh chhanna ah Minister hian eng eng emaw a sawi a. Ka sawi duh chu, he Public Sector undertaking hi atam zawk chu Mizoram sorkar Congress Sorkarin a din a ni a. Ka sawi duh chu MNF Sorkar lain kum sawm chhungin an enkawl that loh vangin an dinhmun chu heti hi a ni. Hei hi thudik ani Pu Speaker, kum sawm chhungin engatinge hetiang a an enkawl, an dinhmun hi tunah kan sorkar hnuah siam ani lo. Kum sawm chhungin enge an tih? Hmanah tha taka hma a kal theih lain kum sawm chhung, MNF sorkar chhungin engmah policy mumal lovin an kal a, tunah hlauh lak tur an neilo. Chuvang chuan if there is any responsibility should lies on MNF Government. Hei hi chu thudik ani Pu Speaker, kan Chief Minister zahawm tak ten tunah an dinhmun siam hi an ngaihtuah sak mek ani, chu chu lawmawm turah ngai ila. Amaherawhchu, tun dinhmun a push tu chu, an dinhmun a dahtu chu MNF sorkar ani lo thei lo a ni. Company te chu every year, they progress, they make profit. What is the profit for the last ten years? Chuvang chuan Zoram mipui pawn lo hria se. Sorkar zel ila chuan hetiang hian a awm lovang, kan sorkar zel chuan tuna eng hi nitin 24 hours, more than 24 hours hmu tur kan ni a, sorkar zel ilang chuan NLUP pawh hei aia hma deuhin kan sem tur ani a. Mirethei dunhmunah hetiang, vawiin dinhmun chu kan sorkar bel sela chuan hetiang hian a awm lovang. Chuvang chuan a tawng thei thei hi hnam hmangaih an ni lo a ni, Pu Speaker. Hnam hmangaihtu chu mi thawk thei, mi taima, mi thluak tha, mi rinawm an ni. Chutiang kawngah chuan kan Chief Minister hi beiseina awm chhun a ni tun atan chuan. Ka lawm e.

Pu LALTHANSANGA : Pu Speaker, ka lawm e. Hei sorkar thar alo pian dawn khan 'change' kan han ti a. Vawiinah Supplementary Demand-ah hetiang a discussion kan nei thei hi a lawmawm a. Hetiang ang rilru zau tak mai a min han kaihruai hi i chungah pawh lawmthu ka sawi duh a.

Hei, tun tum kan budget han en hianin NLUP, kan Flagship Programme-ah khan cheng vaibelchhe 234.82 an lut nghal tawp mai a. Khami kha khawi khawiah nge a luh, a break-up kha, department hrang engzahnge kan tiha kha, department kha 14 vel emaw a ni anga, a dang zawng kha chuanin he kan Plan Fund increase-na hi an tem ve ta lo kha a ang ta viau mai a. Chuvang chuanin, tun kan supplementary

budget-ah pawh hianin Non-Plan kha kan han present nasa viau mai a, hei hian kan hrisel lohna kha a tilang hle in ka hria a, medical-ah khanin a kal hnem viau mai a, tun kan supplementary-ah hianin, khami han thlir atang pawh khanin kan ram hi a hrisel a ngai hle mai a, Health Care lampangte pawh hi a rial rei ta hle mai a. Heti laite pawh hi hmanhmawh theih nisela, vawiinniah hetiang Medical Re-imburement fund tur han kal te han ngaihtuah hianin hriselna lampangah hianin nasa lehzuala tan kan lak tlan ngaiin ka hria a.

Tichuanin he kan Budget pass tur cheng vaibelchhe 568.89-ah hian hemi adjustment of Plan Fund for re-appropriation tih lai hi kan Plan Fund a kan hman loh tak te kha kan han re-appropriate leh ta deuh kha em mi aw tih kha ka hrethiam chiah lo deuh a. Hei keini la junior, first timer phei chuan, chutih lai karah phei chuan lapse chung chang kha kan sawi nasa hle a, kan House Leader zahawm tak phei kha chuan secretary chin te pawh kha power pek a, chumi ceiling nei a Delegations of Financial Power te pawh kha sawi hial kha a ni a. Tin, chumi rual chuan khatiang ang khawp khanin tih thatna tur khanin eng eng emaw kha kan han sawi a.

Tin, Department lam te han en ila Finance Department order-ah March ni 20 hma in engkim bill zawng zawng sorkar ami a lo lut vek tawh tur a ni tiin chutiang chuan an han ti a. Planning ho lah in March ni 15 hmam tih kha a ni a. Mahse, kha kha kan Department ho lampang khan khatilai kha an ti hman lo tlat mai thin a. Practice pangngai khan hnawhsa rum khan thil hi a kal thin a, a kal tawh loh tur te pawh kha kan han hriat rual khan kha nimirah te pawh khan Bill tha tak mai kan han passed a. Nimina kan Bill han passed kha a taka han hman hi a tha awm mange aw ka ti a. Hemi Government Servant 'Personal Liability' tih a kha, khatiang ang Bill te kan han passed te pawh kha rilruah a awm thin a. Dan hi tam tak kan han siam a, mahse, kan bawhzui thin loh lai hi a pawl a, chu chuan Mizoram hi harsatna namen lo hian min thlen niin ka hria a.

Hei, NLUP bik phei hi chu special package hmuh tur ang khan inthlan campaign ah te kha chuanin a lo ri a. Prime Minister special package atanga lokal mai tur anga kan han hriatlai khanin vawiinniah chuan kan Plan Fund hian kan han hmang dawn a ni chho ta a. Nichin khan kan Agriculture Minister zahawm tak khanin hemi kan tihna tur hi kan pe ang a, hnathawhna tur hrim hrim ang deuh a ngaih a, an duh duh a an hman theih ang deuh va, 'give and take' ang deuh a ngaihna tur rilru kha a ni lova. A hlawhtlinna tur atana hei hi tih tak zet in, a monitoring hi an rawn ti nasa dawn a, 'Supervision pawh hi kan ti nasa dawn a ni' an tih rual khanin. Mahse, tunah hianin NLUP hi tun session zawh atang phei chuan hman theih tur a lo ni chho ta ang a. Kan ram hnathawh dan nen hi chuan a inmil lo hle dawn ta mai chu a ni a. Engtingge tunah hian pe ta se, chumi ah chuan pek bik tur chu a awm bik ta a ni. Tunah Passion fruit lampang han thlang tan chuan hnathawhna hun tur kha a awm vak tawh lo dawn a ni. Khatiang ang khanin thil reng reng kan han tihna tura ruahmanna laiah hianin duh ai hi chuanin kan sorkar hianin mirethei te chhan chhuahna kan han tih rual hianin kan chhan chhuah tum dan lai zawk a hi tlem hi chuan tun aia tha zawk a ngaihtuahna kan hman that a va tha awm ve aw tih te ka rilruah a awm a.

Tin, keini Mizo hnam reng reng pawh hian kan rilru ngaihtuahna ah hianin thil pakhat a hi chu arvuulh te kan han ti a, vawkvulh te kan han ti a. Ar te hi sawmnhih khat a vulh theih a. Vawkte pawh pali nga emaw sawm vulhte chu T.V ah hian an

rawn interview fo mai a ni. Kan rilruah hian tam kan ti hma lutuk tih ka zuk sawi tumna zawk a ni. Vawk Farm siam duh tih ang zawng a, a large scale deuh va kan mipui te rilruah hian kan tuh ngai in ka hria. Chumi ni lo zawng a, khati zawnga kan tih kha chuanin kan mipui te rilruah khanin tlema zawng eizawna tling tak tak lovang. Punjab a kan awm lai khanin Poultry Farm hi ka tui ang reng a, college zawh ah te hian ka va training ve e ka tia, thlakhat dawn chu chumi ah chuan ka va kal ve thinna ah chuan rin aiin an farm kha a lo ropui hle mai a. A luh mai mai te pawh kha alo har khawp mai a. A luh dan leh an thil tih dan te kan han hria a, kan han en ve a, chumi ah chuan min hrilh a chu a neitupa chuanin, “Ar sangkhat i vulh chuan amah leh amah a intum anga, ar hi sangthum atang vel hian a profit hi a nei tan anga, sing tel i neih hunah chuanin i family te nen weekend in hmang thei ang” a ti a. Chutiang chu 1984 vel khan min hrilh daih tawh a ni. Chutiang tak chuan mite chuan thil hi an lo chhut ngun deuh hlek a. Tunah pawh kan chhutna leh kan tihna ah hianin table atang hi chuan kan han sawi leh mai anga tih hian tha deuh mai hian heti hian a nia nga, heti zat oil palm a chin chuanin kan ti anga. Khi kan area vel ah te chuan kan han ching a.

Tunah Sericulture lamah Pangang vulh anih chuan heti zat hi kan han ti anga, tikhan tha deuh mai khian kan han ti anga, mahsela chhungkua a damlo hritlanna te leh enkawl theih lohna a lo awm kha chuan khatah khanin a fail nghal kha a ni dawn mai a. Nichina kan sawi ang khanin kan Public Undertaking te pawh kha engngatinge Sick Unit-ah kan dah vek kan han tih laiah te pawh hianin anmahni authorized share capital kha anihna ang tur khan pe tawp ila chuan anmahni khan khata profit khan an kal theih a rinawm a. Nilo khan kha kha kum sawm chung te kan pe a ni. A pawisa kan pek hrim hrim a kha chu a tam hle, amaherawhchu, kan pek dan system te hi kan ngaihtuah a ngai a. Chutiang ang deuh hlek chuan tunah te pawh hian he NLUP hlawhtlinna tur ah hian structure awmsaah hian kan han fit in / dahlut chu ani ta a. Chutiang ang chuan tunah te pawh hian public undertaking hrang hrang kan han sawi, kan Minister zahawm takin an sawi ah te pawh hian he NLUP te pawh hi introduce ni chho ve ta ila.

Tunah ZOHANDCO te hi Mizo min ti Mizo tu a ni. Foreign visitor emaw, High Dignitory Visitor kan neih reng reng ah chutiang chu kan pe thin a, present kan pekna, Mizo te, Mizo-na kan lo pholanna te a ni. Chutiang zel chuan vawiinniah pawh khawvel ram hrang atangin Ambassador engemawzat an lokal dawn kan ti a. Chutihlai chuan kan MIFCO Product te hi kan pe ngam ang em? Chu chu ngaihtuah tham a awm a ni. Kan pe leh ngam lo maithei a ni. Engatinge kan tih chuan Laboratory test pawh kan nei chiah lova, chuvang chuan kan pe leh ngam lova, a dang emaw Indian Branch tha deuh kan lo offer leh mai ang tih kha a hlauhawm a, chuvang chuan sick unit-ah te hian kan tang zovin, hetiang laiah hian tun kan sorkar thar chak tak / ropui tak mai, Mizoram khawvelah pawh record siam khawpa MLA ngah hi chuan Mizoram hi nasa takin min promote thei ani tih a kha ka'n sawi lang leh a nia.

Hei, PWD bikah hian, vawiinniah chuan PWD kawng hi a lo thui ta em em mai, BRTF hnuai atang hian kan la ta deuh vak a. Tin, Defence Road tlem tlem hi Border Road hian enkawl a nei chho deuh a ni mai a, a bak hi chu PWD deuh vek a ni tawh mai. Chumi a chu tunah hian keimahni Main Road ber, kan hnukpui ti mai ila Silchar – Aizawl – Lunglei – Saiha hemi National Highway 54 pawh hi engemaw hun atang khan kan bei chho a, repairing tih that tur hian mahse, tunah hian chhe lutuk a, hmannah khan phailam atanga lo kal khan hemi All India Oil Corporation

lampang. All India Oil Co-operation lampang atanga lokalin a a tihdan ah phei kha chuanin, “he in ramah hian inhlawhna tlak kawng in neih loh avangin inhlawh duh hi in tlem tial tial anga, harsatna hi in nei tial tial dawn a ni”, a ti a ni. Chutiang chuanin, vawiinniah hianin kan rama thil lo lut reng reng man te hi a to phah em em mai a ni a. Chumi anih loh chuanin hei hianin vawiinnia mi rethei hmangaihtu inti si hian, mirethei te tan hianin thil rate hi kan tisang lutuk anga, nakinah chuan an zawh loh nghawngkawl kan inbah tir si anga. Chu chuan revolution hi a siamchhuak ang tih hi Pu Speaker, ka hlah avangin thahnemngaih thua khatilai pawh kha kan sawi lang a ni e. Ka lawm e.

SPEAKER : Tunge sawi leh dawn le? Sawi tur kan awm tawh lo em?
Pu P.C Zoram Sangliana.

Pu P.C ZORAM SANGLIANA, MINISTER : Pu Speaker, vawiinniah hei Supplementary Demand for Grants 2010-2011 kan House Leader zahawm tak maiin a, an pharh, sawihona huna kan participate thei hi lawmawm ka ti a. Han en vang vang hian he Demand han en hian a lawmawm na em em chu nichina ka hma amite sawi tawh ang deuh hlek khan kut hnathawktu farmer kan han tiha te tan leh damlo te tan September hi thla tha ani dawn anih hi mawle tih tur a ni. Vaibelchhe 568 atanga vaibelchhe 234 lai mai loneitute hawi nghal ran mai han pharh a ni a, chuta chumi pharhna hmun a remtih dawn a, ‘remti’, ti ve thei a kan awm pawh hi ka tan malsawmna, chhinchhiah tlak tak tur zing ami ni hian ka hre hrim hrim mai a.

Kan ram, kan hnam ka’n thlir a, chhim leh hmar zawnga lui luang leh tlangdung karah rualremlo taka lang, mahse Pathian ina ram hlimawn, ram nuam tak maia boruak tha tak work-order chungchangah nise, kan hotute hmalakna avanga mitena ramnuam tia an sawitheih reng mai a kan awmnaah kut hnatahawk tak tak tute, dinchhuahna tur atana a bik a session ani hial ani tih te pawh alangin ka hria a. Chutih rualin damlohna in min tlak buak nasa em em a, Mizo mipui te, keipawhin ka hmu hnem a, chung ang te dinhmun, khawiah mah beiseina nei tawh lo te tan pawh lawmna dar vuakna tur niin ka hria a. A lawmawm a, a chhan chu hman kumah Kolasib ah gas puakah tlangval pakhat a vawrh tel a, a hek huam mai a, chumi chu Vellore-ah inentir in a awm mek a, chungte chu an chhungkua ah khawiah mah sorkar belhna tur an awm si lo. Chungte tan chuan vawiina supplementary Demand hian kawng a rawn hawng a, hei Health Care te hi a pawimawh em aw ka ti a. Min ti hlimtu ani a. A chhan chu - a ngaihna hria hruaitu kan neih vang ani. Mihring chang kan ni lova, ran rualah pawh a huhova khawsa thin an awm a. Zawngte, ngau te pawh hruaitu hian rah tlan tur ani emaw, kalna tur a neihna ah, a hmasa berah ka mipui te an him em, ka hruai te an him em tih a thlir hmasa a, rah tlan tur hmunah pawh a beng a hriattheihna zawng zawng a len a, chutah rah ti chhe thei an awm chuan a kal kian san thin ani tih ang deuh in mihring hruaitu tur phei chuan enge kan mipui te dinhmun hriat chianna atangin programme hi lo chhuak anihna hi a lawmawm a. Agriculture Minister khan resolution lawmthu sawina Central min pe tute hnenah pawh kan lawm thu kan sawi dawn lawmni a tih kha min pe tu hnenah lawm thu sawi chu a lawmawm em em rualin ka la duh khawp lo a, kha ang central ten an pawm theih tura programme siam thei leader kan neihna rah ani zawk a ni. An

pawmtlak programme leh project-a kha zuk siam thiam ni lo ila. Awmzia a nei miah lo a. Chutiang siamthiam Leader kan neih avang chuan Central-ah hruaitute chang ni lovin, UPA sorkarah chang ni lovin, kan House Leader, hemi han ngaihtuah chhuaktu bera pawh hi hemi chungchangah hian House hian lawmthu hrilh hi kei chu kan ba in ka hria a. Chu chu kan sawi tel zawk duh bawk a.

Tin, Pu Speaker, pakhat ah chuan ka'n sawi leh duh a chu nichin a Aizawl West-I bialtu MLA zahawm takin a rawn sawi laiah khan, Secretary te, Director te, Financial Power pek chungchang a hi, ka ngaipawimawh ve khawp mai a. Hmanni lawkah pawimawh ti a Delhi a kan zuk kalin, Secretary pakhat nena kan inkawm naah chuan, chung ang te chu an dinhmun a ni a tia kan sawina ah khan a Board kaltlang emaw Minister hnen thleng kher lo hian 80 crores hi kan sanction thei a lawm, Full-Secretary te chuan, chutah chuan Project I sawi te hi rawn siam la ka lo ngaihtuah pui dawn che nia min ti a. Chutia 80 crore ngawt mai an Project chhunga sanction thei an nih chuan. Vawiinah i kaihhruaina zahawm tak hnuaiah kan pass tawh hnu ah hetah, a bul atanga kan han dil leh thin a hian, pawisa liam leh an fiamthu ang deuh a, "March thla hi kohhran upa tluk thla a ni", an tih fo te pawh hi a kiam theihna atan, heng ang zawngah te pawh hian tan kan lak a hun viau lo em ni chu aw ka ti a ni, chutiang anih chuan heng kan Power Secretary te, Director level thleng hian an sanctioning power hi. Chutah erawh chuan kan fimkhur tul erawh chu Minister concerned theuh ten vigilance leh monitoring uluk sela. An uluk loh chuan Minister kha a mualpho tur a ni leh tho tho a. A hming tha tur pawh a ni tho si a. Chuvang chuan Minister concerned monitoring leh vigilance hnuaiah khan tun aia power pek hnem deuh chu nita sela. Kan programme leh policy te hi tih hlawhtlin chak zual ani awm mange aw ka ti a ni.

A bul bera ka sawi ni mahse sawi nawn leh ka duh a, NLUP chungchangah hian vawi tam tak kan hotupa, kan House Leader ho hian, a bikin kan party Congress te hian kan lo au pui tawh a. Awih lo, chilchhak a, anchhia min lawh tu tam tak an awm a ni. Chutih karah vawiin ni chuan heta tan hian cabinet committee on economic affairs in July ni 10 leh 15-a an rawn tihchhuah tawh mil a ₹ 2873 crores Mizoram tan pek a ni a, kan tih tawh hnu thleng pawha awih lo leh la ring lo tlat hi engemaw zat hi an la awm tlat a ni. An hotute thu an awih emaw ani lo pawh chu nita sela, ka hrethiam duh lo fo a, ka'n ti teh ang chu pawh chu. Hetiang awm anih leh programme anih lai pawha ring lo tlat te anchhe lawhtute, sawichhe tute kha chuan sem hun, tih chhuah hun a lo thlenah hian, "A, kan programme, kan policy ani ve lo bawk a, chuvang chuan keini chuan kan lo dawng tlai ang e", tih nachang hi hre ta sela, 'a mizoin a Kristian awm mang e', ka ti. Chumi chuanin he programme neitu, policy a hmangtute tan pawh hian a hlimawm awm mang e aw tih kan sawi tel duh talh talh a. A chhan chu he thil hi engnge ni kan tihna chhan tih chuan mahni rih loh tlat a dawn lo tum tlat te, piangthar lo chung a vanram kai tum ang deuh hi niin ka hre tlat mai a ni. Ring lo chung a vanram kai tum, Isua Krista min chhandamtu a ni tih ring lo tute chu Kristian te rin danah chuan hremhmuna kal tur a ni a. Mahni rin loh, lo duh hmanhmawh ve em em mai, a ringtute kha, "dawng hmasa teh u", a tha awm mang e tih kha kan sawi duh a.

A tawp bera kan sawi duh chu hetiang ang Supplementary Demand sawihona zau tak mai House Leader remtihna leh i kaihhruaina hnuaiah awm thei a kan awm hi lawmawm ka ti tak meuh meuh a. Chuvangin he Supplementary Demand hi nasa

takin ka han support a, pass ngei nise tih hi ka han sawi ve duh lawk a ni e. Ka lawm e.

SPEAKER : Aw le, kan hun a tawp mek a, kan chawl tawh ang a. chawhnu 2:00 PM ah hemi sawihona hi kan chhonzawm leh ang. Chawl rih ang u.

Lunch Break at 1:00 PM.

2:00 PM

SPEAKER : Supplementary Demand for the year 2010 – 2011 leh Supplementary Demand for excess expenditure ho, sawihona kan chhonzawm leh anga, mi panga in an sawi tawh a, kan hriat tawh ang khan 10 mins hun kan nei a. Tin, sawi turte kha in rawn phar deuh thuai loh pheii chuan wind-up tir thuai te pawh kan tum anga, tunah tunge han sawi leh dawn le.....Pu C. Ramhluna.

Pu C. RAMHLUNA : Pu Speaker, ka lawm e. Vawina first Supplementary Demand for grants 2010 – 2011 kan sawi thei tur hi lawmawm ka ti a, hemi a kan han tel pawh hi lawmawm ka ti a. Mizoram thatna tur thil sawitheia kan han awm te hi lawmawm hlein ka hria a ni.

A hmasa berin Pu Speaker, lawmthu han sawi ka duh a. Ka lawmthu han sawina tur chhan chu kawng hnih han sawi ka duh a. A hmasaberin sorkar hnathawkte aiawhin lawmthu han sawi ka duh a, kan ruling party pawh ka congratulate duh a, a chhan chu hei kan en chhin a, MR (Medical Reimbursement) hi pawisa an lo dah tam hle mai a ₹ 27.6 crore lai mai an lo dah a, ka han chhut danin Sorkar hnathawk hi Mizoramah hian sing nga vel an awmin ka hria a, chu chu Mizoram mipui atanga han chhut in 5 % vel emaw an niin ka hria a, mihring nuai sawm leh tih vel awm ta ah ngai ila. Hemi 5 % sorkar hnathawk ho khanin 5 % of the First Supplementary Demand for grant hi an chang tlat mai a, lawmawm ka ti khawp mai a. Harsatna nasa tak an tawh thin a. Chuvang chuan hetiang anga an hamthatna tur thil kan dahsak hi a lawmawm hlein ka hria a ni.

A dang leh ah chuan ruling party te kan congratulate duh a, NLUP hi vawi tam tak kan sawi tawh a, 2008 atangin kan sawi tawh a, 2008-ah te pawh khan cheng vaibelchhe za kan dah alawm tih kha han hre vuai vuai a, mahse a tak taka lo awm silo a. Tichuan 2009 – 2010 ah cheng vaibelchhe za chu kan han dah ngei a, mahse, chu pawh chu kan hmang zo thei talo kha ani a. Mipui lampang rilru a in buatsaih tha love tih te a ni a. Tichuan engemaw zat kha appropriate niin, mahse vanduaithlak takin sum lapse nan alo awm ta hlauh thung a, ₹ 448 lakh vela kha, nikum chhungah khanin kan han dah kha a ni a, appropriation ah khan. Tichuan, chu chu hmang zo turah ngai ta ni ilang, abak erawh kha chu tikhan hman loh khan a awm ta kha a ni

a, sum lapse-ah a chang ta vek niin ka hria a. Nimahsela, kuminah chuan he supplementary demand for grants ah hian vaibelchhe 234 lai mai alo lang ta hi a lawmawm hle in ka hria a, chumi pah chuan hei ka han chhut chhin a, Congress party in manifesto a an lo lantir, cheng nuai khat vel thleng inpek an intiam, pe thei tura an inruat ang khan family pakhat hi kuminah kan chhut chhin a, tunhma a programme a anlo ruahman ang deuh in kan chhut sak chhin a constituency tin ah hian family 600 vel han thlangin constituency 40 ah chuan family 24,000 han thlangin constituency sawmli ah chuan 24000 family awm tur vel ah chuan kan ngai ta a, cheng nuai khat vel hi an chang pha dawn tlatin ka hria a, chumi ngei chu pe se ka ti a, ka duhsak a. Chutianging an pe thei dawn ni a ka hriat avangin Mizoram mipuite tan pawh lawmthu kan sawi a ni. A chhan chu hmanni ka bialah ka va kal a, ka bial kalna kawngah chuan min lo hmu a thenkhat ten. Chumiah chuan Pu Ram, “rawn sawi teh” an ti a. Congress Party te kha an ni a. ‘Cheng nuai khat min pe phawt sela, cheng nuai khat min pek loh chuan engzat pawh min pe se kan la lovang’, tih te an awm a. ‘Party atanging kan chhuak vek ang’ ti te an awm a, an fiamthu deuh te pawh ani mai thei a. Chuvang chuan cheng nuai khat hi Mizoram mipui rilruah hian a lian tlat mai a, chuvang chuan cheng nuai khat sem thei dinhmuna kan Congress party, kan ruling party te an awm hi a lawmawm hlein ka hria a, chuvang chuan an hnenah hian lawmthu ka sawi a.

Tin, Pu Speaker, NLUP pawisa chungchang thuah hian sawi a tam thin khawp mai a. Entirnan, Zoram Times-ah te pawh hian NLUP Implementing Board Vice Chairman pawhin a sawinaah hian cheng vaibelchhe 466 kan nei ti ang te hian a lo lang a. Mahsela, hei vawiinah chuan a tak ram kan thleng ta a ni a, vaibelchhe 234.86 vel kan lo nei ta a, a lawmawm hlein ka hria a. Chumi kan sawi duh deuh chu engemaw chenah hian inhriatpawh lohna thil te hi a awm emaw ni chu aw ka ti a, a figure chungchang thuah hian. Hetiang ang a a figure diklo te sawichhuah a awm fo thin hi chanchinbuah te a lang si a, hei hi pawika ti a, chu chu awm tawh lo sela a tha in ka hria a ni.

Tin, Pu Speaker, ka han sawi leh duh chu sum lapse chungchang thu kha a ni a. Kha kha hei 2010–2011 budget March thla a kan sawi ah khan pawika ti tlang hle a. April ni 20 khan Assembly Secretariat atang hian engzat chiah nge sum lapse tur kha an rawn circulate a. Plan fund-ah khan vaibelchhe 53,05,72,210 tih kha a ni a department 21 atang khan. Non-Plan Fund kha ₹ 32,020,722 alo awm a. Tin, Centrally Sponsored Scheme ah khan ₹ 14,25,97,632 a lapse kha a ni a. A vaiin ₹ 70,0519,864 a lapse kha a ni a, hemi chungchang thuah hian kan House Leader pawh khan April ni 5 a kan session-ah khan pawika tih thu kha a sawi a. Nimahsela, beiseina sang tak tah khan min la pe tho a ni. Min pek dan chu mithiam ho te pawh kan rawn a, kan mithiam ho ten, ‘hei hi kan sum tho tho a ni a, kan contingency fund ah kan thun a, kum leh ah chuan kan hmang leh thei tho ang’, ti khan a sawi a. Amaha a sawi chiah kha a ni lova, mithiamte rawna a sawi kha a ni reng a. Mithiam te han tih hi tute nge niang aw tiin ka ngaihtuah a, a hnu ah khan Member Secretary, Mizoram State Planning Board te pawh khan thu a rawn sawi a. Accountant General te pawh khan thu a rawn sawi a. Contingency Fund of the State Government of Mizoram ah a lut tawh tho tho a, chuvang chuan kan hmang thei ang tih kha a ni a, Mizoram mipui min hriattir a ni, hei hi. Chuvang chuan kan lawmpui khawp a, “E, anih tak chu. Kan hmang leh thei dawn anih chuan a va lawmawm dawn ve”, kan ti tlang theuh kha a ni reng a. Nimahsela, vawiina kan hmuh tak a chu Pu Speaker, hei revalidate hi ₹ 12.91 crores chauh a lo ni ta a. A tak tak ramah phei chuan hei kan chhut chhuak

chhina, ₹ 80,600,000 crores vel chauh hi vawiin hian revalidate ni thein a lang ta a. Chumi awmzia chu Plan Fund ringawt atang pawh khan ₹ 40 crores aia tam kha vawiinah hian a lapse niin ka hria a, a pawl hle in ka hria a, hei hi. Engpawh nise, Pu Speaker, engemawzat chu kan la let thei a a lawmawm hle in ka hria a. Helaia hi Mizoram mipuite hian hriat kan chak ber a kha a ni reng fo a. Tunah hian kan mithiam tena hetiang anga an sawi si, tianga a lo awm tak si tih hi a theih chen chenah chuan Mizoram mipuite hi min hriattir leh ta ang nise. Cheng vaibelchhe riat leh nuai sawmruk emaw vibelchhe sawm leh pahnih leh nuai sawmkua leh pakhat a ni emaw lai tak a hi min hriattir se la a tha in ka hria a ni. A chhan chu ka han chhut chhin a hemi First Supplementary Demand for Grants atanga revalidate tur kha kan lo chhut ve a, kan thiam ang chen chen in, kha kha kan hmuh chhuah kha a ni a. Hemi figure hi a in tally tlat lo mai a. Hemi a kan House Leader sawi leh hemi a lo lang a kha a in tally thei tlat lo mai a. Khalai tak mai a kha min hriattir thei se a tha in ka hria a.

Tin, chu bakah chuan hriat chakawm deuh mai pakhat chu, engtingge kha sum lapse tawh si Plan Fund ah khan an lo lak luh leh theih? An revalidate tir leh theih dan a kha, a procedure te pawh kha hriat a chakawm viau a. Tin, chu bakah a lapse awm a kha hmuh leh theih dan kawng te ala awm dawn em? kumin chhungah ngeih hian hmuh leh theih te ala ni ang em? tih lai taka te pawh kha Pu Speaker, kan mithiam ten min hriattir leh ta ang nisela. Contingency Fund a awm tawh anih chuan lak let leh theih ni si, vawiinni thleng a kan lak let leh theih si loh te hi engnge ni a chhan ni a, engemaw ti a dap theih dan te hi ala awm lawm ni? tih te pawh kha Pu Speaker, ngaihtuahin, kha kha ka han Demand deuhhleak a ni.

Tin, Pu Speaker, thil pakhat ka'n sawi leh deuh chu mipuite tan hian thil lawmawm tak hi a awm na nge aw! ka ti a. Tunlai mipuiin a kan mamawh ber chu buhfai harsa tih te, gas harsa tih te, oil harsa tih te, sugar harsa tih te hi a ni a. Kan Supplementary Demands for Grants ah hian a solve na tur kha a awm tlat lo. Provision pakhatmah a awm lo va. Medical reimbursement atan chuan nuai za leh sawmthum vel, Food & Civil Supplies Department a awm lai si khan mipuite tana buhfai leina tur hi khawiah nge a awm tak vawiinah hian.? June thla velah kha chuan kan Minister zahawm tak hianin a room a ka va kal in, “kar khata 3 Kg in sem thei ang”, a ti a. Vawikhat chu an sem ngei a, mahse tunah chuan 2 Kg te a ni ta a, 1 Kg te pawh vawiinniah chuan a ni ta niin ka hria a. Thingtlangah chuan buhfai a vang lutuka harsatna tam tak an tawh a, kan bial mipuite phei chu vawiinni thleng hian, “buhfai kan nei lo”, an ti fur mai si a. Buhfai leina tur pawisa hi he Demand for Grants-ah hian a lang lo tlat, churang chuan mipuite tana hlawkna tur thil hi vawiah kan Demands sawi ah hian a awmna nge aw! tih ka ngaihtuah a.

Chutiang zel chuan Health Care Scheme chungchang te pawh kan sawi chhonzawm ta ilangin, a ni hi kan sawn kan sawn a, vawiinni thlengin. “1st September ah kan tan thei ang”, tih lai khan vawiinah pawh an la hmang thei lo ta fo si a, churang chuan Pu Speaker, helai mipuite harsatna sutkianna tur thil hi kan sorkar hianin nasa taka tan la a, hma a lak hi a tul tak zet zet niin ka hria a. Churangin theihpatawp chhuah a mipuite aiawh kan nihna ah hian vawiinniah hian khalai kha han sawichhuah ve hrim hrim kha a tulin ka hria a ni.

Tin, Pu Speaker, kan sawi leh duh chu niminah pawh zawhnaah khan ka sawi tawh a, ka zawt tawh a. Kan Fisheries Department changtu Minister khan tha takin

min chhang a, a lawmawm pawh ka ti a. Mahse, Fisheries Department ah hian engemaw eirukna thil in zepru lianpui a awm a ni tih hi min hriatpui se a tha in ka hria a ni. Fish Seeds Supply chungchang thuah hian District Council Area te pawh pawisa tam tak an nei a, hmanna ka va kalna ah pawh Fish Seeds an rawn supply hi oxygen pack in 500 Fish Seeds ni tur hi, an han chhiar a 280 te 300 te alo ni a. Tin, fingerling ni tur kha fry stage chauh, chu chu spawning (an keu) 25 days ah chauh khan fry stage kha a ni thei a, tin, chumi atanga ni 25 ah khan fingerling kha a awm thei a, fingerling supply tur an nih lai khan, fry stage in an supply a, chu pawh chu a tlem leh nghal te alo ni a, chuangin khawngaihtakin Pu Speaker, hemi hi kan Minister zahawm tak pawhin min hriatpui sela a tha in ka hria a. Zofish Seed Production Centre, Champhai leh State Planning Board tih te ho hian link lian tak neiin thil an ti a ni tih hi hriatpui sela. Hei hi tih tawp vat anih loh chuan mipui ten vawiin thlang hian fish seed supply chungchangah harsatna an nei a, an sawi ngam si lo tih hi House hian min hriatpui sela tha in ka hria. Director tha tak an nei a, nimahsela, hei hi enpui a tha in ka hria, tha lutuk pawh hi mipui ten kan tuar ang tih a hlauhawm khawp mai. A tha lo deuh pawh hi a tha zawk maithei ania, hemi chungchangah pawh hian.

Horticulture Director te pawh kum nga an tlin hma in an condone a Director ah an dah chho mai a. Tin, Soil & Water Conservation-ah te pawh kum khata kum nga thling lo kha Director puiah an dah thei thova. Engvangin nge vawiinniah hian Fisheries Department anih avanga kum khat a kum nga tling lo kha Director puitlingah an dah theih loh bik ang, kan duh a nih chuan a Minister Concern a hi DP & AR Minister a ni baw k a, a dah theih mai lawm ni? tih kha ka han ngenin, ka'n chah duh a ni e. Ka lawm e.

SPEAKER : A sawitu kha a khat deuh baw k a hun ka lo pe tam khawp mai. Tunge sawi leh dawn le. Pu T.T Zothansanga.

Pu T.T. ZOTHANSANGA : Pu Speaker, ka lawm e. Supplementary Demands for Grant (a kawm anga mi kha) ngun deuhin ka'n en a, phok li-na ah te khanin, kum kalta daih sorkar hmasa in a lo bat tawh te chungchang a ni a. Double booking kan han tih te, wrong booking kan han tih te, mis-booking kan han tih te hi a tam riau mai a. Kan official hotute hi an tan a ngai hle in ka hria.

Accountant General ah pawisa kan theh thlak, chinfel loh theih loh, helaia rawn vawm let leh, PAC in a buaipui vel chungchang kha a ni a, ka rilru a thil awmah chuan tunhma kan official Shillong-ah an zuk kal hianin bazaar paha zuk kal deuha sawi kha a awm thin a. Khulai (Shillong a) zuk reconcile theih ngeia hi chu a lo pawimawh viau anih hi tih ka rilruah a rawn lut a. Nichinah khan Pu Duhoma, opposition member zahawm tak khan a rawn sawi zauh tawh a. Engtingge kan reduce theih ang? kha kha ngaihuahna tha tak niin ka hria. An reconcile theih loh avanga A/G ina a buaipui tak, PAC ina kan zui fo hi rilruah lo dah se a tha awm e. A/G a a kal hmian Treasury te nen helaiah sawifel ho sela, mumal takin intir sela, hetiang hi a awm lo tura a lan laiin nuai 2377 lai mai mis-booking, wrong booking, double booking ah a awm kha a pawiin ka hria a. Kha kha ka'n sawi hmasa duh a ni.

Tin, kan First Supplementary Demand kan han tih a hi han thlirin nichina an sawi ang khanin kan lo hrisel lo khawp mai a, Mizote hi. Mipui chan chu a ni tho naa, tlemin han sawi ka duh a. Medical reimbursement hi a tlar nasa khawp mai. Home-ah nuai 455, School Education-ah nuai 425, Higher Education-ah nuai 250, Public Works Department-ah nuai 200, Health & Family Welfare-ah nuai 190, Power & Electricity-ah nuai 115, SAD-ah nuai 103, GAD-ah nuai 89, Finance-ah 67, Agriculture & Transport-ah nuai 50 ve ve. Mizote hi hnam hrisello tak mai kan ni; zuk leh hmuam te hian, a khu in min tibuai kan ti thin a. Amaherawhchu, tunlai khawvelah chuan hriselna lam hawi zawnga miin an en tawh avang hian kan inthiarfihlim thiam pawh hi a tha hle in ka hria. Medical reimbursement ah ringawt pawh hianin Department sawm in nuai 50 vel kan Demand a ni a. Medical reimbursement atana kan hman zawng zawngte hi cheng nuai 2761 zet mai kha a ni a. Department 44 in an rawn theh lut a. Rural Development leh PAD erawh chu a tello tih kan hria a. Tin, ngun deuhva han en hianin Pay Commission in salary an tihsan avang te leh thil dang dang avangin mipui leh sorkar hnathawk hovin an chan nuai 652.39 zet kha a awm a, a lawmawm hle in ka hria.

Tin, a lawmawm berah chuan vawiinni hi “vanlam tih dan a ni” tih ang deuhin mirethei te tana kan pu te leh kan hotuten thahnemngai taka an lo tlangaupui thin kha a takin kan han thleng ta chu a ni a. Hebrai bung 12-in a sawi ang deuh khan, thlirtu te hian min lo thlir sela chuan kan thu hi mawi min ti awm mange aw ka ti a ni. Miretheite budget tak tak mai kan han sawiho chu a ni a. India ramah hian mirethei kan tam a. Kan Prime Minister pawhin a ngaimawh a. Chawikanna turin ruahmanna hrang hrang point 15 te an han ti a. India ram dung leh vangah an tlankualpui mek laiin hetah Mizoramah hian kan hotupa Pu Lal Thanhawla hovin rahbi then tawh laklawh te leh lei rem rap thei tawh lo tena dinhmun tha an lo chan ve theihna turin remchang hi tum khat na na na hi chu siam sak an tul a ni tiin. Congress Party chuanin flagship programme-ah kan han ruahman kha a ni a. Tunah hian a takin a lo langa. Zawlneite'n an lo sawi fo tawh thin angin, a takin kan zingah alo awm ta a ni.

Vawiinniah hianin NLUP-ah kan en kan en in, kan chhut kan chhut a, a break-up tlemte han sawi tel ka duh a. Sericulture-ah nuai 500, Industries-ah nuai 600, E & F-ah nuai 2780, Fisheries-ah nuai 300, AH & Vety-ah hian nuai 1010, Soil & Water Conservation-ah nuai 1416, Horticulture-ah nuai 9114.20. A ropui ka ti khawp mai. Hei hi mirethei lam hawi Programme a ni a. Tunah hianin Zoram mipui tam tak tena dingdihlip a an lo thlir tawh kha a takin vawiinniah hian helai hmunah hian kan han khel ho a ni.

Vawiinah hian kan rorelna hmunin a zirlo nge ni kan ngui nghiai hian ka hria a, a tak takah chuan kan rorel hi a ropui ani. Kan hotute vawiinah hian fak ka duh a, a ropui ka ti a. Kan Chief Minister zahawm takin a lo ruahman leh a lo dream a lo tinzawn ang tak tak khan a ruahman ang taka a goal a khalh lut tak tak turin mipawimawh tak tak an awm a. Hei, kan MLA zahawm tak, Pu R. Selthuama kaihhruaina hnuai ah Apex Board te an din a, kan Chief Minister in khulama a lo bawhzui theih mai tura ruahman thei tu. Tin, kan Planning Secretary Pu P.L Thanga te Pu Laskara te leh Pu Zara, Joint Director tena DPR Central in an pawm mai theih tura nalh taka an lo siam hi a ropui ka ti a ni.

Chawhma khan Health & Family Welfare ah khan kan ngaithla a. Aizawl Hospital DPR ten consultant an rawih ah khan nuai 96 a ni a. Champhai Hospital-ah nuai 81 a ni a, hetiang expenditure hranpa tih ngai lova keimahni sorkar hnuai thawk NLUP Board a kan hotutena felfai taka hetiang an rawn ti hi anmahni chungah pawh hian a lawmawm khawpin ka hria.

Tin, “Prime Minister Package-ah tel turin kan beisei a”, ti ang deuh khan Pu Lalthansanga opposition lam hotu khan a rawn sawi a. Hetiang budget a a luh hian nakumah budget kan siam leh anga, hei hian budget a tising hi a tha ve hrim hrim a. A chhan chu budget kan siam leh ang a, nikumah engzatnge ang budget tih kha an teh dawn a ni. Tatang khan a rawn zuang dawrh ve thei a ni. Tin, session zawhah an sem nghal mai thei turah kan ngai tih te kha chu hei Municipal Election a awm dawn a, a hrechiang ber te zing ami a ni turah ka ngai a. Kan Budget hi a tlangpui thu in a lawmawm ka ti a ni.

Tin, ka sawi tel duh hram chu Pu Speaker, hei Assembly kan nei thin a. Kan official te hi an zahawm ang reng khawp mai. Zawhna leh chhanna kan nei zo a, an chhuak deuh dual zel mai a. Hei hi tih loh tur a ni tihna ni lovin, kan pu ten enge an sawi a, enge kan lo bawhzui tur tih hi an ngaihtlak tur leh an mit lenna ber tur niin ka ngai a ni. Prime Minister Manmohan Singh khu ramdangah te an thlawk a, a lo hawng a, camera man ten an lo chhah vel a, thil an han zawt a. “Chutiang khatiang a ni ang”, a tih a ruahmanna a siam hi a hranpa in office ah hetiang hian ti rawh u tih leh a ngailo reng reng hetah thiam takin official hote khan Pu berin a a sawi tawh kha chuan lo bawhzui chat chat mai a, tikhan a thusawi inmil tur khan an lo insiam deuh sang sang a ni. Tin, keimahni dinhmunah hi chuan hetah kan House-ah Minister zahawm tak tak ten thil hi an rawn sawi thin a. Hetia an han sawi hian helaiyah kan official te pawh an thu thin a, an ni khan an lo note anga, an lo chhinchhiah anga, a bawhzui tura kha arang thei ang berin an lo bawhzui ve turah ka ngai a. Assembly Proceeding a rawn chhuah hun an nghak turah pawh kan ngai lo a ni, anihna takah chuan. Hei, Assurance-ah kan hotute duhsakna in kan awm ve a. Assurance kan han tih dawn hianin Department tam tak chuan an pu ten ani assurance kha an hre tlat lo mai a ni. An pu ten an “tih tur” an tih te leh “khatiang” an tih te kan lo en ang tih ah te hian Department thenkhat hi an muthlu deuh tlat in ka hre tlat ani. Helaiyah hian kan official zahawm tak tak te pawh hianin mawhphurhna kha lo hrechiang nawn leh se a tha in ka hria. Helaiyah zawhna leh chhanna chauh hi a pawimawh ber lova, pu tena helaiya an rawn sawi chhuah, kan ram thatna tur leh kan ramin ke a pen zelna tur atan a tha tur, opposition lama kan hotuten an rawn ngaih ang thin kha, khatiangah te khan a hotute an lo pui vat tur a ni a. Pu tha nitur chuan mahni pawh kan fit ve a ngai ani tih kha vawinah hian ka’n sawi duh a ni. Tunah hian hotute duhsakna bawkin PAC-ah te pawh kan awm a. Assembly-in ava hriattir pawh hianin hrelu lutuk leh blind lutuk mai hi an awm deuh fo mai a, khalai te kha a pawimawh a ni.

Tin, chutih rualin ka’n sawi tel duh a chu Assembly hi kumkhatah vawihnih te kan thu thin a, chumi kar laka hna thawh tur tam tak a awm thin avangin, Assembly ah hian Committee hrang hrang a awm thin a. Chung Committee te chu Assembly ang tho anih avang chuan Department hotute pawh hianin Assembly-in a heta kan thu tluk ang thova lo ngaih pawimawh tur ani tih kha, kan hriat a pawimawh khawp mai. Tichuan, a tlangpui thu in kan Grant a hi a tha vek ka ti a, lawmawm ka ti a, pass pui mai kha kei chuan ka rawn rawt e. Ka lawm e.

S P E A K E R : Tunge sawi leh dawn? Kan wind-up tir tawh mai dawn mi? Aw, Pu R. Selthuama.

Pu R. SELTHUAMA : Pu Speaker, ka lawm e. Hei vawiina supplementary Demand kan sawi hi a lawmawm hle in ka hria. Sawina hun tha tak kan pu te ruahmanna zarah kan nei thei a.

A hmasa a ka han sawi duh chu, nichina an rawn sawi tawh ang khan hun kalta kum 2004 - 2008 inkara pawisa hman chuan ho chungchangah khan, official te tlema fimkhur tawh loh deuhva a awm kha a paw ka ti a. Double booking tihte wrong booking tih te kha a awm deuh nual a, khatiang kha tun hunah chuan awm tawh lo se a lawmawm hle ang ; kan official te lo fimkhur tawh deuh sela a tihzia awm mange tih hi kan sawichhuak hmasa duh a ni.

Tichuan, a dawt leh ah chuan hei Supplementary Demand kan han sawi hian, a bik deuh takin NLUP chungchang hi a tam ber chu a ni deuh mai a. Hemi avang hian a hminga NLUP Implementing Board-ah Chairman hotute duhsakna zarah ka awm a. Chuvang chuan hei hi kan hotute hnenah pawh hetiang zat pawisa tam Plan-a an han dah hi a lawmawm ka ti a. Lawmthu ka'n daw duh bawk a ni. Hmana Congress a sorkar hmasak khan sorkar hnathawkin ka la awm a, chuan NLUP kum sawm lai tih kal a ni tawh a. Chumi ah chuan a zat chiah ka hre lo na a, a total-a pawisa hman kha crore 155-160 inkar vel a ni. Kum sawm chhunga hman a kha. Mahse, tunah chuan, kum khat Annual Plan-ah ringawt pawh hian crore 234.82 a awm ta a. Kum sawm a kan hman aia tam a awm tihna a ni a. Tin, chu mai chu nilovin heta a lan danah hian CSS atang te a pawhpen a lo nih chuan crore 466 vel awm tur a lo ni ta a. A total a chutiang a awm thei dawn a nih phei chuan a vai chuan kum sawm chhunga kan hman let thum kum khat chhungin a awm thei dawn tihna a ni. Chuvang chuan hetiang ngaihtuahna tha tak mai kan hotuten an han seng a, an han ti hi a lawmawm ka ti a.

Tin, abik takin thingtlanga mipui, mi harsa te chuanin an nghakhlal em em mai a, hei hi, 'a hun lo thleng tur chu ka nghakhlal hle', tih pawh kha lo sa fo mahse a awm a ni. Chu chu tunah hian, vawiinniah hian alo thleng tan ta hi a lawmawm in ka hria a. Chutih rual erawh chuan, kan han ngaihtlak tawhah khan kan member zahawm tak tak te khan, 'cheng nuai khat a sem nghal tur, an sem loh chuan', tih ang te kha, he House zahawm takah hian an la rawn sawi chhuak te kha a paw ka ti. Sorkar hnathawk thin chuanin kan hria anga, heng ang sum sem ang chi, tanpuina kal reng reng a hi Plan fel taka siam ani a, Project fel taka siam, a Project kalhmang anga sem tur a ni. Tin, chubakah chuan India sorkar meuh pawh hianin Mizoram sorkar hnena pawisa a rawn pek te pawh 1st Installment, 2nd Installment tiin installment khat ten a rawn sem a, an thawhthat dana zir te in a rawn pe leh thei ani a. Chuvang chuan thenawm te pawisa ka va dil a. Min lo pe ngawt anga cheng nuai khat sem ngawt ang tur kha ani lo a ni tih hi heta House a kan member zahawm tak tak te hi chuan kan mipuite hmaah pawh hian sawi ila a tha in ka hria a, kan ngen nghal duh bawk a ni. Anih loh chuan vawikhat a nuai tel a sem ang tur a ni lo, tunhma a NLUP tih hmasakah pawh khan Project an siama kha project ah khan kumkhat chhunga pek tur, kumhniha a pek tur tiha fel taka siam ani a, chumi ang tho chuan tunah pawh hian a project a hi siam ani a. Tin, chu project-a pawh chu

mithiam ho ten Central atanga mithiam lokal tenen kar kalta ah khan hetah an sawiho a, tichuan, chumi ah chuan an thutlukna pangngai a kha khatia an han sawikhawm a, tha an tih a, an thutlukna ang kha Planning Commission ah an thehltut leh dawn a, tichuan Planning Commission in a pawm hnuah khan Finance-ah hemi a pawisa release tur a pawh hi Finance ngaihtuah turin an thehltut phei dawn a, chumi avang chuan naktukah hian Pu Laskar-a leh Pu Nunzira te, khami bawhzui tur khan Delhi ah an kal dawn nghe nghe a ni. Chuvang chuan khami, a project kha an han approved chuan sum release pawh kha a awm thei main a rinawm a, rei kan nghah pawh ka ring tawh lo.

Tin, chutihlai karah chuan nichinah kan Minister zahawm tak khan a sawi chhuak tawh a. “Central atangin khawiah nge sanction order tih ang te khatiang kha min zawt a, khatiang kha tih awm chi a nilova”, tih te kha a sawi a. Hei kan hotutena NLUP project an zuk thehltut a hi cabinet committee-in a pawma kha chu 15th July kha ani a. Mahse, chumi hma chuanin tuna kan pawisa neih tur sa hi chu kan Chief Minister zahawm tak leh Planning Commission-a Deputy Chairman ten March ni 22-ah khan an sawi tawh a. Tuna kan pawisa neih tur 234.82 crore hi chu kha khan min pe daih tawh a ni. Hei hi lehkha chu a ni a. Mahse, hei hi khawng sanction-na order chu ti ta sela, sanction order a ni lo, an minute mai a ni. Chuvang chuan sanction order awm lo mahse tah hian a chiang a, Plan-ah a awm a ni. Chuvang chuan a ni lo zawnga sawi kawi hrim hrim kan duh thin hi Mizote zia a nih chuan a paw ka ti a. Thil hi chu a dik tak a lo lang mai dawn a. Tunah pawh, ‘NLUP-ah sum a awm lo, in tih derna a ni’, thenkhatin an han ti thin a. Mahse, vawiinniah chuan hei supplementary Demand-ah pawh hian crore 234.82 chu a awm a ni tih hi alang reng tawh a. Chuvang chuan khatiang mipui inbumna ang mai maia kha tunhnuah hi chuanin tu party mah hianin tih tawh loh nise a va tha awm em! khatiang zawng kha ni lovin thudik tak hi sawi thin ni ta sela a va lawmawm awm em, tih hi ka’n sawi tel duh a ni a.

Tin, chutihrual chuan he NLUP hi a pawimawh a, mirethei leh miharsate dawm chhuahna tur anih miau avangin a pawimawh a ni. Amaherawhchu, engtingge kan hlawhtlin theih ang kan tih chuan helaia a hming mipui thlan MLA awm te pawh hianin a hlawhtlin theihna tur zawnga kan tan tlan a pawimawh a ni. Engvangin nge chu chu a pawimawh kan tih chuan keimahni mimal hi a dawngtu ni lo mah ila kan mi leh sa, mi harsa tak tak te khan an dawng dawn a, chung ho chuan an tih hlawhtlin chuan anmahni tan a ni. Chuvang chuan eng party mi pawh nisela Congress Party ani emaw, MNF an ni emaw, ZNP an ni emaw, a dawng tu chuan a tih hlawhtlin phawt chuan ama tan a ni. Congress tan a nilo, ama mimal tan zawk tih hi kan hriat a tha a. NLUP hmasa pawh khan a hlawhtlin tawh lohna pakhat ve chu, khatih hunlaia party pakhat a awm thin, mahse congress party a awm ve chuan, ‘chumi khuaah phei chuan hengte chu Congress Party hmalakna mai a ni a MNF te chuan tih hlawhtlin tum lo mah ula a paw lo, tih hlawhtlin tum suh u ka ti a ka thu an awih khawp mai a’, a ti. Mahse, khatiang tur khan kan inzirtirna tur ani lo tih ka hria a. Chuvang chuan ka member puite hi vawiinniah hain ka’n ngen duh a chu he NLUP a hi ti hlawhtling ila, tute pawhin ti hlawhtling ila keimahni tan a ni a, Mizoram mipuite tan a ni. Kan tih hlawhtlin that phawt chuan a rah hi kan vaia kan seng tur a ni. A lawm tura chu keimahni pawh kan ni.

A dik tak chuan tunah hian kan Politic-ah hian tute pawh inchirh thehna tam tak a awm a. Chungzingah chuan, ‘Candidate ten pawisa-in mi an lei thei a’, tih te

pawh hi in chirh thehna a ni. Engvangin nge khang kha an neih theih kan tih chuan mite kan harsat vang a ni. Tunah hian mihausa tak te nilo mah ila, kum tina nuaili nuaininga emaw, nuaisawm te, cheng sing hnih khat min pek kha engahmah kan ngai dawn lo a ni. Chuvang chuan he NLUP hmanga kan Mizo mipui harsa te hi dawm kan chhoh a an awm a, cheng singhnih khat emaw cheng sangli sangnga mai it lova an awm theih phawt chuan kan politic kalphung pawh hi tun ai pawh hian a fel thei dawn a. Chuvang chuan hei hi Mizoram tan a ni a. Chumi bakah chuan Kristian vek kan ni a, Kristian ram kan ni a chumi atan pheih chuan kan lo tihhlawhtlin a, entirnan, Lungdar 'E' vel a kan han kal a an lo sawi dan chuan, kum khata serthlum thlan avanga nuai hnih lei tih ang hi an awm ta a. Nuai hnih lei khan sawm a pakhat kha lo pe ta se, Pathian ramah cheng singhnih a ni dawn. Chuti anih chuan NLUP hi kan tih hlawhtlin chuan Pathian ramah pawh hian a lut tam dawn a. Chuvang chuan Kristiante tan chuan hei hi sawi hnawm chi a ni lova. Tihlawhtling ngei ngei tura infuih hi kan bat tlat a ni tih hi kan sawi duh a. Chuvang chuan hei kan hotu zahawm tak tak, abik takin kan Chief Minister zahawm takin, Central-ah pawh nasa takin a zuk nawr a. Prime Minister hnenah te, Planning Commission-ah te, khatiang anga theih tawp chhuaha a zuk nawr avang hian tuna kan sum ang te pawh hi kan hmu thei a ni a.

Tin, nikum 2009 – 2010 ah khan NLUP atan 10 crore dah a ni a. Mahse, hman a ni ta lova, kha kha a pawl lem lohna chu kuminah hian 234.82 crore lai kan nei a. Tichuan, kan hotuten an han ruahman chhin danah chuan chhungkua 45439, kumin atan tanpui nise tiin a ruahman a. Nikum a chhungkua 24000 vel tanpui kan tum let tho kha tanpui tur anih avangin a tlai deuh pawh hi a pawl lo, a tha tho a ni tih hi ka'n sawi duh a ni e. Ka lawm e, Pu Speaker.

Pu P.P THAWLA : Pu Speaker, ka lawm e. Government Assurance Committee Member ka nihna anga ka han sawilan hmasak ber duh chu House-a MLA zahawm tak tak tena zawhna an siam leh ngenna an siam ngai pawimawh a, a changtu Minister tena Assurance an pek hi Assembly Secretariat lamin a an umzui hma pawhin a changtu Department lam khan pu te thu tiam kha a rang lama lo umzui a lo tihfel thin kha thil lawmawm tak thil tha tak a ni ang. Chu chu Department tin hotu ten min lo hriat sak atan ka han tarlang duh hmasa a ni.

Pu Speaker, kan House Leader zahawm takin a Supplementary Demands for Grant 2010 – 2011 a rawn put luh hi a lawmawm ka ti hle a. Chumi rualin Demand No. 27- District Council lamah engnge tel ve tih ka han en velin Saiha-ah Chhimtuipui District ni thinah khanin R.A Lorrain Market Centre ₹ 150 lakh a sak tur a langa lawmawm ka ti khawp a. Hetih rual hian a contractor tur hi tunge niang aw tih hi kan hre sa miah lova. Hetianga sum leh pai tam tham contract hna hi a ram leilung fa a contractor thawh ve theih tho tur te hnathawk tha mite thlanhhuah theih ngei nisela a va duhawm dawn em tih kha ka han tarlang duh a ni.

Demand No. 24-na Hospital chungchangah tukin zingah khan kan Minister zahawm takin engngemaw a sawilang tawh a, tih ka zawhna a thleng chiah loh nen helaiha hian sawi duh ka nei a. Kan Saiha District Hospital hi sakna a rei tawh hle a, a la that lai khanin tuna Saiha bialtu zahawm tak hi Health Minister ani a, a building ngai kha sak that a la hun loh avangin cabin building tur leh building dang

te sak belh ani a. Tunah hian kum tam tak a kal tawh a, tlangpanga ding chu a hmelte pawh a lo hmelhem thin a chuvangin tukina kan Minister zahawm tak in Crore 34 vel ruahman ani tih an tarlan te khan min ti lawm lehzuah a. Term kalta ah te pawh khan DoNOR-ah crore 16 vel retain ani a, DPR pawh thehluh tawh ani a tih te kan ngaithla thin a, amaherawhchu DoNOR vela scheme awm hi a thlema thlem chhuah ngaite pawh ani awm a. Thlem chhuak theitur awm ziazang kan ni bawk si lova, a liam leh thin a. Tun tuma sorkar chak tak kal a ruahmanna fel tak lo tang kha a lawmawm ka ti a. Saiha bialtu Minister zahawm tak pawh Cabinet Minister hial te anih avangin he Scheme sawi rik tak hi tun term ral hma ngei a tan hman thei tura chak taka hmalak ni hram se tih ka beiseina leh ngenna hi House zahawm takah hian ka han sawi duh ani, Pu Speaker.

A dawt leh a ka'n sawi duh chu Demand No. 45-naah hian sawi duh ka nei leh a PWD Minister changtu zahawm tak ina min ngaihthlak sak atan. Keini hi District kil bera awm thin kha kan ni a, harsatna tam tak tunlai ami ten an tawh loh ang hi kan tawk ve zeuh zeuh a. Ka lo chhinchhiah ve mai danah chuan Department head te hi taima deuh te, taima lo deuh te pawh an awm bawk a. Tin, a ram leilung fa leh leilung fa nilo Department Head a an lo awm leh awm loh hi danglamna a awm ve thin bawk a, tunah tak hian Saiha E.E-hi khi Saiha lam mi a lo ni a, thahnem a ngai hle a, reilote ah kan town-road te pawh hmel thar te a lo lang zung zunga chuvang chuan PWD lamah hian sum tam zawk hi District kil lamah hian min dahsak kan mamawh hle a ni tih hi ka sawi lang duh a. District-a Department Head fel deuh te hi an awm reilo thei riau mai a, a fel lo deuh te hi an awm rei em em thin te pawh hian kan han hre leh thin a chutiang kawngah chuan thu neituten rualkhai a thil min ruahman sak thin te pawh a tul hle in ka hria.

Hei, Kawlchaw leihlawn hi kan ram buaina pakhat ani a, Kawlchaw kan va kai chiah a, khawthlang lam, potential area lampang pen thlakna, Kawlchaw luiah sawn leihlawn tha kan neilo hi khawthlang ho tan chuan a problem em em a, buhfai leh thildang phurhthlakna turah leihlawn tha kan neih loh avangin furpui in min dang rei em em e, hemi leihlawn hi eng pawh nisela a rang lama siamthat ni thei se tih ka han ngen duh bawk a. Chutiang bawk in khawthlang lamah kawngpui tha kan neih loh avangin a ram sawn hma kan sawn tur angin kan sawn thei lo fo mai a. 2004-a kawngpui tha kan neih theih nan ti a House a kan pass tak hial te pawh kha tunah hian BRTF te an che tan tih te kan hria a, ka'n zawh thin pawhin an speed erawh chu a chak vak lo a ni. Chuvang chuan kan House Leader zahawm takin BRTF lama thu neitute hnenah pawh chak zawk a hma min lak sak turin ka han ngen ve leh duh a ni. Tin, Demand No. 47-naah hian sawi duh ka nei leh a hei, Agriculture, Minor Irrigation te changtu Minister zahawm tak hian tun kum Budget Session zawh khan ka bial lam khaw chanve chu a fang chhuak hman der a, a lawmawm ka ti a, an bul a House a thil sawi te a changtu in an mitthla a, a cham tawh hnu a kan sawi rik hi a phurawm lehzuah. Hei, Minor Irrigation-ah major works atan ₹ 455 lakh vel lai alo lang a. Hei hianin nasa takin District kil lamah te pawh a thleng pha ang tih beiseina sang tak ka nei a, lawmawm ka ti a. Chutih rual chuan, Phura khua, khawthlang bial lama plain area headquarter ber, Phura, thlen dawn chiah ah sawn Vathlo lui hi a awm a. Thal ah chuan a kang mai emaw kan tih kha fur ah hian chuanin alo lian leh thur a, mi leilet hmun tha tha te a duh duh kha hawrh chhiatsakin tam tak a tichhia a. Helai hi, District Council sumin a tih theih rual a nilo. Mizoram sorkar sum nena, centrally sponsor atang emaw a, tha taka tuihawk luankawr furtui ang pawh lo lian ta se a hawrh chhiat tawh loh tur a, han dan fel hi ni thei hram sela, a ram neitute tan

pawh a thlamuan thlak ang a. Khawpui va luhna tur a leihlawn siam chungchangah pawh nasa takin a fel ang tih beiseina lian tak a awm a. Chu chu kan hotuten min lo hriatsak atan ka'n sawilang duh bawk a ni.

A dawt leh a ka'n sawirik duh chu Pu Speaker, Higher Technical Education lampanga kan changtu Minister zahawm tak te leh Department hotute hmalakna avanga tunkuma technical exam entrance exam-na selection siam chungchanga vawi engemaw zat lai siamthat alo awm ta kha a lehlamah chuan a zahthlakna chin awm bawk mahse, kan ram hotuten a thil tha leh thil fair duh avanga hetiang khawpa thil an ti an ti kha thil lawmawm tak niin ka hria a. A lehlamah chuan tu tu emaw in vanduaiana an lo tawh phah ta anih pawhin kan lawmpuina lam chu ani hauhlo, pawh kan tihpui rualin thil tha duhna avangin nidang zelah pawh kha khan thil tha a hrinchhuah beiseina ka nei a. Khatih rual khan, a tawp a tawpah chuan Tv. T.T Lahmo kha I-na ah alo lang ta hial maia, a lawmawm ka ti hle a. Tin, chutih ruala hemi department-in scholarship lamah hian tuna kan hman mek kha chiang taka sawirik la awm lo mahselangin, tun aia kan tih san deuh hi a tul tawh lawm ni? Hei tunlaih chuan a quality lamah nasa takin kan thangtharte an in el tawh bawk a. An zirna man te pawh ni a to duh viau mai a. Mithiam, mi chhuanawm leh kan ram tana chen fakawm ni tur chuan a hek pawh a hek thin a ni. Kan sorkar hian heng ho tan hian scholarship pawh tuna kan dinhmun aia tha zawk daih hian siam sak thei sela, thil lawmawm tak ani ang.

2009-2010 a plan sum sem chungchang ah leh member zahawm tak Pu C. Ramhluna tarlan ang khan fisheries department hmalakna hi a lawmawm rualin keini Mara Autonomous District Council lamah khan nuaih sawmnga man sangha chi kha supply niin ka hria a. Plan sum 450 kan neih atangin 50 kha chu sangha chi supply-na tur a ni. Mara Rama sangha dil nei te kan han chhut a. Nuaih sawmnga man sangha chi hi kan mamawh lo in ka hria. Nuaih sawmnga man em han supply kha a tak pawh anih sen ka ring lova. He Department Fishery hian sangha chi sem chungchang ah hian thil tha lo te, tute emaw tan chuan hloh tulh tulh na, a lian tawh tan len tulh tulhna anga thil ruahman hi anih palh loh nan a hotu te hian ngun taka thil hi min chhut sak ka duh em em ani. Demand No. 39-naah hian sawi duh ka nei leh a. Lawngtlai leh Saiha in karah hian Construction of 33 KV transmission line (tower Type) siam tur, kan Demand bu ah hian a lo lang hlauh mai a. Hei hi ka phak ang tawh in tower line hi thingtlang ram, leimin rama awm te chuan kan mamawh ani tih kha a takin he bu ah hian alo lang hlauh mai a. A lawmawm ka ti a, chuvangin hei hi khawi hmundang ah mah divert ni tawh lovin he mi inkarah ngei hian siam nisela, ka ti a. Chu chu kan tarlang duh bawk a. A chhan chu Ram kil khawr lamah chuan lei a min thin a. Kan Electric ban te ram / kawng minah a min tel fo mai a. Light neih loh hi kan tuar em em thin ani. Chuvang chuan tower line hian Saiha a thlen chuan a chhe tlem deuh ang a, a ram mipui te pawh in eng lamah hian kan hniang hnar deuh ang tih ka beisei bawk ani. Khati zawng kha ka sawitheih ani a. Hemi Demand for Grant, kan House Leader zahawm takin a rawn put luh hi lawmawm ka ti a. Pass pui atan pawh ka duh thu ka'n tarlang ani e. Ka lawm e.

Pu JOSEPH LALHIMPUA : Pu Speaker, ka lawm e. Supplementary Demand for Grant 2010 – 2011 sawiho naa ka tel ve thei hi ka lawm hle a. I hriat angina keini first timer ho tan hi chuan thil thar ani a, vannei ka in ti hle a ni. Thil

thui tak ka sawi lovang a, kan thiante, member zahawm tak tak te khan an sawi tawh a. Tin, a Demand chipchiar kha tarlan ka tum lem lova, amaherawhchu, ka lawmthu tawi te sawilan ka duh a. Vawiinah hian kut hnathawktu te, mirethei, a bik takin thingtlang khua a awm te tan chuan ni lawmawm, hlimna ni a ni in ka hria a. kan thian thenkhat te hian kut hnathawk tute chawikanna tur atan budget-ah hian a dah a dah a ngai ani. Engmah harsatna a awm lo an ti in an lo tlangaupui thin a, vawiinah chuan kan Chief Minister zahawm tak, kan hotupa, he House Leader ni bawkin kut hnathawktu leh miharsa zawk te tan budget ah dah in a rawn dah ta a. Tin, chumai nilovin, he sorkar thar ah hian change a awm dawn ani tih kha inthlan campaign lai atanga sawi ani a, vawiinah hian a takin change pawh kan hmu tawh a, kan hmu tawh thin a. Budget ah kut hnathawktute chawikan na atana pawisa dah tam ber hetiang demand kan sawiho thei te hi change ropui tak ani a, a lawmawm in ka hria a. Vawiinah hian kan thlai thar chhuah te, kut hnathawktu tena an hlawkna an telna tur, a rate te nen a chhut sa a hetiang a budget a dah a ni te pawh hi a lawmawm tak zetin ka hria a, ka han tarlang duh a ni.

Lunglei a awm ka ni a, kan naute hmanni deuh khan ka zawh tir a, LPS ah te, Zonet-ah te hian kum hnih kum thum kalta te khan thingtlang khua mirethei te retheih zia te, chung retheite chhanchhuak tur atan a, workshop emaw talk show emaw a awm tawh em? vawi engzatnge talk show hi an buatsaih tawh a, chungah chuan mirethei te khai chhuahna tur subject hi vawi engzatnge hman anih tawh tih? Kan naute ka zawh tir a, an lo chhinchhiah chiah lova, an lo hre thei mai lova. Amaherawhchu, ka chhia leh tha hriatna atang leh ka hriatna atanga kan chhut hian mithiam tak tak tena talk show an neih thin hi sorkar tha duhna avang te, kawngpui tha te, ruihtheih thila kan fihlim theihna tur atan te, nun siamthatna te, sports leh kawng hrang hrangin an nei thin a. Mirethei te khaichhuahna tur atana hetiang hun / platform hi buatsaih ala awm lo in ka hria a, ka hresual mai thei a, ka zawh ten min la chhang thei baw si lova. Chutih lai erawh chuan Pu Speaker, vawiinah hian Cable Operator te leh kan chanchinbu mite mai ni lo, Mizoram rorelna sang berah miretheite khaichhuahna tur sawiho nan hun a awm hi a ropui ka ti takzet a, chu chu vawiinah ka sawi a ni. Kum 2008 kum tawp dawn a Assembly election kan neih dawn khan debate te neiin mipuiin a kan awmna party thiltum te an hriat theihna tur atan zawhna leh chhanna mipui ten an zawt thin a, TV kaltlang te, chutiangan chanchinbu kaltlangte pawhin tarlan ani thin a. Vawiinah hian ka rilruah alo awm reng chu kum 2008 kum tawp lamah MLA inthlan dawnah debate Lungleia kan neihnaah chuan NLUP chungchangah kan hotute, kan party hruaitu tena he scheme an buatsaih dan ka hriat ka phak ang tawkin ka tarlang a. Mirethei tak zirna lehkha thahnemngai tak, thiam thei tak a awm a, lehkha zir a duh si a, chutiangan zirna tanpuina tur atan chuan book grant kan tih te, scholarship kan hmuh te hmangan lekha zir chhuah chuan a thiamna hmangan sum leh pai tam tak a lei chhuak a. Amah leh a chhungte leh khawtlang leh ram tan pawh thil tangkai tam tak a ti thei a. Chutiangan deuh chuan NLUP hi mi lehkha zir tur, zirna pawisa nei silo in scholarship hmanga a zir ang hian mirethei mahni kutke a dinchhuahna nei remchang tawh si lo te dinchhuahna siamsakna tur atan congress party in a ruahman a ni. Mizoram State sorkar Budget atang pawhin percent engemaw zat dah hrangin he thil ti dawmn ila a tih theih lutuk a, chumai nilovin Central Sorkar tanpuina in a ti dawn a i tih ka tarlang a, kan hotute ruahmanna kha vawiinah chuan a takin kan hmu ta a. Kan budget chhung mai pawh nilovin Central Sorkar tanpuina atangan vaibelchhe 300 dawn lai hei tunah pawh kan han pass mai dawn a ni a. Heng te hi a ropui hle in ka hria a vawiinah pawh ka'n tarlang duh a.

Tin, a dawt leh ah chuan hei Bihar, W. Bengal leh Chhatisgarh ah te, thingtlang mi kuthnathawk leh rethei te, 1960 -70 chho vela an retheihna te sorkarin a hriatpui tawk loh vang nge ni, chumi kal chho zelah chuan vawiinah India ram lu ti haitu ber zinga mi te an ni ta hial anih hi. Chutiang deuh chuan kan ramah mirethei te harsatna sukiang tura kan Chief Minister zahawm tak kaihhruai, congress sorkarin hmalak a tum lai mekah hian, nichina kan member zahawm tak tak te sawi ang khan, hmalak ti thuanawp tura party dang kan ni emaw, he sorkar a kan tel loh vanga kan lo sawi hi, Mizo mipui inpumkhatna te, hun lokal leh zel tura kan hnam future tichhe thei tu, vawiinah hian an ni tih hi, a sawisel tute hian lo in hria sela a tha in ka ring a. Chutianga kan thingtlang mi leh mirethei ten harsatna tam tak an neih te hi khaichhuah saka dinchhuah tir an nih loh chuan hun lokal leh tur atan thawhchhuah neih si loh chu hriamhrei leh thildang hmangte pawh hian thawhchhuah tumin an la bei lovang tih kan sawi thei lo a ni. Chutiang an tih lohna atan te pawh chuan kan hotupa berin ruahmanna lian tak, tha tak, India ramah pawh la awm lo. India State dangte pawhin kan ruahmanna kan tihlawhtlin dan a zir a, kan tih anga ti ve tura Central Sorkar pawh in enchhinna atana min hman hial khawpin tunah hian ruahmanna min siam sak a ni a. Chuvangin, he sorkar siamtu party ah kan tel lo anih pawhin vawiinah hian Mizo hnam khaichhuahna tura sorkarin a siam tihlawhtling tur hian he House a member zawng zawngte leh political party dang zawng zawngte pawh hian, thahnemngai taka au chhuahpui hi kan tih tur a ni dawn lawm ni tih hi Pu Speaker, vawiinah hian kan inzawt nawn leh duh a ni.

A tawpna berah chuan. Sorkarin a kum hnih pawh tlinglo a hmasawanna hrang hrang a thawh, tunah hian TV atang te, chanchin thar atang ten kan hmu thin a, sawi tur tam tak a awm a, khang kha chu kan sawi seng lo ang a, amaherawhchu, a tawp nan kan sawi duh zawka chu heng NLUP Scheme te pawh hi scheme mipui moral siam tha tur atan te pawh hian kawng leh lamah sorkarin a hawng zawk em ni aw tih ngaihndan te ka nei a. Nichinah khan kan Minister zahawm tak khan a sawi a. Mithiamte, kan pensioner zahawm tak tak ten, chanchinbu ah a dawng thei tur list-ah min telh ve a. Dawng awm kan ni silova tih an han ziate pawh hian 'mirethei zawkte pawh hian dawng sela' an tihna a ni. A dawn ngai lo, sum leh pai thawhchhuahna kawng dang neite chu, heng te hi chuan kan chuh ve tur pawh ani lo a ni. A dawng tur kawng dang hre lo, sorkarin a tanpuina mamawh ngawih ngawih te tana heng scheme te hi inzirtirna an pe niin ka hria a, a lawmawm hle in ka hria a. Chuvangin vawiina Supplementary Demand for Grant kan sawihona keini tana kan tel vawikhatna leh kan hriat vawikhatna a tel ve leh a sawi ve thei te, a ngaitthla thei in kan awm hi a lawmawm hle in ka hria a. Hei kan pass ngei turah ka ngai a. Khang kha lawmthu sawi pahin ka sawi theih chu a ni e. Ka lawm e.

S P E A K E R : Pu John Siamkunga.

Pu JOHN SIAMKUNGA : Pu Speaker, ka lawm e. Hei vawiinah Supplementary Demand for Grant 2010-2011 chhungkaw singtel, a sing a sing tel, loneimite leh kut hnathawktute chawikanna tur he House zahawmtaka pharh a lo ni ta hi Zoram mipui tan chuan kut benna chi niin ka hria.

Mizote hi mi tumruh hnam, mahni intodelh tum ran, theihtawpa mite ban tum lova thawk thin kan lo ni tawh thin a. Chumi a lanna chu tun hma zawng kha chuan chhungtin hian an lovah hnephnawl chitin reng an ching thin ani. A entir chu chhungtin khan midang ban lova nun khawchhuah an lo tum thin ani. Chutiingin hawpkhawp neih tumin theihtawp chhuahin an lo bei thin a. Chu'nga kan ze mawi tak leh intodelh tuma kan lo beihna thin te chu rambuai khan a tichhe zo ta a. Kan nun mawi tak leh kan tumruhnate chu alo dai zo ta ani. Chumi lokal zel chuan retheihna khurah min hnuklut a, tumruhna pawh nei zolovin leh mahni thawhchhuah nilo leh mite thawhchhuah a nun tumin hun kan lo hmang chho ta ani. Chutianga kal zel chuan chhungtin khan retheihna lam kan lo pan tial tial a, kan dinhmun alo chhe tial tial a, chumi anih avang chuan kan ram chhungah hian State danga mi lokal sumdawng hausate chhiahhlawhah kan lo tang tawh ani. Kan ram chhungah ngei hian Mizote hi chhiahhlawh ah kan tang zo tih theih deuh thaw in kan hnathawktute an awm tawh a, chumi anih avang chuan kan hotupa zahawmtak kan Chief Minister hian 'Kei chuan NLUP hmanglo hi chuan chhanchhuah ngaihna awmin ka hre lo, kan mirethei loneimite dinhmun siam hi kan tih tur ani. Vawiinniah hian anmahniin an in chhanchhuak zo tawh lo a, loan puk dawn se, puk tur an hre lo a, dahkham tur an nei hek lo, chuvangin, leirem an rah theihna turin leh he Mizo hnam alo ropui leh theihna turin NLUP kan kalpui leh ang', tiin theihtawpin a bei a, sawiselna leh beihna nasa tak karah theihtawp chhuahin alo phur tlang ta a. Vawiinniah chuan he supplementary demand ah hian mirethei chhungkua a singa sing tel chawi chhuahna tur chu pharhin alo awm ta a, a ropui takzetin ka hria. Chuvangin he House zahawm taka kan budget, kan Demand han pharhna hi Mizoram tan chuan thil lawmawm tawp kut ben hluah hluahna chi niin ka hria a ni. Hei chang hi ani lo, kan ram chhungah hian mi chitin chi tang an lo la leng lut dawn a, kan la cheng za dawn a ni tih kan hotute hian an hrechiang em em a ni. Chumi ah chuan he NLUP hmang a kan dinhmun te kan lo siam a, hnamdang lo lut tur te nen a in ang khat a kan awm theihna tura kan lo in tih hmasak loh chuan kan ram chhungah ngei hian chhiahhlawh in kan awm zo dawn a ni tih hria in, NLUP hi nasa takin kan kalpui ta a ni. Tunah hian Multi Modal Transport Project te ala hlawhtling dawn a.

Tin, helaia four lane National highway 54 te ala tlang dawn a. Rel kawng te hi Sairang chauh nilovin, saw lampang chhim lam thlengin ala tlang dawn a. Chu chang nilovin, kan lei lung hausakna te pawh hi an la hai chhuak zel dawn a ni. Chutih hunah chuan khawchhak lama kan unau Korean nula tlangval te, Malaysian an ni emaw, khawthlang lam ram anni emaw, heng lai kan bul vel ram ami thleng hian he Zoram hmunah hian kan la cheng za dawn a ni. Chutih hunah chuan awpbeh leh rahbeh a kan awm lohna turin, he NLUP hi din chhuahpui a lo ni ta a. Hei hian Zoram mipui ei leh bara kan intodelhna tur kawng ropui taka sut dawn avangin, vawiinniah hian a hlu in, a ropui ka ti zual a ni. Tin, he mipui khai chhuahna mai ni lo hian kan kal zelna tur kawng pawh hi he sorkar hian a duang tha viau in ka hria. Chumi atan chuan nakinah chuan power te hi kan lo intodelh loh chuan, tun ang reng a kan awm chuan, a ni thei dawn lo ve tih hria in, kan hotute'n nasa takin hma an la a. Tuirial Hydrel Mega Watt 60 pe chhuak turah hmalak an tum leh a. Tunah hian hna tan theih mai turin an bawhzui mek a. Tin, Kolodyne Hydrel Project pawh Mega Watt 460 pe chhuak thei tur tunah an bei tan mek bawk a ni. Chu chang la ni lovin, tunah hian MoU te signed tawhin leh bawhzui chho zelin project engemaw zat a awm a. Chungte chu Lungrang Hydrel Project Mega Watt 815 pe chhuak thei tur Cherhlu chhak ami te, Chhimtuipui Hydrel Project Mega Watt 635 lai pe chhuak thei tur. Tin, Mat Project Mega Watt 76 lai pe chhuak thei tur te pawh tunah hian hma an

la mek a ni. India ram hi a ropui a, khawvel ram ropui zinga chhiar tel anih mai bakah tunah hian khawvel hausa thil ti thei pathum zingah alo tel tawh a ni. Kan Finance Minister ni thin Chidambaram-a khan tunhma kum thum vel kal ta khan 2020-ah chuan super power, Economics ah chuan kan ni dawn ani tih alo sawi tawh a ni. Chu kawng chu rawn zawh chho zelin vawiinniah chuan man-power ngah ram te kan ni a. Kum 2025 alo tlin meuh chuan USA te khu a hnuai zawk ah an awm tawh a nga, China hi a chungah a awm tawh a nga, a dawtah India a awm tawh ang tiin an project tawh a ni. Chumi ram zinga awm kan nih avang chuan India ram State zinga a te ber te zinga mi kan ni bawk a, chungah chuan State rethei te mai a kan awm anih chuan mahni pawh in hai veng thei lova kan awm chuan a pawl dawn ani tih hria in kan hotuten remhrie takin he NLUP hi an lo kalpui ta a, sawiselna tam tak awm mahse kan hotuten chu chu tuar chhovin vawiinni thleng hian an lokal ta a. Thenkhat chuan he NLUP hi a sem a sem tur, an intiam ang khan a ni e, tiin theihtawp khan an sawi thin a, mahse, kan NLUP sawi mek hi India sorkarin a entawntlaka siam tuma a beih mek a ni a. He Mizoramah hian a lo hlawhtling ta anih chuan Indian ram State dang dangah kan hmang duh dawn a ni tiin min ulukpui hle a ni. Vawiina kan Demand sawiho hi a pawimawh leh zualna chu vohsan lak a ni dawn tawh a, thla leh deuh mai ah hian lo number te an pawt tawh dawn a ni, thingtlang lamah chuan, chumi khalh tur chuan he budget hi kan han sawiho ta a, vawiinniah hian kan pass ngei turah ngai ila, kan lonei mi mahni pawha in chhanchhuak zo tawh lo leh dinhmun siam thei tawh lo tam tak khan vawiinniah hian min thlir a ni. Chung mite tana he sum tam tak vaibelchhe 234 zet mai pharh alo ni ta hi he sorkar thil tih zinga ropui ber pawh pawl niin ka hria a. A dang a tih zel a pawh hi a la ropui dawn chauh a, mahse, hetianga mahni mipui, a bikin, mirethei te chawichhuah tuma rilru zawng zawng senga tih tak zeta tha leh sum senga bei sorkar hi an la awm lo a ni.

Mizoramah hian Party hrang hrang hian sorkar kan lo din tawh a ni. Kum 1978 – 79 velah P.C a lo lal a, khang khan kan mirethei te khaichhuah hi mutmawh hnar mawhah an lo nei lem lo a ni. Chutiang bawkin sorkar kalta te khan mutmawh hnar mawhah nei lovin a rundalah erawh chuan an ti ve chauh a ni. Tuna kan sorkarah hi chuan engtinng e mirethei te hi an dinchhuah ve anga, hlim ni an hmuh ve ang, an dinhmun hi i siam ang. Vawiinniah mahni in chhanchhuak zo lo te hi engtinng e kan siam ang, kan siam loh chuan kan ram hi ala tlu chhe dawn ani ti a he project lianpui mai an rawn dinchhuahpui hi a ropui hle in ka hria. Tin, sorkar lo ding tawh zawng zawng in an tih ngai loh leh rilru leh tih tak zeta rilru an la sen ngai loh he sorkarin a han ti ta hi a ropui a. He NLUP mai bakah sawi tur tam tak a awm. Infrastructure ropui tak tak he sorkar hian a din mek a. Thla leh lawkah hian, thalaite hmakhua ngaiin Artificial Grass te pawh phah alo ni chho zel a. Chumi mai bakah Stadium ropui sak tur kan hmu bawk a. Chutiang chuan thil dang dangah hmalak ani tih kha ka'n sawi duh a.

A tawp berah chuan he Supplementary Demand zinga tel mirethei te dinchhuah puina tur an lo ngaihtuah hi tha ka ti a. Mirethei te budget kan hotuten an lo siam hi ropui ka ti a. Ka han thlawp a ni.

SPEAKER : Sawitur kan awm tawh loh chuanin.....e, Dr. R. Lalthangliana.

Dr. R. LALTHANGLIANA : Pu Speaker, ka lawm e. Kumin March thla khanin Budget Session helaiah rei fu kan nei a. Session tawp lampanga thil pakhat kan sawi rik kan Plan sum te leh Non-Plan thenkhat te lapse kan tih mai luangral tur ang chi a kha kan ngaimawh tlang hle mai a. Vaibelchhe 70 leh nuai 51 bawt vel niin ka hria a. Hetia kan han hmuh thiam danah hi chuanin Plan-a vaibelchhe 53 bawr velah khan vaibelchhe 8 vel kan hmu kir niin alang a. C.S.S-ah hian engemaw zat chu kan hmuh kir a awm bawk a. Engpawh nisela vaibelchhe 43 nuai 24 vel bawra hi hmuh kir theih tak lova kan chan tak ti ang zawngin sawi ta ila. Kan hmukir leh anih chuan a lawmawmah ngai ta ila, pawl ka ti khawp a. Kan Chief Minister pawh khan pawl a tiin ka hria a. Session zawh hlimah kan mithiam te rawn a, a hmuh let leh dan kawng te kan ngaihtuah ang tih te kan hria a. Sorkar pawhin theihtawp chhuahin tan pawh ala a, amaherawhchu, heng hi kan Financial Administration leh Discipline a that tawh loh vang te leh kan monitor that tawh loh vang deuh liau liau niin ka hria a. Tin, kan hotupa ber Portfolio kher kher Planning leh Finance a lo ni bawk si a. Tunhma a thleng ngai miah lo kan han tawng ta erawh kha chu a vanduaithlak ka ti a. Amaherawhchu, sawiin awmzia a nei vak tawh lova. Thleng tawh lo sela tih kha ka duh khawp mai a. Budget Session nakum kan neih leh turah Pu Speaker, ruahmanna felfai zawka kan kal hi tha in ka hria a.

Kawng leh lamah chuan kan official thenkhat te, kan Planning Board lampanga mite pawh hi duh ai mah mah hi chuan thil hi an sawi uchuak ve deuh emaw ni chu aw ka ti a. A chhan chu thil harsa hi chu harsa ti tawp mai ila a tha in ka hria a. Mipuih beisei awm taka kan han sawi thin hianin kan thusawi hi an awih leh duh tawh lo khawp mai a. Chuvang chuan, State Contingency Fund-ah chutiang khatieng kan hmu let leh dawn ti a inthlamuan lutuk ang chi kha a hnu thla hnih thla thum lekah a result kan hre leh mai si karah hian hetiang ang zawng hi kan Chief Minister khan a sawi tihna nilovin kan official thenkhat ten ka duh ai mah maha pressed-na a an han sawi kha chu fimkhur deuh tawh se chuan tah in ka hria a. Tin, hei hianin kan sawi duh laia chu kan sum kal chho zel tur, nakin hun lo la kal zel turah hianin Financial Management te, Administration kan tih thalo ani tih te kan han hmuh hianin kan hmuh leh zelna turah hian harsatna min siam thei ang tih hi a hlauhawm in ka hria a. Hei, Central sorkar kalhmangah chuan tun hnai ti mai ila kum sawm dawn vel kalta atang kha chuanin thil reng reng hi pawh pen hleihtheih loh hianin earmark hi ani deuh vek mai a, a sum lokal hi. Chung earmark fel taka a hmanna bituk bik lokal physical leh financial target nei bik anga thil tih thlap ngai chi te alo nihna karah hian hetiang kan sum an lapse chhoh velah hian tun mai ah hian harsatna kan tawh lo anih pawhin hun lo la kal zel turah hianin harsatna kan tawh thei mai ang tih ngaihtuahna ka nei a. Chu chu ka'n tarlang duh a.

Tin, pahnihna-a ka sawi duh chu Pu Speaker, hei, NLUP chungchangah hianin ka duh ai mah mah hianin Pu Speaker, i dinglama thu te hianin keiniho hian kan criticized vak ta a, a tha lo vak ta anga a sawi ang hian in ngaihtuahna hi in dah lutuk niin ka hria a. NLUP a that lohna hi kei phei chuan helamah a hminga senior deuh ka nihna zawnah vawikhatmah hi ka hre lova. Tha ta lo leh tha lo anga inzirtirna hi a petu ang deuh hianin i veilama mi te min rawn melh phei deuh fo thin. Khalam pang kha kan sawi ngai lova. House-a kan proceeding pawh en ila, NLUP that lohna lampang ang zawng hi chu ka sawi lo hrim hrim a, hei kan hria a. Ruling Party in a flagship programme a tha ber tura in ngaih uluk taka thil in ngaihtuah a in ti a ni tih kha kan pawm ve mai a. Chumi atan chuan sum pawh theihtawp in central lamah te leh kawng dang dang in in ngaihtuah pawh hi kan hre

chipchiar lo naa, kan hriatpui tho che u a. Amaherawhchu, kawng leh lamah hengah hian kan hnenah te pawh mipui lam hian an sawi ve a. Chungah chuan kan sawi loh theih loh ve na lai a awm a. Dik tak chuan 2008 kum tawp lamah ministry thar a ding a tunah 2010 ah pawh kum chawhnu lampang anih tawh kara engemaw tak mai mipui a la thleng chiah thei silova in then rei lutuk lai tak hi erawh chu kan hnenah an sawi avang khan kan sawi lo thei lo a ni. A chhan chu Pu Speaker, hei hi kan hriat a tha in ka hria a, mipui thleng tur kan tih hi that pawh a tha viau maithei. Amaherawhchu, kumhnih chhung engtinngge kan awm dawn tih chiang lova tlem chuan kan election manifesto a kan buatsaih lai te pawh hian a awlsam lutuk zawk deuh hian kan sawi hi a hnu ah a thlan dan tur (a trade thlan dan tur) tih vel hi kan chai rei deuh hlek a. Hei hi tlang deuh a ka hmuh ve dan chu a ni, opposition ka nihna dan ang zawng te pawhin ka sawi vak lo. Keini pawh sorkar ila kan tih atan chuan hetianganga then rei lutuk hi chu tha ka ti lo ang reng khawp mai. Chuvang chuanin a fello deuh a, dik tak chuanin kan hre vek a, inthlan dawn kum hi chuan tu sorkar mah hian kan budget hi kan hmang hman tak tak tawh miah lo ania. 2012–2013 vel bawrah hi chuan budget a hman hman tawh mang lova. Tunah hian 2010–2011 budget a kal chho mek a kan current financial year ah nakumah kan han thu leh turah ngai ta ila dam te a kan awm chuan, hun hi rin aiin in nei vak lo ania tih ka sawi duh a, a leh peka sorkar leh kar loh tuman kan sawithei bawk si lova. Chuvang chuanin kan flagship programme a nihna ang hianin kawng leh lamah chuan kan tuan hi a fum deuh a, uluk ka tumna luatah hian mipuite hi khaihlak deuh hian an eizawna kawng ah hian kan siam ve ani tih hi chu an rawn sawi a ni. A policy leh he sorkar hi a tha lo tih lam hi chuan ka counter ngai lo viau in ka hria a. Khalai erawh kha chu thu tha pangngai ka rilruah hian a awm ve hrim hrim a, 2009, 2010 a dik tak chuan nuai 1000 Budget a pawisa awm thlap si, nuai 952 niin ka hria Agriculture Department atang khan Department hrang hrang, Department engzatnge ni chu ka hre lova, kan han sem kual chho ta ringawt te pawh kha a hma a ruahmanna felfai tha tak in the name of NLUP nisi anga lokal bawk si, khatiang khan kan han hmang thei lo ringawt a te pawh kha, ngaihtuahna hi he lampang atang chuan kan neihpui lo thei lo a ni. A dik tak chuan ruahmanna tha deuh chu awm se pawisa hman loh tur ah khan ka ngai a. NLUP a hman niawm a lang nuai 468 a pawh kha anihna takah chuanin a mipui lam va thleng dawt silo, a training leh a office lampang buatsaihna ah khan kan hmang ral deuh lo maw aw ka ti a. Chuvang chuan kan hmanhmawh pui che u tihna lampang nilovin mipui lampang hian harsatna khaih lak, an lo neih chungchangah te leh an eizawna lamah harsatna a siam tam deuh lutuk hi chu, wawiinniah hian kan hriat kha tha in ka hria a. Hei hi programme lian tak ani tia kan Ruling te'n inpuan anih bawk avang khan kan sawi duh lai a ni a. Rin ai chuan harsatna hi an tawk lian viau ani. Eizawna khaih lak tunah hian a siam ve tlat tih laia kha kan hriat a tha a.

Tin, ka sawi leh duh a chu, Pu Speaker, kan budget hi han thlir thuak thuak hian thil pakhat chu, sorkar hian thil lianpui pui kan tih tumna hi chu a dik a, Scheme lianpui pui te pawh kan formulate anga a tha reng a. Amaherawhchu, tlang deuhvin sawi ila, kan tun dinhmunah erawh hi chuanin Mizoram mipui mimir hi chuanin tlem chuan hahthlak chu kan ti deuh hlek ani, sorkarin min enkawl dan hi chu. A dik tlat engemaw tizawng, dem zawnga rawn sawi pawh ka nilo. Kan buhfai harsatna lutuk ang te hi chu MLA te pawhin a, tute emaw ngawih ngawih tana bag khat kan han ziahsak a, phone nena kan han tih pawn a tlang thei reng reng lo laite hi chu, engemaw bik riau lai te hi a awm ve a, dik tak chuan a harsa a nia, Aizawl market-ah kal ila, ordinary ti mai ila, man to lutuk chi lo anga kan ngaih pawh tunah

hian Kg a ₹ 25 atang ₹ 30 hi ani deuh vek mai a. Thil man hi sang deuh mai a nia. Tin, buhfai chauh nilovin thil man lo sang lutuk ang boruak te hi chu, nikhata ₹ 150/- labour in an hlawh ₹ 120/- an hlawh tih ang vel tan chuanin khawsak ngaihna a awm lo ani. Gas harsatna tepawh kawng leh lamah in sawithiam vak hleihtheih pawh a ni lo a ni. Kawng leh lamah harsatna kha kan tawh miao mai a. In dem zawng pawn ka sawi miah lo. Mahse, kan tha, a hlimawm kan budgetah hian kan tih lai hian kan mipui a lo ngaithla tute hi kan hlim loh tlat chuan, kan dam loh tlat chuan, a thu nilo a taka an dam kha a ngai tlat Pu Speaker, helai hi chu sorkar lampang pawh han in enchian a pawimawh hle in ka hria a, kan sawi duh a.

Tin, full ration kan lak lohna te pawh hi a rei tawh a. Tin, kan Health Care te pawh hi han sawi ta ila, dik tak chuanin kan tih ang ang khanin han kalpui ve mai ula chuanin engemawzat hi chu thi tur hi kan chhan ve mai awm mange aw kumkhat leh a chanve zet chung khan ngaih loh lamah lo ngai lo ula, in han ti tawp thut hi chu a hnuah kha thil a kha a tha lo em em tih awm si lova, han siam that in han tum a, in han beih chung a rei si a, hei tunah hianin implement turin hma kan han la tan a. Kha mi kar chung hun kan khawh ralna kha, a mi harsa tak tak natna khrikhan tuarte kha chuanin, tuar tak an ni rin ai hian kha mi chung khan. Chuvang chuanin thil thenkhat ah hi chuan kan chet dan a hi hriat thiam a harsa ve lek lek chu a ni tih kan sawi duh a ni.

Tin, a dang leh ah chuan tukin khan zawhna kha kan Chief Minister zahawm tak khanin a chhang nual a. Amaherawhchu, hei nimin lamah te telephone ka lo dawng ve ngawta bialtu MLA alo awm lo anih ka ringa Pu Khiangtea, khumi kan Serkhan kawng ping tlat kha an buai tlat mai a, kan Salvation Army te abikin kan thalai te he rally turin ni 24 atanga 26 inkarah hian beih an tuma. Heng hi chu engemaw a kawng engkim mai kha felfai tha tak anih loh pawn a kaltlang theih tur tal a sawn ngawt theih kha ani bawh si lova, Pu Speaker, kan Chief Minister zahawm tak hianin hma hi la ta sela, engemaw han paihfai thuk thuk a, han tih tlang sak hi a tha in ka hria a, 24 atanga 26 a khawmpui rally nei tur te annih na zawnah khan kan hnenah te pawh an rawn sawi ve a, heng hi chu engemaw emergency deuh te pawhin kan tih hi a tha in ka hria a. Tin, Pu Speaker, hei kan PMGSY kawng a contractor ho hi an harsatna tawh hi a namen lo hle mai a. Hei, kan hnenah tepawh an rawn kala vaibelchhe 100 tel tak tak te tunah hianin Division atanga an hnathawh zawh tawhna a cheque an issue tawh si, Mizoram Rural Development account a draw tuma la thei miah lo hi an lo la tam em em mai a, labour nikumah te an lo ruai a, engemaw zat, kumin ah te a nuai engemaw zat contractor in a batsak tlat, a bat loh theih loh ani bawh si a, a cheque a kha blank vek mai sia heng hi chu enfel ran hi a van tha em tih te ka'n sawi duh a. Tin, Pu Speaker, Sixth Pay hi hei kan sorkarin an puanga a implement chhoh mek lai hianin, hetah hian khairual deuhva thil tih dan kawng hi chu awm se a tha mange. Hei, entirnan police ah te pawh hianin, kan Home Minister a awm lo hlauh a, constable atanga havildar inkar te ina basic engemaw mumal tak fix awm mang lova a han kal ringawt mai ta, hlawh pung chuang reng reng lova an han kal te leh tin, heng technical department a a hnuaihngung a thawk ho ang chi PHE te PWD te P&E department ami te harsatna ang chi te hi chu enfel hi chu a tha hrim hrimin ka hria a. Kan han puan rual hian kan dam kim lo lutuk deuh ani lo maw tih te ka'n sawi duh a.

Tin, hei police han sawi takah chuanin kan hnuaiyah te pawh an lo thawk ve thin tawh kha a ni a. Vawiin thleng pawh hian an harsatna hote a lang, an TA/DA

kumkhat chuang chuang la thei lova an han awm ringawt te pawh hi Pu Speaker, siam that har lutuk a ni dawn emaw ni le te ka ti a. Tin, hei MNF sorkar lai khan ka hriatsual loh chuan police ho hianin Award an dawng thin a, tun sorkarah hian Award hi a cash hianin kan la pe lo a ni mai awm mange aw ka ti a an phun an phun mai a, enfel sak a tha in ka hria. Pu Speaker. Kam hnih khat lek, minute hnih khat lek ah ka zo ang.

Hei, Saitluk Airport hi Lunglei a mi kan han tum deuha kha? kumin session lai khanin official resolution chu a ni chiah lo na in ruling lam atang khan resolution kha a lo lut a, tha kha kan ti tlang khawp mai a kei pawh ka lawm a ni. A chhan chu sorkar hmasa hunlai pawh khan ngaihtuahna kan hman ber pakhat kha anih avang khan. Mahse, Pu Speaker, kha kan passed hnu atanga chawlhkar thum bawr velah khan ‘a remchang leh lo’ tih kha kan han hria kha chu a fel lo mange aw ka ti a. Resolution kan han thehluh emaw kan han sawi dawn hian khatiang zawng zawng hre lawk lo lutuk anga thil kan ti nge ni a, tin, khatiang remchan leh chan loh technically a kha airport tihna tura kha a remchan leh chan loh tiha pawh kha, tute nge ni a puangtu tur tih a te pawh kha ngaihtuah a ngaiin ka hria a. Heng hi kawng lehlamah he kan rorelna sang ber, zahawmna hi kan vawng lo deuh em aw ka ti a, ka ngaihtuahna, kha khanin kawng lehlamah chuanin min ti tam khawp mai.

A tawp berah chuanin Pu Speaker, hei tukin zingah khanin thil pawimawh tak mai zawhna lo lut cooperation chungchang kha helaiyah khan kan han chhang chhova kan hotuten. Heng chungchangah hianin a profit making, revenue earning department ni tur awm taka lang ina kan loss nasa lutuk hi a tu sorkar mah ka zu ti bik chuang lovin kan han kal tawh zawng zawng kum tam tak kha en ta ila. A dik a dik chuan kan hloh nasa a ni. Enchian chu a ngai khawp mai, chuvang chuan hengah hian a cooperation chauh lo pawhin – entirnan, transport department kan han tih te Tourism Department kan han tih te pawh Revenue Earning tak tak tur atana hmin tam takah chuan Industry lian lutuk hei hi a ni, amaherawhchu, kan kalphung hi ala fel tawk lo hle a ni tih alang a, chuvang chuan hengah hian uluk a ngaihtuahna kan hman that leh hi a pawimawh mange tih a hi Pu Speaker, a tawp nana ka’n sawi duh chu a ni e. Ka lawm e. (Speech not corrected)

SPEAKER : A lawmawm e. Engpawh niselangin rilru lama lo tin zawn te kha a awm a, mahse, ziaka lang kha a nia kan sawi mai ani. Awle, tunah chuanin kan sawihona kan duh tawk tawh anga. Finance changtu kan Chief Minister zahawm tak sawm ilangin rawn wind-up selangin pass rawn dil nghal sela.

Pu LAL THANHAWLA, CHIEF MINISTER : Pu Speaker, a tlangpuiin kan sawihona a lawmawm a. Opposition lama kan hotute pawhin lawmthu an sawi deuh vek a, pakhat tih loh chuan, chuvangin a lawmawm tlangpui hle a ni.

Pu Speaker, han sawi duh ka nei a, House-a kan decorum hman dan tur, ‘in’ tih hi thianga lo in ti thin in ka hria a danah, chair address-a kaltlang tur a nia, ‘an’ emaw ‘I’ in tih te hi hman loh tur tih kha a ni thin in ka hria a. Hei hi kan zir chhoh ve zel tha in ka hria.

Pu Speaker, member zahawm tak Pu Duhoma'n a sawi ang khan, a bul kan hre vek a, sawi nawn ngai lo tura ka ngaih a nia, sawi nawn hlawm avangin han sawi ve leh ka duh a. Kan budget session-ah khan kan Plan size kan la hre lova. A lian zawk thei a, a tlem zawk thei a, engpawh niselangin a hma kum angin, a ngaiin kalpui kan duh a. Tin, Pu Speaker, nang pawh khan i duh deuh tlat avang khan Speaker kha kan zah turah kan ngai a. Tichuan, kan han kal chhova khalaiah khan a tul phawt chuan kan budget hi, kan plan hi a lo pung ta a nih chuan supplementary budget te niin session dang kan la nei ang, tiin ka sawi kha a ni a. Khatiang khan hei kan han nei thei a, kan member ten lawmthu an sawi deuh vek a, a lawmawm hle a ni.

Tichuan, Pu Speaker, a tawi thei ang berin sawi ka tum anga, han wind-up ka tum ang a. Ka wind-up na tur thumawi zawkin zingah khan open-na ang deuh khan, initiate deuhna ang khan Agriculture Minister zahawm tak Pu H. Liansailova khan a rawn sawi tawh a. Kha kha rin nghal mai ka'n duh deuh va mahselangin, khami pawn lam ami member zahawm tak te rawn point out thenkhat hi han sawi thuak thuak ka duh a.

Member zahawm tak Pu Duhoma khan rawn ngaih pawimawh tam tak a neih zingah tlem te chauh han sawi ilangin. Production by the masses tih kha a pawimawh khawp mai a. NLUP pawh hian a tum ber chu production by the masses kha ani tlangpui deuh ber a. Tichuan, kan State Gross Product te pawh kha a tam deuh theih nan ani dawn ani. Chuvangin uluk a ngai ani. Tin, he NLUP hi helaia member zahawm tak ten an sawisello / sawichhelo anih pawhin, an party te hian press release te nen meuh an sawi thin avangin ruling party lama kan member te khan an rawn sawifiah in an rawn react ani tih hi chanchinbu chhiar mite hi chuan kan hre vek awm e. Chuvangin, helai member te'n an sawisel lova, an welcome hi a lawmawm kan ti ani, amaherawhchu, kan hriat tlan atana kan duh chu sem leh dawn hi kan inngahna ani lo. NLUP ah hian sem leh dawn, kha kha kan duh tawh lo ani. Hun hmasa ah khan an hlawhchham e, min ti a. Sorkar chu kan thutiamah kan ding a kan hlawhtling a NLUP kha ₹ 30,000 ang deuh zel in chhungkaw sing tam tak hnenah kan operate hman a. Rangva inchung sem tih te pawh kha an nuihzat hle in chhungkaw sing tam tak hnenah kan sem hman a ni. Chuvangin, NLUP kan operate anga chhungkaw tin hnenah sing thum in eizawna ngialnghet an neih theihna tur leh leirem an rah a, khaw eng an hmuh theihna turin kan pe ang, kan tanpui ang, kan tih kha sorkar kan hlawhtling ani, kan implement avangin. Amaherawhchu, a dawngtute kha prepare nachang kan lo hre lova. A hmang dik lo te, a hmang tha lo te an awm ta nual a. Chu chuan a hlawhchham tir a, amaherawhchu, mi pangngai tam tak kha chu an inchhir a, rinawmna, dikna, taimakna leh thianghlimna a dawng te hlawhtling an han hmuh khan mi tam tak chuan Sorkar hetiang han ti thei hi awm se tih te kha min hrilh thin dan, kan hotute an hrilh thin dan ani. Chutiang chuan kan hotuten kan sorkar leh ngat anih chuan hei hi kan ti leh ngei ang, amaherawhchu, a dang zar tawh ang an ti reng a ni. Tin, inpuhmawhna chu a awm ang. Election dawnah chuan thahnem ngaih avanga lo sawi te pawh an awm ang, amaherawhchu, kan manifesto kan implement tum dan ah khan chiang takin tukinah kan hotupa Pu Liansailova'n a rawn chhiar chhuak tawh a, sawi nawn a ngai tawh lova. Chutiang chuan Pu Speaker, tun tumah hian mipui zawk hi an in peih loh avangin kan operate har a ni. Mipui hi an hlawhtlin kan duh a, dawng tur te hi an hlawhtlin kan duh, chuvangin production by the massive a awm theih na turin tan kan la nasa a, an rilru siam dik sak a ngai a an dawn thleng tih ngil sak a ngai a, chumi chuan hun a duh hrim hrim bawka a ni. Chuti nilo se kan tum hmasa bera vaibelchhe za kan neih kha a sem leh dawn

ringawt chu nise kan ti thei daih tawh. Budget-a kan dah hi member zahawm tak te chuan awm lo anga an sawi thin hi a dik lova, budget ah khan member te chuan an hmu a, an hria a, a first year atang khan an dah a ni. Sem leh dawn inkarah cheng ila chu kan sem thei daih a ni. Tun, kumah pawh hian cheng vaibelchhe 300 chuang kan nei leh a sem leh dawn inkarah cheng ni ila chuan kan ti thei a ni. Kha kha kan hotuten an tum tawh lo, kut hnathawk mite kan duhsak avangin an hlawhtlin dan tur kha an ngaihtuah sak a ni. Chuvangin an rilru kan buatsaih a ngai bawk a, chutiang ah chuan hun kan khawh ral hle a ni. Heng chungchang ah hian AMFU hotute an taima hle, a an tui hle a, theih pa tawp min chhuahpui a, conference te ko in kan tangtlang thei a. Tin, line department pariat a kan officer te hi tui tura han in zirtir chawp te, kal phung te trained chawp te an ngai a, chung te avang te pawh chuan kan khawtlai phah a. Tin, central-in hlawhtlin pui min duh a. Chuvangin, a duan dan tur te an uluk ve hle a ni. Tin, meeting pawh an thutpui tam nangiawng. Prime Minister in, a special secretary hnenah tha a tih dan te hrilh in meeting tum thum tum li a koh tir a, concern ministry a senior officers te nen, secretary te nen, tichuan, a hnuah Finance Secretary-in a take over leh a, tum thum, tum li state a kan mithiam te nen an thu ho leh a. Tichuan, helai kan mithiam ten mutmu pawh tuah lovin a that dan tur ang ber zawngin DPR an puahchah leh a. DPR chu an thehthla a, an duh ang zawng zawng leh tha an tih ang zawng zawng kha a daikhalh vek a ni ti ilangin a dikin ka ring. Chumi hnuah chuan thil a tlang zung zung thei lova, amaherawhchu, Planning Commission atangin Cabinet Committee on Economic Affairs ina an ngaihtuah turin thehchhoh a ni a. Tichuan, nichina Pu Nirupam Chakma member zahawm takin a sawi tawh ang khan July thla khan an thukhawmin July ni 15 ah khan an sanction ta a ni. Amount engkim kan hre tawh a. Chutiang chu a ni, chuvangin Central lam pawhin min duh uluk pui a, keini kan uluk bawk a, kan inmil hle nghe nghe a. Chutiang vanga tlema han khawtlai ta deuh hlek hi a ni. Tin, sum kan nei reng, sem dawn ringawt kha anih loh avangin leirem rahtir a, khaweng hmuhtir ngei kan mipui te hi kan tum avangin leh hlawhtlin tir ngei kan tum avangin kan uluk hle a ni.

Tin, tunah hian a mi pangngai chin chuan an hrethiam. Hei khawpuih pawh hian tum thum / tum li kan hotute hian NLUP chungchangah meeting an ko tawh a. Khawtlang hruaitute, NGO hruaitute, Kohhran hruaitu pawimawh tak tak te ko in kan sawiho a, kan han sawifiah a. Anni pawhin tha min tihpui zel a. Kan Kohhran hotute pawhin kan tlai chhan te, kan kalpui tum dan te an hriat hian uluk taka kalpui ani tih an hriat hian kan khawtlai te pawh hi min hriatthiam phah a. Kan Kohhran hrang hrang te pawh hi an phur hle ani. Apex Board ah te leh thildangah kan hotuten kan Kohhran hruaitute leh NGO hruaitute an telh ve zel a. Chutiang khawp chuan a selection ani emaw a kalpui dan zawng zawngah hian anih avangin kan khawtlai ta deuh a. Tun hunah hian mipui hi an in peih thawkhat tawh a. Mahse, member zahawm tak Pu C. Ramhluna'n a bial a va fanna ang te kha anih chuan an in peih miah lova. Dawn pawh an dawng lo maithei ani, khatiang rilru pu kha chu a nuaih tel a min pek loh chuan a dawn pawh kan dawng lo ang an tih kha chuan kan lawm khawp ang. A nuaih tel khan dawng sela, thil, chaw dang ral ah an hmang dawn tih a chiang reng mai a. Khatiang chi kha chu dawn tir loh pawh kan ngam dawn a, kan tum bawk a ni. Chutiang chu anih avangin mi pangngai chin chuan an hrethiam khawp mai. Member zahawm tak.....(Pu C. Ramhluna : ka bial chhung ami lo zawk te an ni e.) a khawilai pawh nise khatiang mite kha chuan an dawng lo ang. Hmang dik lo tur hnenah pek kan tum tawh lo khawp mai.

Thenkhat chuan an in vau, chutiang khatiang chuan min ti thin ani awm e. Engpawh nise, thahnem ngaih ana a. Entirnan, kan khawtlai chho te hirawn justified tu a awm zel ani. Kan Agriculture Minister hian a thahnem ngaihna in power tiller te, lei lehna tractor te, 75 % subsidy in kut hnathawk mite leh leilet neitu mi za tam tak hnenah a pe chhuak ani. Chutah chuan an hman dik loh an hlah avangin in tiam kamna lehkha an sign vek a. Kan hman dik loh chuan, kan tih riral chuan sorkarin kan chungah action ala thei ang, ti a ziak a ni. Chuti chung chuan pa pathum pali vel lai chuan Bagha-ah te, Lailapur-ah te an lo zuk hralh pek a. Tichuan, lei rem rah tir kan tum, khaw eng hmuhtir kan tum te kha, Pu Speaker, man a, tan tir an ngai ta a ni. A vanduai thlak khawp mai, lei rem rah tir kan tum na na na, khaw eng hmuhtir kan tum na na na, han man leh rih a, han tan tir leh rih ngai te kha, thil vanduai thlak tak, lungchhiat thlak tak ani. Chuvangin tan rei loh nan, dan ani emaw nilo emaw, bail a an chhuah thuai dan te pawh kan hotute'n an ngaihtuah pui nasa hle a. Amaherawhchu, an sual man erawh chu alo thlawn a an kalpui kha chu kan duh lova. A man te kha an recover tur a ni, an hnen atang khan. Chutiang deuh chuan NLUP ah te pawh hian, lei rem an rah ngei a, khaw eng an hmuh ngei hi kan hotuten an duh avangin. Khatiang zawng deuh a dan ina a own course a kal kawng a a rawn kal dan tur te kha ruahman tel a ni. Chutiang hial chu a ni a, tin, a monitoring te, evaluation te, leh a tul chuan social audit te thleng pawhin provision dah vek a ni. Chutiang tak chuan kan hotute hian a sum a tam tham bawk a, an ngunthluk a ni.

Tin, Prime Minister special package anih leh nih loh lam hi chu ka hre lova, engpawh niselangin hei hi khatiang a, a hranpa liau liau a Cabinet Committee on Public Affairs in, plan leh plan loh pawh ngaihtuah lova an sanctioned a ni tih erawh chu kan chiang a. Helai ah anmahni, Government of India, Press Released ah pawh hian a chiang a ni, chu chu NLUP chungchangah niselangin. A amount kha kan hrechiang tawh a, mahselangin kan sawi darh nuaih lohna turin cheng vaibelchhe 2873.13 a ni. Tin, vawk vulh emaw ar vulh emaw hi kan tuipui dawn lo, Pu Speaker, vawk vulh emaw ar vulh emaw pawh khawchhunga an vulh hian eizawna tuantling an tu leh fate thlenga ro chun tlak an siam dawn lo a ni tih kan hre chiang a, chuvangin ar vulh emaw vawk vulh emaw khawchhunga han tih mai mai chi hi kan hotuten an remti dawn lo. Amaherawhchu, a farm zawnga an ti dawn anih chuan an tuipui hle dawn a, ₹ 1,00,000 /- mai pawh ni lovin a aia tam te pawh nisela, kan inhuam ang tihah khan kan in huam a ni. Chuvangin a thlang an awm anih pawhin a duh an awm anih pawhin, entirnan, in za khuah in sawmli vawk vulh thlang se, sawmthumin ar vulh thlang sela, khaw chhungah ram an nei a, pawnlam anih dawn loh chuan, khawchhungah anih dawn chuan kan phalsak dawn lo, chutiang khawp chuan kan hotute an fimkhur a ni tih hi he House zahawm takah hian ka'n sawi duh a. Tin, NLUP ah hian line department pariat (8) chiah an awm, kan department zawng zawng hi huap an ni dawn lo a ni.

Tin, Pu Duha khan hemi MBBS zirlai pakhata kan sen tam zia te leh heng te avang hian Medical College te pawh hi nei thuai ila, tih rawtna a rawn siam a. Tunah hian kan Health Minister leh Health Department te hian Central Sorkar Health Ministries min tuipui angin a kalpui dan tur leh neih ran dan tur kan dap mek a. Ram hi kan harsa deuh ber mai a, Mizoram hian. Tunah pawh hian Hydrel Project te hi Mizorama lui awm zawng zawng te hi khuah deuh vek kan tum a, hma kan la mek a. Amaherawhchu, a project cost ai hian compensation component cost ah hian senso a tam thin a. Chuvangin chu chu kan buaina a ni a. Project thenkhat phei chu a

project cost ai hian compensation component tam tur hi a awm nual a ni. Chuti anih chuan kan ram hian nasa takin a hnufum phah dawn a, compensation hnam kan nih atang pawh hianin withdraw dan zawi zawiin ngaihtuah a tul hle in ka ring a. Tin, a bik takin khawpua miliante leh mi thil ti thei te hian helaiah hian sorkarin engemaw thil ala tih theih takin tiin ram lo lei lawk te an ching a, tunlaiah pawh hian chutianga lei chu an awm nual a ni tih te pawh hriat a ni a, in dan dan te pawh kan hotuten an la ngaihtuah chho mek dawn a ni. Pressure of land a tam avangin Falkawn area ah sawn, a main college hi chu leng thei awmin kan ngai a. Tin, an danah khan staff quarters ang chi, entirnan, principal emaw, a faculty hrang hrang te quarters ang kha chu darkar chanve ang chhung vel te a thlen theih tur anih kha chuan dah te pawh an remti a, chuti anih chuan a chhehvel khuaah te pawh sawn engemaw zat chu kan locate thei ang tih kan ring a, chutiang chuan ngaihtuahna a awm a. Amaherawhchu, hmun tha zawk chu dap reng a ni a, sawlai saw chutiang zan a duhthu a sam loh avangin. Tin, heng kan institute neih tur tam tak, NIT te IIM te Mass Communications te leh khatiang ho chi kha District hrang hrangah sem darh ilangin, Aizawl congestions te pawh hi kan ti tlem thei deuh ang tih ngaihtuahna a awm na in, Airport atanga darkar hnih aia hla lo nise tih a ni deuh vek maia, an rawn duh dana hi a buaithlak khawp a, mahse, chuti a ni nachungin a sem zai dan te pawh kan hotuten an la ngaihtuah dawn a ni. Chutiang chuan Central lampang pawhin min tuipei a, alian ber ang chi kan phak lo anih pawhin tlema mini deuh, engkim awm ve si, chutiang tal chu tiin min rawn nawr za mah zawk a ni a, chutiang chu kan dinhmun anih avangin, hmanhmawh lo theilo dinhmunah pawh kan ding nghe nghe a. Tin, Civil Hospital hi, khawpui laili takah bawlhhlawh bawm lian tak neih hi kan hun hmasa lam atang tawh khan tha kan ti lova. Amaherawhchu, insawn hlawk hi a harsa a, tunah khian chei zui zel leh expand zel, tih len zel ngaihna a awm tawh lova. Chuvangin a loh theih loh chin ang hi chu Falkawnah kan sawn chhuak phei zel dawn a ni.

Tin, sum kir hi kan ngaimawh tlang a, a ngaimawh awm reng a. Financial Management anga ni hranpa lova, mawhphur deuh te pawh an awm a, mawhphur deuh a kan inngaihte chu han in singsak dan te pawh kan ngaihtuah a. A tlangpuiin nikumah khan khatiang kha a awm kan hlauh avangin February thla tawpah hian Department hrang hrang ten an scheme, an project khatiang ho vela kha rawn thehltut selangin, nakinah ni 30, 31 March velah inhnehchhiah a, holam taka sum siam tum te danna te pawh ani ang tiin kan ngaihtuah tawh avangin kan hmalakna kha a rei hle a ni. Amaherawhchu, Department in an tlin loh a awm rualin, kan hriat phak lem loh khatiang tan kan lak tawh chuan a Department concern te chuan lo la ngar ngar tura kan ngaih lai khan la chiah lote an lo awm a, a department ang lo te pawhin individual te pawhin an ni maithei a. Chutiang chuan harsatna keimahni leh keimahni kan insiam a ni. Khatiang avanga khan khang kha lapse ta kan tih a kha ani a. A vai khan vaibelchhe 70 leh nuai 52 a ni a. Khatah khan vaibelchhe 22 leh nuai 87 revalidate leh tawh a ni a. Tichuan, vaibelchhe 47 leh nuai 65 vel bawr ala awm a ni. Hemi a a tam taka hi chu Plan Fund a ni a, plan fund hi chu state sorkar ta tur anih avangin thil harsa tur awmin kan ring lova. Thildang hi chu keimahni account, kan state account vawngtu Accountant General nena la tih chhoh ho zel a, reconcile a, en fela chutianga la revalidate leh theih niin kan beisei a. Chuvangin heng a bang la revalidate loh te pawh hi la revalidate chho zel turin hma kan la a, kan in beisei bawk a ni. Nikum lamah pawh khan hetiang lapse hi a awm lohna turin theihtawpin tan kan la a ni. Tin, Gas hi, nia, Mizoramah chuan sorkar hi kan puh zel a. Sorkar tak hi chuan mipuiin harsatna an nei hle tih loh ah hi chuan han tih ve tur teh chiam hi

a awm lova. A quota hi tih pun sak rawh, u tiin IOC leh Central ah te kan nawr sak thei a. Tih loh ah chuan local management ah hi chuan sumdawng an awm a, company a awm a. An inkara agency a kha a nia. An inkarah agreement an nei a, chuvangin lo black market leh khatiang chi an awm anih chuan leh an dawng thalo anih chuan a tlangpuiin kan inrawlhin, siam that kan tum chung hian min rawn hmutute ka lo advise na chu, heng in venga distributors te hi V/C leh NGO te nen kawm ula, venpui ula. An driver te pawn an lo bum thei a, hetiang black market leh a chhe ber ang te, adulteration ang te pawh hi an ti a. Tin, department te pawhin theihtawpin tan an la a. Hei, buhfai hralhruk leh thil dang dang pawh an man chhuak zela. Adulteration pawh an man chhuak zela, tiang hian theihpatawpin tan n la chho mek zel a ni. Tin, buhfai hi sum harsa chungin kan khamkhawp chu kan lei reng a ni Pu Speaker, amaherawhchu, kan vanduai deuh a relkawng, hel ten an titawpa an ti khaihlaak a. Tin, hei a lokal chho zel a, fur a lo na a, vawiinniah hian kan kawng zawng zawng in min pin hnan deuh vek a ni. Hei, Bairabi ah lei a that tawh loh avangin full load in an rawn phur theilo leh phawt a. Tin, kawng alo la tha lo kha siam tha chawp zelin fur chhia in min rawn nang chho leh a. Hetah han kalpui chho zel turah hmun hrang hrangah Champhai kawng te a han ping leh a. Tiang khan khang harsatna hrang hrang khan min tlakbuak a ni. Mahse, chuti chungin, hman tur a ka sawi tawh ang khan kan ramah hian tu te mah hi riltama an thih lohna turin, a tul chuan helicopter te pawhin kan airlift mai ang, tih kha ka sawi tawh a. Kha kha kan dinhmun a ni. Theihpatawpin kan bei. Tin, special permit hi an la zen zen lova. Chuvangin, a ngaihtuah awm lo, milian te leh mi Hausa te leh sorkar hnathawkte lampang ai chuan a hnuaihning lampang zawk deuh mi harsa te kha ngaihtuahna avang pawhin, special permit leh VIP quota te pawh hi awm lo se tiin kan hotuten an rel zawk a ni. Chutiang chu kan kalphung tlangpui a ni a.

Tin, member zahawm tak Pu Duha khan heng Agarbati stick siam dan te a rawn sawi a. Heng hi kan NLUP hian a cover vek a. Tin, tualchhunga mi an hlai dan sawi chhuaktu te nen pawh hian kan indawr deuh reng a. Lunglei lamah pawh khan Lunglei High Power Chairman khan a za tel a za tel kha leiin khatiang hmangtu te hnenah khanin a sem nghe nghe a ni. Vawiinah pawh hian Aizawl khawpuih pawh hian tanpui ngai si, amaherawhchu, ram nei silo an tam a ni, Pu Speaker, mi inhnuai luah a, ram inches khat pawh nei lo te an awm a. Chu chu NLUP activity dangah hi chuan han tanpui ngaihna an vang ang reng viau a. Kuhvakhawr dawr siam tute, khar chhawng te ang tepawh hi tanpui kan tum a. Engemaw ti kawng zawng takin scheme kan hotuten an buatsaih mek a. Chuvangin, Aizawl khawpuih pawh hian heng Agarbati stick siam te hi hetiang ram nei lo, mi inhnuai luah te hnenah hian pe ilangin, a sing tel, a sing tel hnenah. Chutiang chuan an tihna deuh bik tur centre te siam sak ilangin an ni hi ram neilo te tanpui an harsat lai hian a tanpui dan tur awlsam ber ani ang a, tiin kan hotuten ngaihtuahna an nei a. Khawpuih pawh a thawhkhatna ah hian a sang tel emaw chu tanpui theih an in beisei a ni. Chutiang chuan kan trade lian hmunphiah te nen lam hian a huam vek a. Hmunphiah pawh hi a kuangte pawh a hman tangkai dan tur kan hotuten an ngaihtuah a, mahse, tunah tak hian kan mi dawr a khawl a that loh avangin duh angin a la thei rih lo a ni. Chutiang chuan NLUP kan tih hian a fun tam hle a.

Tin, fertilizer hi a kalpui dan te a dik tawh loh avang te leh organize zawnga a kal avang khan tullo tura ngaih a ni a, tin, vawiina kan han buaipui tak phei chu Uria an tih hi a ni a, tichuan, agent ten an lo pek pawh kha tunah hian khatia kan han tih tawp ah khan min khing a, kan hneh lo a ni. Tichuan, tuna a kalphunga hi

chuan kan hotuten an la enfiah lova, la enfiah tur a ni a, subsidy in pek leh nise kan organic tak tak thei dawn silova, tih kha a dik a, tualchhunga kan intodelh hma hi chuan kan organic dawn chuang lova, phailam atanga anhnah te leh ilo vel kan lak luh chhung hi chuan khulam an organic chuang lova, chutiang chuan ngaihtuahna hman chhoh zel a ngai a, chutiang chuan hemi fertilizer te pawh hi a tul angin ngaihtuah lo thei lovah te pawh kan ding dawn a ni mai thei, tunah hian a agent ten an ti chho zel a, a ven harsa ber chu Burma rama a tam zawk lut chho khi ven a harsa khawp a, tunah pawh Zokhawtharah khian han kal ilangin a in chhek teuh in ka ring a. (Pu Lalduhoma : Tunah a agent te hian engchenge hun an la neih?).

Pu Speaker, kan hre mai lo, kan lo en a nge. A term nei chi in nge an awm, eng ang chi in nge an awm kan hre chiah lova, khatiing thil tha lo zawng zawng leh remchanglo zawng zawng kha tunah hian siamtha turin kan Agriculture Minister hian hma a la mek a. Tih ran dan pawh a tul dawn nite pawhin alang a. Vawiina kan rama lo lut reng hi Burma lamah te an tlan chho a. Kha kha keiniin kan lo la let leh a, churang chuan organic ngaihna hi a awmlo hrim hrim a, organic te pawh hi tha hle mahsela, a hmanhmawh hleihtheih loh, a dik taka sawi chuan.

Tin, sangha chi kha a department kha chu promote kha chu a dan a awm ve a, duhsak zawng te pawh hi Joint Director te pawh lo niselangin a year of service in a daih loh chuan a tih hleihtheih lohva. Amaherawhchu, sorkar hian a mihring a zirin kaisan tir tlak an nih leh nih loh te pawh hi a ngaihtuah ve a ngai a. Hna tha thawh kan duh a, corruption tih kian kan duh a, vawiinah hian seniority ringawta promotion kan tihna hi a rei tawh a, tunhna zawngin seniority cum efficiency ani thin a. Chuvangin, sorkar hian departmental examination hi accounts ah leh thildang dangah an pass chuan tih kha dan a awm sa a. Khatianga in tih deuh te anih loh chuan sorkarah hian efficiency a awm lo hle in a langa, inefficiency tam tak awm mahse, tin, inthlahdah deuh tan a encourage bawk si avangin chutiang zawng chuan Pu Speaker, kal kan tum a ni. Kha kha a tlangpuiin helaia rawn langsar deuh te chu niin ka hria a.

Sawmi chhim tawp lampang hi kan Minister hian Mara lampang a ni emaw, Chakma lampang ani emaw a lo fang chhuak vek tawh a. Sawngte pawh saw tih tak zeta anih tur ang taka han nih tir hi chuan Rice Bowl of Mizoram a tling thei dawn niin alang a, chuvangin kan mamawh chanve a phuhruk loh pawhin at least 1/3 te hi chu a phuhruk dawn chiangin ka hria a, chutianga kalpui chu a tum a ni. Tin, Saitluk Airport kha House-ah kan pass emaw pass lo emaw sorkar hmasa khan an lo sawirik nasat em avang khan chhonzawm tlak turah kan ngai a, chhonzawm tumna rilru nen kan ngaihtuah a ni. Pu Speaker, amaherawhchu, kan han belhchian khan Akyab survey-ah te pawh kan va kal ve a...(Speaker : Ngawirawh lawk aw, kan hun a tawp a. Kan chawl rih lawk ang nge? kan kal zel phawt dawn? I kaltlang zel phawt ang aw tikhan..) theih turah kan ngai a, survey te kan va neih ringawt kha chuan engmah a la hriat theih lohva. Chhonzawm tumin hma kan han la a. Amaherawhchu, a hmunah khan an lo la kal ngai reng reng lo a lo ni a. Kan Principal Consultant Lalzawma hovin engineer engemaw zat harsa takin an zuk thleng a, an han en a, thlawhna lian tum theihna tur atana chei kha a huphurhawm an ti a ni. Tin, sawlai hnaia khua ten chhum hniam hian a chenchilh duh khawp mai an ti lehngal a. Churang chuan theih loh turah kan ngai a. Amaherawhchu, a remchanna hmun apiangah chhim lama kan MLA te pawhin hma la turin hma an la reng a. Alternative site te an melh reng a. Airport Authority of India te pawh kan ko chho leh ang a. Saitluk kawm an tih te

pawh hi Airport Authority of India a an Chief Engineer leh a Deputy pahnih pathum hovin va en ani a. Amaherawhchu, tlak dawn lo leh siam harsa dawna a lan avangin hmundang ngaihtuah a ni. Hei hi sorkarin a ngaipawimawh hle a, a chhan chu Eleventh Multi-Border Transport Project saw kan zawh hunah chuan mi pawimawh leh milian kal te han vei zung zungna tur atan khan Airport tha chhim lamah sawn kan mamawh hrim hrim a. Chuvangin Lunglei District area ah a awm thei lo anih pawhin Lai area ah nge, chu chu kan hotuten chak takin an ngaihtuah a ni.

Tin, PMGSY-a kawng laih te hi a sum rawn petu R.D Ministry atangin a ministry in sum an nei lova. Kan lo thawh tawh ang hi sum min pe theilo a ni. Kan innawr nasa a, puk tur ministry khuan an zawng a. An hmuh chuan tuna kan bat zawng zawng rulhna tur hi min rawn pe thei turin kan beisei. Hmanni lawk khan lehkha sei pui kan ziak leh a ni. Tin, kan corporation te kan ngaimawh tlang a, a ngaimawhawm a. Tin, an ngaihpawimawh awm bawk a. Chuvangin, tha thara ngaihtuah an ngai a ni. Sorkar tan chuan Big White Elephant an ni vek a. Chuvangin, tha thara ngaihtuah an ngai a ni.

Tin, tukin lamah khan Food Processing Department tih chungchang kan sawinaah te pawh khan Central sorkarin kan sorkar hlim te ah khan Mega Foodpark atan cheng vaibelchhe 15 min earmark sak a. Amaherawhchu, kum khat chungin DPR pawh kan puitlin theilo a lo ni a. Tun kum kal lai atan chuan kan hloh ta rih a. Nakum lam tan kan inruahman a ngai a. Khami atang khan Food Processing Department te pawh chu nei thei turah kan ngai a ni.

Kha kha Pu Speaker, a tlangpuiin kan hotute ngaihpawimawh leh ngaihawh zual an rawn sawi te helaia ka lo chhinchhiah te ka han sawitheih te ni selangin. Pu Speaker, a tlangpuiin vawiina kan sawihona hi a lawmawm ka ti khawp mai a member zawng zawng in opposition lam te pawhin hemi supplementary demand kan han puahchah dan te lawmthu an sawi a. Tin, a tlangpuiin vawiina kan ngaihtuah zawng zawng hi kuthnathawk tute leh lo nei mite chanvo a ni te lawmthu an sawi hi lawmawm kan ti a. Chuvangin a hman chungchangah pawh dik taka hman kan tum avangin kan khawtlai dan te pawh kha kan sawi a ni a. Chuvangin Pu Speaker, kan sawihona a tlangpuiin lawmthu ka sawi duh a. NLUP te pawh min tuipei a, a lawmawm ka ti a. NLUP hi bialah te pawh a hlawhtlin theihna turin MLA te hian tan kan lak vek a ngai a. Tin, a hlawhtlinna tur tak tak atan chuan rinawmna, dikna, taimakna leh thawhrimna nen kan dawn a ngai a ni. Hmanni lawkah khan Rev. C. Chanchinmawia Churachandpur ah crusade neiin karhnih zet a va cham a, sawlaia mizo te chuan he sorkarah hian beisei tur a awm lova, beisei pawh kan beisei lova, chuvangin keimahni kan intodelh a ngai a. Taima takin kan thawk ringawt mai a ni. Tin, kan fate hian lehkha pawh thiam nise hna hmuh a harsa a. Hna hmuh dawn chuan nuai 2/3 a ngai a, chuvangin kan state sorkar chhungah hi chuan hna hmu turin kan beisei lova. Hna hmuh hnuah pawh transfer turin a sing tel chawi a ngai bawk si a, sorkarah beisei tur pakhatmah inhlawhna leh khatiang thil a awm bawk si lova. Chuvangin keimahni intodelh tumin theihtawpin taima takin kan thawk a ni. Tichuan kan fate pawnlamah kan zirtir a, pawn lamah chuan lehkha an lo thiam chuan hna hmuh te a awl zawk bawk a an ti a. Delhi ah te khuan rampawna Mizo te leh Mizo hnahtlak te, secretariat hrang hrangah te sawn an tam hle reng a ni. Ram chhungah chuan chuan tam kan awm tawh lo zawk a. Tin, Civil service hrang hrang IAS leh IPS ah te pawh hian chhuan tur hi an nei ta mang lova, mizo nive a kan hriat deuh te anmahniin mizo an in tih ve leh ve loh te pawh ngaihtuah lem lovin , kan

chanchinbuah te pawh hian chhuanah neih kan lo tum ve a, an pawm leh pawm loh pawh kan hre lem lova. Chutiang khawp chuan kan ramah hian kan awm tawh a ni. Chuvangin NLUP hian kan moral siamtha in taimakna thar min pe turin kan beisei a. Lunglei lamah chuan theihpatawp an chhuah tur thu leh an rilru pawh an in peih tawh a ni, tih te min lo hrilh thei a. Tin, a tlangdungah pawh chutiang khua chu an awm a ni. Heng zingah hian tlema lo zawmthaw deuh chu a awm loh theih lova, khawvel a ni a. Chutiang khawp chuan Pu Speaker, kan hotute hian tan an la a. Pathian pawhin mal a sawm niin a hriat a, tunah pawh hian Tripura a kan mizo te chungchang kan sawi duhna chhan pawh kha, khati khawp kha rilru an nei a ni. Keini ramah hi chuan sorkarin min tih sak sela tih rilru hi a na hle a, hei hi kan paih a ngai a, sorkar hi kan inngahna tur a ni, amaherawhchu a engkim a engkimah kan kaiten chhia thleng pawh a min rawn repair tura kan ngai te hi a dik tawh lo a ni, tih te pawh hi kan hriat chhuah a ngai a ni tih te hi kan sawi duh a, he NLUP Programme pawh hi Pathian malsawm tlaka a dawngtu te pawh hi kan awm ve a ngai a ni. Chuvangin rinawmna, dikna, thianghlimna leh taimakna nen dawng turin kan inchah a. MLA zawng zawngin kan bial zawng zawngah mawh kan phur tih in hria ila, tha kan ti a. Tin, enrolment chungchangah kan lo ti thiam lo deuh anih pawhin tun aia thuk zawka involve ve tur pawhin kan la in sawm chho zel ang a. Tin, a party zawngin kan kal hranpa lova, a mamawh leh a tul leh a phu apiang te thlan tur a ni a, tin, khati zawng khan kal dawn pawh ni ilangin, hetah village level atanga selection committee atang khan, khatiawng zawng khan duan a ni lova, hei hi min hriatpui turin kan sawm duh a ni.

Awle, Pu Speaker, tuna ka demand Governor, Mizoram ina a lo remtihna leh nang ina min phalsak na angin Demand No. 1, 3, 4, 5, 6, 7, 8, 9, 11, 12, 13, 14, 15, 16, 17, 18, 19, 20, 21, 22, 23, 24, 25, 26, 27, 28, 29, 30, 31, 32, 33, 34, 35, 36, 37, 38, 39, 40, 41, 42, 43, 44, 45, 46, 47 and 48 for ₹ 586,44,69,000/- only for meeting expenses during 2010 – 2011 in respect of the following department chu kan sawi tawh a. Hei hi he House zahawm tak hian khawngaih taka min pass pui turin, min pass sak turin ka rawn ngen a ni. Tin, khami rual khan Governor remtihna in leh I phalna in Pu Speaker Demand No. 2, 4, 12, 16, 33, 36 and 39 for ₹ 44,13,5,000/- hi excess expenditure during 2004 – 2005, 2005 – 2006, 2006 – 2007, 2007 – 2008 in respect of the following department an ti a, kan sawi tawh a. Rural Development, Power & Electricity, Law & Judicial, Parliamentary, Home, Soil & Water Conservation, Environment & Forest heng te hi he House zahawm tak hian lungrual taka min pass sak turin ka ngen e. Ka lawm e.

SPEAKER : Awle, a changtu Minister in a rawn wind-up a, pass a rawn dil bawk a, kan buk mai anga khami a demand hrang hrang kha ni lovin a hlawmin kan rawn la anga, First Supplementary Demand for the year 2010 – 2011 atan cheng ₹ 568,44,69000 hi pass remti apiangin remti ti ru le, remtilo kan awm em? remti lo kan awm lo maw? Awle, First Supplementary Demand for the year 2010 – 2011 atan ₹ 568,44,69000 hi lungrual takin House in a passed ta a ni. Tin Supplementary Demand for grants of expenditure for the year 2004-2005, 2005-2006, 2006-2007 leh 2007-2008 atan ₹ 44,13,5000 te hi pass remti apiangin remti tiru le. Remtilo kan awm em? awm lo maw? Awle, Supplementary Demand for grant of excess expenditure for the year 2004-2005, 2005-2006, 2006-2007, 2007-2008 atan ₹ 44,13,5000 te hi House in lungrual takin a passed ta a ni. Tunah chuan Legislative

Business dangah kan kal leh anga. Pu Lal Thanhawla, Chief Minister zahawm takin 'The Mizoram appropriation No. 3 Bill 2010 hi House-ah introduce rawn dil se.

Pu LAL THANHAWLA, CHIEF MINISTER : Pu Speaker, i phalna in Mizoram Appropriation No. 3 Bill 2010 hi he House-ah introduce ka rawn dil e.

S P E A K E R : Awle, Chief Minister zahawm takin Bill introduce a rawn dil a. Kan phal mai em? phal maw. Kan phal chuan rawn introduce tur leh move nghal turin sawm ila a copy kha sem niselangin.

Pu LAL THANHAWLA, CHIEF MINISTER : Pass ka rawn dil nghal dawn nge....Pu Speaker, 'The Mizoram Appropriation No. 3 Bill 2010' he House zahawm takah hian ka rawn introduce a. He House zahawm tak hian min ngaihtuah sak a min pass sak nghal turin ka han ngen e. Ka lawm e.

S P E A K E R : Khati khan a copy kha a semtu ten in sem zawh tawh chuan. Hei, Appropriation Bill hi Budget kan namliam tak kan hman theihna tura kawngka hawngtu leh a lo ni a. A serh zinga a mei ang mai kan tih thin kha a ni a. Sawiho vak a tulin alang lova. Kan sawiho vek tawh, khami han khaihawmna leh tlipna kha a ni mai a. Chuvang chuan buk mai ilangin a tha mai tiru.

The Mizoram Appropriation No. 3 Bill 2010, pass remti apiangin remti tirawh u le. Remti lo kan awm em? awm lo maw. Awle, The Mizoram Appropriation No. 3 Bill 2010 chu House in lungrual takin a passed ta a ni. A dangah kan kal leh ang a. Pu Lal Thanhawla Chief Minister zahawm takin 'The Mizoram Appropriation (No. 4) Bill 2010' hi House-ah introduce han dil sela.

Pu LAL THANHAWLA, CHIEF MINISTER : Pu Speaker, I phalna in 'The Mizoram Appropriation (No. 4) Bill 2010' hi he House-ah hian introduce ka rawn dil e.

S P E A K E R : Awle, kan Chief Minister zahawm takin introduce a rawn dil a, kan phal em? kan phal maw. Kan phal chuanin tunah rawn introduce turin sawm ilangin, tin, a hma ami ang bawk khan pass tir pahin rawn move nghal mai se a tha ang e. I lo sawm ang.

Pu LAL THANHAWLA, CHIEF MINISTER : Pu Speaker, ka lawm e. I phalna in leh i remtihna in The Mizoram Appropriation (No. 4) Bill 2010 ka rawn introduce a, tin, he House zahawm tak hian min ngaihtuah saka min pass sak nghal turin ka rawn ngen e.

SPEAKER : Awle, appropriation hi budget anih hi chuan a serh zinga mei ang mai a tel zel ani a, a pawimawh bawk a, a hma a kan tih ang deuh khan sawiho pawh a tul lem in a langlo a. Sawihona kan neih tawh tlipna ani a, chuvangin buk leh mai ilangin. A copy kha han sem rawh u. A copy sem hma chuan kan buk thei nang. Hriat hleih loh buk chu member ten kan ti lovang. In sem zawh tawh chuan sawi tawh ang khan kan sawiho vek tawh tlipna kha ani ber mai a, chuvangin buk mai ilangin. 'The Mizoram Appropriation (No. 4) Bill 2010' pass remti apiangin 'remti' ti rawh u le. Remti lo kan awm chuan 'remtilo' ti ila. Awmlo maw? Awle, 'The Mizoram Appropriation (No. 4) Bill 2010' hi House-in lungruual takin a pass ta ani. Tunah hian Bill pakhat kan la nei tunah khian dar 4 : 20 vel ani a. Tlang zel mai kha tum ta ila a tha awm e. Kan tlang zel mai ang nge kan han chawlh san rih ang? House hi kan rawn teh ang. Hei hi chu Bill dang a lawm, a hma ami kha Bill hmasa ani. Anih aw tlang zel ang aw. Tunah chuan Pu Lal Thanhawla, Mizoram Chief Minister zahawm takin 'The Mizoram Fiscal Responsibility and Budget Management (second Ammendment) Bill, 2010' hi House-ah introduce phalna rawn dil sela. I lo sawm ang.

Pu LAL THANHAWLA, CHIEF MINISTER : Pu Speaker, I remtihna in he House zahawm takah hian 'The Mizoram Fiscal Responsibility and Budget Management (Second Ammendment) Bill, 2010' introduce ka han dil e.

SPEAKER : Introduce a rawn dil ta a, kan remti em? rawn introduce selangin ngaihtuah turin rawn move nghal se a tha ang e.

Pu LAL THANHAWLA, CHIEF MINISTER : Pu Speaker, 'The Mizoram Fiscal Responsibility and Budget Management (Second Ammendment) Bill, 2010' hi he House ina min ngaihtuah sak turin ka rawn move e.

SPEAKER : Tikhan House ngaihtuah turin a rawn introduce in a rawn move ta a, a Bill chungchang kha.....e! han move langin. House te min han hrilhfiah la, sawiho ngai lovin kan namliam pui theih dan che pawh a awm ang a, i sawifiah loh chuan kan namliam pui thei lo maithei che a ni.

Pu LAL THANHAWLA, CHIEF MINISTER : Pu Speaker, kan hriat leh kan lo hmuh tawh sa vek kha a ni a, han sawibelh teh chiam tur a awm hranpa lova amaherawhchu, hmanni ang khan signature Financial Memorandum tih leh he mi a statement of objection reasons hrim hrim ah hian a signature lo danglam a hi, Finance Minister signature ni lo deuh a hriatna kha hetah pawh hian a awm leh a, hei hi chu senior Minister in acting Chief Minister anihna anga alo signed a ni tih kha kan sawi tawh kha han sawibelh teh chiam pawh ngaiin ka hrelo, tah hian a inziak chiang vek a, kan hotuten an hre vek tawh a, lehkhathiam theuh an ni a. Chuvangin Pu Speaker, ka rawn move rual hian hun kan lak loh zawkna turin kan member zahawm tak ten an lo en vek tawh a, an lo hre vek tawh a, sawi duh zawk an neih chuan rawn sawi sela Pu Speaker, he Bill hi ka rawn move e.

SPEAKER : Tunah han sawi duh zawk nei te kan awm em? copy kha.....Pu Lalduhoma ilo sawm ang.

Pu LALDUHOMA : Pu Speaker, amendment Bill mai ani na chungin hemi chungchang hi a pawimawh em em a. Member te hi taima lehzual deuh phei ni ilang chuan rei deuh sawi tur hi a awm tho mai a. Chu chu ka hlauh avang ania tukinah khan Point of Order kha ka raise reng ni. Vawiinah absent kan tam a, kan participate kim lo chungin ti hi kan ni a.

Hemi chungchang ka'n sawi duh chu Pu Speaker, India ramah hian hun rei tak State ah leh Parliament ah Budget Session a budget kan pass kha kumtluanin kan ring a. A inkarah ruling sorkar lamin engang pawhin lo divert in lo tikual mahsengin, sawilehna chance House-ah a awm ngailova. Chumi avang chuan India ram kha thuitak kan lokal soal tawh a. Chumi dan nan chuan tiin hemi Fiscal Responsibility and Budget Management Act hi 2000 kum khan Parliament-in alo pass ta kha a ni a. Chutianga kan kal ve chu a tha tih hriain 2005-ah khan ZNP Legislature Party hian House-ah he Bill hi kan pulut a. Khatihlai a sorkar khan tul min tih sak lova, min hnawl sak a ni. Amaherawhchu, "He dan hi in lo neih ve chuan in leiba interest rate hi kan tihhniam sak ang che u anga, engemaw zat hi kan write-off sak bawh ang che u, in neih loh chuan in pawisa hmuh zelah pawh hian harsatna in tawh dawn ani", ti a Central lamin pressure an rawn siam tak avang khan 2006 khan an rawn introduce ve leh a. Chu chu lungrual takin kan pass a, pawisa tam tak kha min write-off sak avang leh interest rate min tihhniam sak avangin 3 % aia tam leina nei tawh lo tura ngaih kan ni. Chuvang chuan kan leiba tam tham tak min write-off sak ta a, kan la bat interest pawh min tih hniam sak ta bawh a. Keinin kum 2008-2009 ah kan leibat chu 3 % a tih hniam kan tum tur a ni ve thung a. Mahse, hun tiam chhunga kan leiba 3% a kan tlakhniam tir theih tak loh avangin Amendment kan siam a, kan leiba chu 2009-2010 a 3% a thakhniam tir turin kan ti leh ta a. Chuti chung pawhin kan la ti thei leh ta chuang lova. Chuvangin tunah hian Second Amendment siam alo tul leh ta a ni a. Kan leiba 3% of GSDP-a kan tih hniam hun tur chu 2014-2015 ah sawn hlat a lo ni leh ta a. Hei hi chu tih theih ngei kan tum a, a tha hle ang.

Member zahawm tak Pu K. Lianzuala Unstarred Question No. 4 chhanna kha en ila, tuna kan leiba hi vaibelchhe 3300 vel ani a. Kumina kan Plan Budget let hnih

aiin kan leiba hi ala tam ani. Kan tan deuh chu a ngai dawn a. Kan leiba hrim hrim hi kan GSDP atanga chhut a 75% aia sang kan bat chuan Finance Committee hian a ngai serious em em ani. Tunah hian kan leiba hi chu aia sang daih chu niin a langa. Heng te pawh hi nichina NLUP atanga Production by the masses ka tih kha hlawhtling taka kan kalpui chuan a titem thei ang a. Anih loh chuan kan tanna ngai ah bawh kan tang leh dawn ani tih hi a chiang sa a. Non-Plan leiba pheih hi chu Finance Commission hian a ngai haw lehzuai ani.

Tichuan helaia amendment a lo kal pakhat Asset Register tih kha a tirah khan kan Act kan pass tirh khan kan lo telh lo a, Accountant General lampangin tih ngei ngei tur an tih avang khan 2009 ah khan kan amend ah khan kan thun ta a ni a. Budget rawn present rual hian Asset Statement hi Finance Minister-in House-ah a rawn pulut tur ani. Chu chu tunah hian rawn pulut dawn tasela, Accrual Accounting System kan la hman loh avangin a remchang lo, a la theih loh ani tih thu hla ah tunah hian khalai section 3 kha han amend leh a lo tul ta ani a. Helai pawh hi Accrual Accounting System tih hi min han hrilhfiyah se, ka hre lo riau mai a. Engpawh nise, kan asset hi hei committee anga spot inspection kan han neih pawh hian khawl man to pui pui hi engtika lei nge? cheng engzah man nge? tunge a supply tu? tihte hmuh theih reng reng loh hi tam in, Asset Register hi an maintain mumal lo hlawm hle a. Chuvang chuan an Private Farm ah pawh lo phur daih selangin a theih tlat mai a. Mamawh loh pawh lo lei teuh se, a theih tlat mai a. Budget Statement rualin Asset Statement hi a lokal tur ani a, chu chu tunah chuan Accounting System neih hma hi chuan Department hrang hrang record based in a lokal dawn a ni tih ani a, kha kha a tha tho a ni, awm miah lo ai chuan. Hengte pawh hi kan zawm chhoh theih chuan hmasawwna nasa tak min pe in ka ring a. Chuvangin thahnemngaih thil ah khang kha Pu Speaker, kan ril te a tam tan tawh a han sawi zel pawh kha a inthlahrun awm tawh tho mai a. (Speaker : E, insum duh suh, riltam ala hun lo, dar 6:00 hma chuan chaw kan ei hlawm lo ang)

Hetiang ang hi chu tha taka thawl deuh a han discuss a han deliberate tlan te pawh hi ram tan hian a tha thin hian ka hria a, a uihawm hi ka ti deuh hlek thin a. Engpawh nisela, khang kha ka duh tawh mai ang a. Tha lehzuai a kan kalna tur ani a. Parliament ah chuan overall in review report hi Parliament-ah Finance Minister in Both Houses ah a pulut thin a ni. Keini danah hi chuanin thla 6 chhungin kumkhatah vawikhat chauh ani a. He review committee pawh hi a tam ber chu official ho anni a. Chumi tena review an rawn siam a chu kan Finance Minister hian hi hian a copy min rawn sem ringawt leh dawn a ni, nakinah. Kan discuss dawn chuang lo a, kan sawiho dawn chuang lo a, ala tawh lo hi ka ti khawp mai a. Amaherawhchu, chung te chu han ti zel dawn ilangin, amend leh kha ala ngai dawn a, khangte kha chu tunah a tawp dawnah han sawi chi pawh a niin ka hre lo a. Duhthu erawh chu a sam lo a, A hma a kan dinhmun ai erawh kha chuan kan thatpui dawn. India ram pawhin a thatpui a, keini State pawhin kan thatpui hle ang tih hi ka ring a. Tichuan, 2014-2015 ah chuan 3% a kan tlak thlak hian a tha hle dawn a ni. Tunah pawh hian kan leiba tam tak kha min write-off sak dawn bawh a, thil lawmawm tak niin ka hria. Ka lawm e.

SPEAKER : Han sawi ve leh duh awm kan awm em? Dr. R. Lalthangliana.

Dr. R. LALTHANGLIANA : Pu Speaker, ka lawm e. Sawi dawn chuanin sawi tur tam tak a awm a, hmanni khanin Bill pakhat kha, kha kan han pass ta mai a, a lawmawm viauin ka hria a. Vawiina kan amendment a hi kum 2005 khan he House-ah hian uluk takin kan ngaihtuah a. Vawi leh khatah kan la hmel hriat tam tawk lo a, tlemin a tlang mai lo deuh kha a ni a. Tunah erawh chuan kha an tlangchho ta a. Sorkar hmasa pawh khan tul a tiin ka hria a. Tin, hei hianin Fiscal transparency ti mai ang, inpawh tlang taka kan inhriat pawhna tur ang chi te a keng a. Tin, hei tunah 13th Finance Commission alo chhuak a. Hei, Award engemaw zat Mizoram pawhin kan dawng ve dawn kha a ni a. Session hmasaah te pawh khan kan hretlangin ka hria a, kha khanin tia a lan dan chuanin recommendation point pawimawh tak tak kha pahnih thum vel kha a rawn tarlang a, chuvang chuanin keimahni State pawh nilo State dang pawhin he amendment a hi siam a, House pass tur ang chi a han tihna kha a nei hrim hrim mai a.

Tin, ka chhiar ka chhiar hianin tuna kan neih dan phung piah lama tha zawk tura ngaihtuahna uluk taka Government of India atang lokal anih tho si avang hian han sawi sei dawn chuan sawi tur a awm tak naa Pu Speaker, kan pass mai te pawh hi a thain ka hria. Hei, a phek tawp lamah khanin thil pahnih a rawn tarlang a, 'The 13th Finance Commission has further recommended corresponding initiatives to the State Government on the efforts to fiscal consolidation by linking it will debt relief devised by it' a ti a, 'on fulfilling the requirements as desired by the commission, the State Government will be eligible' a ti a, kha kha a pawimawh riauin ka hria 'or benefits in the form of debt relief consisting of the following packages', a ti ta a, packages kha a rawn tarlang a, chuan pakhatna ah khanin, 'Loan to state from national small saving fund NSSF contracted till 2006-2007 and outstanding at the end of 2009-2010 will be reset at 9% rate of interest', a ti ta a, chuan a thlangah khan No. 2-naah 'Loan from Central Government to state administered by outstanding as at the end of 2010 will be written off', a ti a, kan tih kha chuan thil tha a hring dawn hrim hrim ah beisei ta ila a that ka ring a. Tin, hei hi keimahni Mizoram State chauh pawh nilo, State dang zawng zawngah te pawh an tih thliah thliah a rinawm a. Tin, kan lo hman tawh chhoh mek alo ni bawk a Pu Speaker, haw hma hrim hrim duh vang pawh nilovin kan sawi dawn chuan sawi tur chu kan neih nual chu ka ring a, tiang hian amendment te a ni bawk a, kan kalpui lai mek te ani bawk a, kan pass mai kha a tha lawm mawle ka'n ti deuh. (Speech not corrected)

SPEAKER : Kha kan han sawi a, Dan bu hi a pan reuh na a, thil pawimawh deuh mai kha alo nia, kan harh sung sung mai a, an han sawiho eng atang pawh khanin. Alo tih chi khawp mai a, chuvangin khami kan sawiho na kha han duhtawk ilangin, a Bill neitu kan Chief Minister khanin han sawi duh te emaw a nei em?

Pu LAL THANAWLA, CHIEF MINISTER : Pu Speaker, ka sawi tawh ang khanin sawibelh tur leh engemaw duh thawhna lai te sawi tur a awm nual ang a, member zahawm tak Pu Duhoma sawi ang khan lo khal chiang deuh tawh te leh a hmalam atanga thil kal tawh te lo en tan chuan. Amaherawhchu, tunah hemi ngau ngauah hi chuan kan hotu zahawm tak te pahnihin an lo sawi tawh ang khan tlem a

zuk duhthawhna lai emaw tan lak dan tur emaw tih loh a kha chu, hemi chungah rau rau hi chuan han sawibelh tehchiam tur pawh awmin a lang lova. Member zahawm tak Pu Duhoma'n a rawn sawi te kha a dik vek a, tan lak ngaihna lai a ni. Chuvangin han sawibelh teh chiam tur pawh ka nei hranpa lo a ni. Hemi Asset Register tih hi a pawimawh zia chu kha a rawn sawilang tawh a, keipawh hian ka lo hmu nual tawh a, a bik takin hospital thenkhatah te pheih chuanin lo nei selang chuan nakin zela action lakna tur te pawh a awm thei tur a ni a. Entirnan, Lunglei Hospital kan kal chuan bungraw lianpui pui mai hmantlak loh, to tak tak tih hriat reng hi alo awm teuh mai ani, an pindan hrang hrangah khan. Heng hi engtizia nge kan han ti a, hetiang hmantlak loh tih te hi chu alo dawngtute hi in responsible alawm, a officer te hi, hmantlak loh te chu dawn loh mai tur alawm kan han ti a. Mahse, anni kha chuan "a ka pu, zanah te zingah te kan hospital kawtah hian a rawn let tawp ringawt mai a, tunge rawn phur a, tunge supplier pawh kan hre zui tawh lo reng reng a, tiang thil tha kan han nghahhlelh ngawih ngawih a kha alo thleng a, kan han hawng a tiang hi alo ni ta mai a. Chuvangin accept leh accept loh question pawh kha a raise hranpa lo ani" an ti a, anihna chin pawh a awm a. Mahse, chuti chungin khangah te pawh khan asset register tha tak ten lo register in han ti se chuan, inchhui zui te pawh kha awl deuh tur a ni a. Chutiang kawngah te chuan heng asset register te a awm a. Tin, hemi kan leiba 3% hnuiaia kan revenue deficit han tih tlak tur chungchangah te pawh hian kan fail nasa khawp mai a. Kan harsatna avangin. Heng hi chu kan member zahawm takin a han sawi a, sawi nawn leh chiam pawh a ngai lova. Hei, a chhiar thiam tan chuan en hian a lang vek mai a. Chuvangin khami zawng kha ni mai sela. Tin, hemi fortnightly review kan tih te leh half yearly review kan tih ang chi te pawh kha tih ve ziah a ni a. Nia, han review dawn ilangin a dik tak chuan keimahni, a thawktu officer te bak a kha chu thiam tehchiam pawh hi kan awm chuang lova. Anmahni tih sa kha kan rin mai tur kha a ni leh reng a ni.

Tin, member zahawm tak Pu Duha khan Accrual Accounting System a rawn sawi a. Hetiang accounting system ah chuan sum transaction awm tawh chauh nilo. Expenditure commit thei, a taka sum la pek chhuah loh te, khang te pawh kha a tel vek tur a ni a. Chuvangin khami ang anih hma kha chuan tiin kan AG te pawn an ti a, kha kha tih theih tur ang a ni a. Tin, Asset Register hi Acrual Accounting kan hman dawn pawhin a theih ang ang in Assembly ah pharh kan tum tawh dawn a ni.

Hei hi, nia, kan sawi ang khan a pawimawh tak zet a, kut tlinglova sum lak tumna leh khatiang thil dang dangah leh keimahni member te pawhin kan actual position te kan hriat theihna'n leh engemaw tia thahnemngaih changte pawh a han tlawh ve zawk changte pawh a dinhmun dik tak hriat theihna'n te a that dawn vangin, heng thil tul mamawh zual kan amendment in a tum te hi hlawhtling turin action lak dan kan lo ngaihtuah ang a. Tichuan, Pu Speaker, hemi Mizoram Fiscal Responsibility and Budget Management (second amendment) Bill, 2010 hi member zahawm tak ten responsible takin, objective takin an rawn sawi tawh kha lawmawm ka ti a. Tunah hian min pass sak nghal turin House zahawm tak hi ka rawn ngen a ni, Pu Speaker.

SPEAKER : Minister in pass a rawn dil a. Kan buk mek a 'The Mizoram Fiscal Responsibility and Budget Management (Second Amendment) Bill, 2010' hi pass remti apiangin 'remti' ti rawh u le.

Remti lo kan awm em? awm lo maw? Awle, 'The Mizoram Fiscal Responsibility and Budget Management (Second Amendment) Bill, 2010' chu House in lungruah takin a pawss ta a ni.

Pu LAL THANHAWLA, CHIEF MINISTER : Pu Speaker, Bill zawng zawng House-in responsible leh objective takin an ngaihtuah a, lungruah taka min pass sak avangin House chungah leh i chungah ka lawm a, lawmthu ka sawi e.

S P E A K E R : Chair atang han tih rik lawk duh ka nei a. Nichinah khan kan member zahawm tak te khan, kan official te hian House a Zoram pawimawh thil kan sawi te hi an ngai pawimawh tawh lovin kan hria a. Heng House a kan thusawi te pawh hi rawn bengkhawn ve selangin, lo ngaithla in, hetilaiah te pawh hian an tih kha kan official ten a an lo hriat reng theih nan kan Minister te khan in hnuaiia officer te kha Department tin atang khan engemaw a bul atanga a tawp deuh thleng a kan session alo awm tur tal kha rawn detail thei ta ulangin a tha awm mang e, tih ka lo ngaihtuah a.

PU LAL THANHAWLA, CHIEF MINISTER : Chief Secretary ka lo hrih anga, mahse an vai vai emaw ang kha chu a theih loh anga. Kan session chung khan hna an thulh dawn tihna a ni a. Amaherawhchu, a pawimawh deute hi chuan anmahni office ah T.V. ah an lo en ve thin a, a pawimawh kha chu an lo note tho a, hna thulh chuang lo khan. Amaherawhchu, Department tin te khan an aiawh an rawn tirh chu a tha khawp anga Chief Secretary ka lo hrih ange.

S P E A K E R : Chu chu kan House Leader in min lo hriatpui sela. Tin, order of precedence an sem, Mizoram copy kha ka han en ve a. No. 7 ah khan kan Chief Minister an lo chhu tel reng reng lo mai a. Heta a hnung note te ah khan Chief Minister hi hemi a number 7 ah pawh hian 'hei hi ngaih pawimawh tur' a ti leh lawi si a. Khatilai kha, a copy kan hmuh ah khan kan Chief Minister kha a order of preceden ce a lang lo reng reng a ni a. An chhut hmaih ani ang.

Awle, vawiinnia kan business chu kan zo ta a, kan chawl tawh anga. Ni 23 leh 24 hi President of India a lokal tur anih avangin kan chawl anga, ni 25 leh 26 hi Inrini leh Pathianni a lo ni leh bawh a. Chuvangin, ni 27.9.2010 Thawhtanni zing dar 10:30 ah kan thukhawm leh dawn nia.

Sitting is adjourned.
4:45 P.M.